

تحقیق مجلہ

کھوج

لاہور

چھ ماہی

مسل شماره نمبر 71

مدیر

پروفیسر ڈاکٹر عصمت اللہ زاہد



شعبہ پنجابی یونیورسٹی اوری اینٹل کلج لاہور

مجلہ ”کھوج“

ISSN: 1992-6545

- ایڈیٹر : پروفیسر ڈاکٹر عصمت اللہ زاهد
ڈپٹی ایڈیٹر : ڈاکٹر نوید شہزاد
ادارتی کمیٹی : ڈاکٹر سعید خاور بھٹا، ڈاکٹر ناہید شاہد، ڈاکٹر نبیلہ رحمان،
ڈاکٹر انجم رحمانی، ڈاکٹر یونس احقر (پاکستان)
ڈاکٹر کرنیل سنگھ تھند (بھارت)
مشاورتی کمیٹی : ڈاکٹر سید اختر جعفری، ڈاکٹر عبدالرزاق شاہد، ڈاکٹر ثریا احمد
ڈاکٹر شاہد کاشمیری، عمران خالد (پاکستان)
ڈاکٹر ستیش کمار ورمہ (بھارت)
کمپوزنگ : محمد سدھیر
چھاپہ خانہ : پنجاب یونیورسٹی پریس، لاہور
پتہ : شعبہ پنجابی، پنجاب یونیورسٹی اور ی اینٹل کالج
علامہ اقبال کیمپس، لاہور (پاکستان)
ای میل : info.punjabi@pu.edu.pk
فون/فیکس : 042-99210834
شمارے داخل : 300/- روپے پاکستانی، بیرون ملک 10 امریکی ڈالر

مجلہ چھپما ہی ”کھوج“ وچ چھپن والے مقالے، مقالہ نگاراں دی راء تے مبنی ہوندے نیں۔
ایہنوں ادارہ یا ادارتی کمیٹی دی راء تصور نہ کیتا جائے..... (ایڈیٹر)

چھپما ہی کھوج HEC ولوں منظور ہون توں وکھ حکومت دے مراسلہ نمبر ایس۔ او (سی ڈی)
75/1-3 مورخہ 2 جنوری 1980ء دے مطابق پنجاب دے سکولاں تے کالجاں لئی وی منظور

شدہ اے۔

ISSN: 1992-6545

- Editor : Prof. Dr. Ismat Ullah Zahid
- Deputy Editor : Dr. Naveed Shahzad
- Editorial Board: Dr. Saeed Khawar Bhutta, Dr. Naheed Shahid,
Dr. Nabila Rehman, Dr. Anjum Rehmani,
Dr. Younas Ahqer (Pakistan)
Dr. Karnail Singh Thind (India)
- Advisory Board: Dr. Syed Akhtar Jafri,
Dr. Abdul Razzaq Shahid, Dr. Suryya Ahmad
Dr. Shahid Kashmiri, Imran Khalid (Pakistan)
Dr. Staish Kumar Varma (India)
- Composer : Muhammad Sudheer
- Printing : Punjab University Press, Lahore
- Address : Deptt. of Punjabi Language & Literature,
Punjab University Oriental College,
Allama Iqbal Campus, Lahore. (Pakistan)
- E-mail : info.punjabi@pu.edu.pk
- Tel./Fax No. : 042-99210834
- Price : Rs. 300/- (in Pakistan)
: US \$. 10/- (Abroad)

Biannual “Khoj” is approved by HEC & recommended
for educational institutions of the Punjab by Letter No.
S.O(CD)75/1-3 dated 02-01-1980, Govt. of the Punjab.

تحقیق مجلہ
چھیماہی
کھوج

شماره نمبر 1

جولائی - دسمبر 2013ء

جلد 36

مسلسل شماره نمبر 71

مدیر
پروفیسر ڈاکٹر عصمت اللہ زاہد

نائب مدیر
ڈاکٹر نوید شہزاد



شعبہ پنجابی، پنجاب یونیورسٹی اور یو اینٹل کالج، لاہور

مقالہ نگار حضرات لئی

”کھوج“ شعبہ پنجابی، پنجاب یونیورسٹی اور اینٹیل کالج لاہور (پاکستان) توں شائع ہون والا چھہماہی تحقیقی مجلہ اے۔ ایہہ مجلہ 1972ء توں بغیر کسی تعطل دے شائع ہو رہیا اے۔ ایہہ دے وچ پنجابی زبان، ادب، تہذیب، ثقافت تے تاریخ دے مختلف پہلوآں بارے تحقیقی مقالے شائع ہوندے نیں۔ ایہہ مجلہ ہائر ایجوکیشن کمیشن آف پاکستان توں منظور شدہ اے۔ مجلے وچ شامل مقالے نوں منظوری لئی دو ماہرین کول رائے واسطے گھلیا جاند اے تے مقالہ نگار داناں صیغہ راز وچ رکھیا جاند اے۔ ایس توں پہلے مقالے نوں ادارتی کمیٹی پرکھدی اے۔ مقالہ نگار نوں ماہرین دی رائے توں آگاہ کیتا جاند اے۔ جے ماہرین نے مقالے وچ کوئی تبدیلی یا اضافہ کرن دا آکھیا ہووے تے مقالہ نگار اک مقررہ مدت وچ تبدیلی تے اضافے نال مقالہ دوبارہ جمع کرواند اے۔

مقالہ گھلدیاں ایہناں گلاں دا خاص خیال رہوے: مقالہ اصلی مواد تے مشتمل ہووے (نقل نہ ہووے)۔ جیہڑے محققاں دے کم توں استفادہ کیتا گیا ہووے اوہدا حوالہ دتا جائے۔ مجلے وچ شائع کردان لئی گھلیا جان والا مقالہ کتے ہور اشاعت لئی نہ گھلیا گیا ہووے۔ ہائر ایجوکیشن کمیشن دی ہدایت دی روشنی وچ مقالہ چرہ سازی/نقل توں پاک ہون پاروں ای شائع کیتا جائے گا۔

مسودے دی تیاری: مجلے لئی مقالے پنجابی، اردو یا انگریزی وچ قبول کیتے جاندے نیں۔ مقالہ فونٹ سائز 15 سنگل سپیس مارجن وچ ہووے۔ ٹائٹل والے صفحے اُتے مقالہ نگار دا مکمل نام تے ادارے دا پتا، ڈاک دا مکمل پتا مع ای میل تے ٹیلی فون نمبر درج کیتا ہونا چاہی دا اے۔

تلخیص تے حوالے دا طریقہ: تلخیص (Abstract) انگریزی زبان وچ 120 توں 150 لفظاں تک ہونی چاہیدی اے۔ تلخیص مقالے دا اک جامع خلاصہ ہوندی اے نہ کہ مقالے دے نتائج۔ مقالے دے متن تے آخر وچ حوالے جدید اصولاں مطابق دتے جان۔

مثال لئی: لکھاری داناں: کتاب داناں؛ مقام اشاعت، سن اشاعت صفحہ نمبر

خط کتابت ایس پتے تے کیتی جاوے

مدیر مجلہ کھوج۔ شعبہ پنجابی، پنجاب یونیورسٹی اور اینٹیل کالج علامہ اقبال کیمپس، لاہور (پاکستان)

بِسْمِ اللَّهِ الرَّحْمَنِ الرَّحِيمِ

مک گئے جھانجھے تے جھیرے شرک دے
چاہڑیا انج آپ نے وحدت دا رنگ
مٹ گئی کالے تے گورے دی تمیز
اللہ اللہ آپ دی اُلفت دا رنگ

(حفیظ تائب)

فہرست

07	مدیر	☆ اداریہ
09	ڈاکٹر سعیدہ ممتاز	1- پیر فضل گجراتی دی غزل دے فی محاسن
33	ڈاکٹر ارشد اقبال ارشد	2- پنجابی نثر دی ٹورتے مستقبل
43	ڈاکٹر شاہین کرامت	3- امرتا پریتیم: جدید پنجابی نظم دی مڈھلی شاعرہ
59	ڈاکٹر عاصم ندیم	4- پنجابی غزل وچ عمرانی روایاں دا ذکر
83	ڈاکٹر سہیل میر	5- پنجابی غزل دے مڈھلے روپ رنگ
99	افتخار احمد	6- دوہڑا تے خصوصی لکھاری
109	ثناء مدثر بٹ	7- جدید پنجابی شاعری وچ ڈر، خوف تے اکلاپے دا عنصر



اداریہ

قارئین!

”کھوج“ دا 71 واں شمارہ اپنی علمی، ادبی تے تحقیقی روایت نوں پیش کردیاں حاضر اے۔ ایس وچ پہلا مقالہ ڈاکٹر سعیدہ ممتاز دا ”پیر فضل گجراتی دی غزل دے فنی محاسن“ اُتے مشتمل اے جس وچ مقالہ نگار نے علم بیان و بدیع دے حوالے نال پیر فضل دی غزل دے فنی محاسن تے فنکارانہ پُرکاریاں اُتے بحث کیتی اے۔ ڈاکٹر ارشد اقبال ارشد نے ”پنجابی نثر دی ٹور تے مستقبل“ اُتے چانن پایا اے۔ جس وچ اوہناں سکھ گرواں دیاں گوشناں تے دو جے نثر پاریاں دا ذکر کردیاں دسیا اے کہ بھادویں سکھ ودوان گرو صاحبان دیاں ایہناں لکھتاں نوں مڈھلی نثر گردان دے نیں پر پنجابی نثر دی باقاعدہ، بھرویں تے متارویں صورت حضرت نوشہ گنج بخش ہوراں کول ای نظر آؤندی اے۔ ڈاکٹر شاہین کرامت اپنے مقالے وچ امرتا پریم نوں جدید پنجابی نظم دی مڈھلی سوانی نظم کار دے طور تے پیش کیتا اے۔ جیہناں پنجابی نظم نوں نرا سوانی پن دی عینک نال ای نہیں اُلکیا سگوں زندگی نال جُڑے حالات و واقعات نوں بڑے سچ نال نظم دا عنوان بنا کے ایس کھیتر وچ نویاں لیہاں اسارن دا چارا کیتا اے۔ ڈاکٹر حاصم ندیم پنجابی غزل وچ عمرانی روایاں نوں اپنی بحث دا موضوع بنایا اے۔ ڈاکٹر لیاقت سہیل میر نے اپنے مقالے ”پنجابی غزل دے مڈھلے روپ رنگ“ وچ مڈھلی پنجابی غزل اُردو فارسی دے کس قدر زیر اثر رہی اے تے مڈھلے غزل گو شاعراں نے ایس صنف نوں پنجابی مزاج، ٹھیٹھ زبان تے محاورہ دین وچ کیہ جتن کیتے اُتے بحث کیتی اے۔ افتخار احمد ”دوہڑا تے خصوصی لکھاری“ وچ خصوصی لکھاری

(Special Persons) جیہناں صنف دوہڑے نوں موضوع بنایا بارے بحث کیتی اے جدکہ
 آخری مضمون وچ ثناء مدثر بٹ ”جدید پنجابی شاعری وچ ڈر، خوف تے اکلپے دا عنصر“ نوں
 موضوع بنایا اے۔ ایس مقالے وچ جدید پنجابی نظم دا نفسیاتی حوالے نال تجزیہ کیتا گیا اے۔
 تحقیقی پکھوں ایہناں مقالیاں راہیں تحقیق دے اعلیٰ معیار نوں قائم رکھن دی بھرویں
 کوشش کیتی گئی اے۔

_____ مدیر

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:71, July.-Dece. 2013, pp 09-32

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جولائی - دسمبر 2013ء، مسلسل شمارہ 71

پیر فضل گجراتی دی غزل دے فنی محاسن

ڈاکٹر سعیدہ ممتاز
اسٹنٹ پروفیسر شعبہ پنجابی،
گورنمنٹ کالج برائے خواتین، سرگودھا

Abstract

Ghazal has known very rich genre in modern Asian poetry. Peer Fazal Gujrati is well known poet of Punjabi gazal. Due to his absolutely command on all aspects of this genre he is called the leader or imam of Punjabi gazal. In this article the writer has described the formation of stanza and its literary functions, terms and terminology. She has tried to focused the form and texture of Peer Fazal Gujrati's gazal which has been used by the poet in traditional manner.

.....

پیر فضل گجراتی نوں پنجابی غزل دے 'بادشاہ' تے 'امام' دے طور تے جانیا جاندا
اے۔ کیوں جے اوہناں پنجابی غزل نوں اوس اُچ تیکر اڑایا جتھوں پنجابی غزل نے اپنی بھرویں

اُڑان بھرنی شروی کیتی، اپنی بلند خیالی، وسعت قلبی، ذوق پرواز تے تخیل اُڈاری دی سہ رنگی نال اوہناں پنجابی غزل وچ نویں آفاق اُسارے بلاشبہ فکر و آگہی دے ایہ پھل کھنڈان لئی فنی پُرکاری والی آبیاری دی لوڑ ہوندی اے جس نال ایہ گلشن فکر و خیال مہکدا اے۔ پیر فضل گجراتی پنجابی زبان دے اوہ شاعر نیں جیہناں دی غزل گوئی اوہناں دی فنی عظمت دامنہ بولدا ثبوت اے۔ شعر دی دلکشی لئی بلاغت، سلاست، اصلیت، جوش ادا تے حسن بیان نہایت لازمی ہوندے نیں۔ کلام وچ بلاغت لئی شاعر دا علم بیان، علم بدیع، علم عروض تے علم قافیہ و ردیف نال جانکاری ضروری ہوندی اے۔ اصطلاح وچ علم بیان توں مراد اوہ علم اے جیہدے ذریعے اک مضمون نوں کئی ڈھنگاں نال بیان کیتا جاوے۔ اک معنی دو جے نالوں ودھ سوہنے تے سلکھنے ہوون یعنی کسے گل نوں یاں خیال نوں وکھو وکھرے انداز وچ انج بیان کرنا جیہدے نال اوہ گل دو جیاں تیکر اڑے وی تے اپنے اندر لطیف تاثر، کولماتا تے نواں پن وی رکھدی ہووے تشبیہ، استعارہ، مجاز، مرسل تے کنایہ علم بیان دے جزو نیں۔

بدیع دے لغوی معنی انوکھا، نویکلا، نواں اتے وٹی ہوئی رسی دے نیں۔ علم بدیع نوں علم معنی وی آکھیا جاندا اے۔ ایس دیاں دو قسماں نیں: صنائع معنوی (جیہناں نال کلام دے معنی وچ حسن پیدا ہوندا اے) صنائع لفظی (جیہناں نال لفظاں وچ حسن پیدا ہوندا اے)۔

علم عروض نوں پنجابی وچ پننگل، چھند شاستر تے ”چھند ابندی“ دے ناں نال جانیا جاندا اے، عروض اوہناں اصولاں، قاعدیاں تے کلیاں دا ناں اے جیہناں نال شعر دا وزن، تول تے بحر معلوم کیتی جاندی اے۔ علم قافیہ و ردیف وی شعری محاسن دے سنگھار وچ اہم کردار ادا کردے نیں۔ ادبی اصطلاح وچ قافیہ کجھ حرفاں تے حرکتاں دے اوس مجموعے نوں آکھدے نیں جیہدی مختلف لفظاں دی تکرار مصرعے دے اخیر اتے ردیف توں پہلاں آوے۔ جے شعر وچ ردیف نہ ہووے تے قافیہ شعریاں مصرعے دے اخیر اتے ہوندا اے۔ ردیف، اصطلاح وچ اوس مستقل کلمے نوں آکھدے نیں جیہدے کسے شعریاں مصرعے دے اخیر اتے قافیہ دے بعد آؤندا اے۔ اگر کسے غزل یاں نظم وچ ردیف موجود ہووے تے اوہنوں ”مرؤف“ آکھدے نیں۔ ردیف نہ ہووے تے اوس نوں غیر مرؤف آکھیا جاندا اے۔

ڈاکٹر ناہید شاہد اپنے مضمون ”پیر فضل دی غزل“ وچ ردیف تے قافیہ دے کچھ نال اک تھان گل کردیاں اوہناں نوں صاحب اسلوب تے صاحب طرز قرار دیندیاں لکھدے

نیں: ”غزل وچ ردیف تے قافیہ تخلیق کار دے نک وچ نکیل وانگ ہوندے نیں اوہ اپنی من مرضی نال اوہنوں جس پاسے چاہوے لے جاندے نیں انج غزل دا شاعر اکثر قافیے تے ردیف دا غلام بن کے رہ جاندا اے پر پیر فضل نوں قافیے دی ایہہ اڑتی رتی برابر وی متاثر نہیں کر سکی سگوس استھے ردیف تے قافیہ دے نک وچ فضل ہوراں نکیل پا کے جدھر چاہیا موڑ لیا“۔⁽¹⁾

غزل وچ فنی پکھوں جیہڑی شے سب کولوں اہم اے اوہ قافیہ تے ردیف ہی اے قافیے دے معروف جزاں نوں جیہناں وچ عیب قافیہ وی ہوندے نیں ایہناں وچوں اک ”ایطا“ اے۔ ایطا دیاں دو قسماں نیں:

1- ایطا جلی 2- ایطا خفی⁽²⁾

- 1- اجیہے قافیے جیہڑے تکرار وچ واضح، تریویں ہوون مثلاً دیدار، بیدار، تاجدار، وچ ”دا“ بولدے، رولدے، گھولدے، کھولدے وچ ”دے“ نمایاں نیں۔
- 2- اجیہے قافیے جیہڑے صوتی تکرار نال آون تے عیب نمایاں نہ ہووے پر غور کرن نال پتہ لگے مثلاً لساں، دساں، نساں، کساں، ہساں، فریاد، شمشاد، جلا، برباد، وغیرہ۔ پہلے لفظاں وچ ”ساں“ تے دو جیاں وچ ”آد“ دی تکرار اے۔

پیر صاحب دیاں غزلاں دے بوہتے قافیے ایٹائے خفی والے نیں کہ مثلاً روئیداد، جاندا، برباد، فساد، فریاد، یاد، نور، طور، مسرور، دور، ناسور، محمور، مجبور، حضور، غم، عالم، ماتم، محکم، دم، محرم اتے کلام، شام، دام، آرام، جام وغیرہ۔

علم قافیہ دی اک قسم تضمین اے ایس نوں وی قافیے دا عیب گنیا جاندا اے۔ اصطلاح وچ تضمین اوس نوں آکھدے نیں کہ شعر دے اک مصرعے وچ اجیہا قافیہ لیاندا جاوے کہ اوہدے معنی دوجے مصرعے وچ کھلن:

ہجر نے یار دے آن مینوں

جو دشمن نال تیرے مشورے سن

تضمین دا ایہ روپ کلام پیر فضل دا اک حصہ اے۔

شعر وچ ردیف ترنم، نغمگی تے موسیقیت نوں ابھاردی اے ایہدیاں تن قسماں نیں:

1- ردیف مستقل متحد المعنی۔

2- ردیف مستقل مختلف المعنی۔

3- ردیف غیر مستقل یعنی قافیہ معمول تحلیل وچ پایا جائے۔

مثال دے طور تے

1- ردیف مستقل متحر المعنی

ہوندیاں جیہڑا تکی اڈے، گدا بچھا نہیں

ہوندیاں ہتھوں نہ کچھ کرنا عطا بچھا نہیں

2- ردیف مستقل مختلف المعنی

کیوں تکھیاں شوخ نگاہوں نوں سرے دیاں چساں دینا نہیں

تیراں نے بوجھل ہو جانا میں، تیراں تے چاہڑ نہ شاماں نوں

ساتی دی محفل وچ راتیں کچھ سانویاں چوٹاں آیاں نہیں

جاماں نے توبہ بھن چھڈی، بھن چھڈیاں توبہ جاماں نوں

میں راز محبت اوہدی دا، دل اپنے وچ چھپایا سی

آج شوخ پنے وچ ہنجواں میں دس دتا خاصا عامان نوں

3- ردیف غیر مستقل

ایس قسم دی ردیف تحلیلی قافیہ توں بنائی جاندی اے، معمول تحلیل دے دو ٹکڑے کہتے

جان اک ٹکڑے نوں قافیہ اتے دوجے نوں ردیف بنایا جاوے، مثلاً

بڑے کرم کہتے میرے تے خدا نے

محبت دے بخشے سو مینوں خزانے

وگانویں وی تیر اوہدے پیندے نے سیدھے

شکاری اساڈا نہ بھنے نشانے

بپا ہونا طوفاں دا دور ناہیں

میرے نین پے ڈھونڈ دے نیں بہانے

کوئی دنیا وچ تہلکہ مچ نہ جائے

اوہدی زلف نوں چھیڑ دتا صبا نے

مطلع وچ خزانے نوں تحلیل کر کے ردیف بنائی گئی اے دوجے تے تیجے وچ نشانے تے

بہانے دی ردیف آئی اے جد کہ چوتھے شعر وچ صبا نے لفظ مختلف معنی اے پر اکو ردیف وچ ورتیا

گیا اے۔

شعری فنکاری دا اک گر عروض دا علم ہوندا اے۔ جیہڑا شاعر علم و عروض نال جانکاری رکھدا اے فیرای اوہ فن دے پھل کھڑا سکدا اے، چائن کھڑا سکدا اے۔ پیر فضل ہوراں نے غزلاں وچ جیہڑیاں بحر اں ورتیاں اوہناں وچ بہتیاں ”بحر مطول یاں بحر طویل“ وچ نیں۔ جیہڑے ارکان نیں:

مفول فعول فعول فعول فعول

پیر فضل ہوراں دیاں غزلاں وچ ایہہ بحر

اوہنوں ٹردیاں وکھ کے کھان ٹھوکر، اُکھڑ پختہ دلاں دے پیر جانداے
 اوہ پائے جیہڑے پاسے قدم پختہ، اوہ ٹرے جیہڑی ٹور ٹرے پختہ
 سسی اپنا آپ ونجا بیٹھی، دوڑ دوڑ کے مگر ورولیاں دے
 اوس بھولی نے سمجھیا لگا جانداے، دھوڑ پُندا شتر سوار کوئی
 صدیق تاثیر ”پنجابی دا اپنا عروض“ چھندا بندی دیاں بھرویاں مثالان دیندے ہوئے
 لکھدے نیں کہ: پنجابی تے اردو وچ سب نوں بوہتی ورتی جان والی ست فعلن دی 28 رکنی بحر
 اے پنجابی دے مشہور تے کلاسیکل قصہ گو شاعران مولوی غلام رسول عالم پوری ہوراں (احسن
 القمص) وچ تے میاں بخش ہوراں (سیف الملوک) وچ ایہو بحر ورتی اے۔
 پیر فضل ہوراں دے ایس بحر دی ونگی:

نال خوشی دے اکھیاں لائیں ہُن کیوں مکھ بسوراں

کیوں کسراں نوں کسراں آکھاں کیوں پوراں نوں پوراں

اٹھاں فعلناں دی 2 3 رکنی بحر فعلن فعلن فعلن فعلن فعلن فعلن فعلن

اے۔ پنجابی وچ اک فعلن توں لے کے اٹھاں فعلناں وچ لکھیاں گئیاں نظماں تے غزلاں عام
 نیں پیر فضل گجراتی ہوراں دی ایہہ غزل اٹھ فعلن تے 3 رکنان وچ اے۔

گل میں جو دل دے نال کراں، لوکاں نوں خبر ہو جاندا اے

ویلے دی ٹیار وکھا گئی مکھڑا نویں نکور غزل دا

بحر متقارب مثنیٰ سالم وچ۔ فعولن 4 واری آؤندا اے۔ ایس نوں پنج اکھری تول وی کہیا جاندا

اے۔ فعلولن فعلولن فعلولن

بڑے کرم کیپتے مرے تے خدانے
محبت دے بخشے سومینوں خزانے
تقیطع بڑے کر \ م کیپتے \ مرے تے \ خدانے

2+2+1 2+2+1 2+2+1 2+2+1

فعلولن فعلولن فعلولن فعلولن
ست اکھڑی توں مفا عیلبین (بجر ہرج مثنیٰ سالم)

ایہدے 7 رکن ہوندے نیں 2+2+2+1

پیر فضل دے ہاں ایہہ غزل ایس بجر وچ اے:

خوشی دے نال جھاگیں ہر نغی نوں

دلا وٹا نہ لائیں عاشقی نوں

ست اکھڑی تول دی 4 مفا عیلبین دی بجر ہرج مثنیٰ سالم

مفا عیلبین مفا عیلبین مفا عیلبین مفا عیلبین

2+2+2+1 2+2+2+1 2+2+2+1 2+2+2+1

کتے سر پیر ای لبھدا نہیں برہوں دی چھلتر دا

نہ جائے پیش ناخن دی نہ چلدا زور نشتر دا

بجراں نال بھرویں آگاہی فنی اٹکل دے ضمن وچ آؤندی اے جیہڑی شعر دے اندر لگی

ہوندی اے اتے اوس نوں صرف اوہ لوک جان دے نیں جیہڑے ایس توں واقف نیں پر اوہ

فنکاری جیہڑی ظاہری حسن نوں چارچن لاندی اے اوہ تشبیہ تے استعارے وچ ہوندی اے۔

مولانا شبلی نعمانی تشبیہ تے استعارے نوں ”کلام داز پور“ قرار دیندے نیں جد کہ مولانا

حالی نے ”مقدمہ شعر و شاعری“ وچ استعارے نوں بلاغت دارکن اعظم آکھیا اے۔ اصل وچ

شاعری نوں استعارے نال اوہ نسبت اے جیہڑی جسم نوں روح نال، کنائے تے تمثیل دا وی

ایہو معاملہ اے ایہہ ساریاں چیزاں شعر وچ جان پادیندیاں نیں تے شاعر اپنے دل دے جذبیاں

تے احساساں نوں سوہنے ڈھنگ نال ادا کردا اے۔

پیر فضل ہوراں دے فن دے شعر وچ بیان دے ایہہ ڈھنگ بہت مترویں نیں یعنی

تشبیہ استعارہ، اشارہ، محاورہ ترکیب، کنایہ، وغیرہ ایہناں سہناں داسمبندھ علم بیان دے نال اے
علم بیان دا تعلق بلاغت نال اتے علم معانی دا تعلق فصاحت نال تشبیہ تے براہ راست سمجھ وچ
آجان والی چیز اے جویں پیر فضل دے ہاں:

میںوں دشمنان نے غلط سمجھیا اے، نازک نرم حریر دی تار وانگوں
میں الجھیا تے دخت پا دینا میں، زلف سوہنے دی چچدار وانگوں
وچ چھیل جوانی دے حسن اوہدا، ٹھاٹھاں مارداے بحر زار وانگوں
دل بلبلاں دے وانگ رہے روندا، چہرہ ہسدا رہے گلزار وانگوں⁽³⁾

ایہناں شعراں تے مصرعیاں وچ شاعر نے کمزوری نوں نرم نازک حریر دی تار ضد تے
اڑی نوں زلف سوہنیاں دی چچدار چڑھدی جوانی دے حسن نوں، ٹھاٹھاں مارداے بحر زار دل
دے بھرے ہوون نوں بلبل دے مسلسل الاون تے ہسداے چہرے نوں ”گلزار“ نال تشبیہ دتی
اے۔ تشبیہ دی طرز اتے استعارہ، مضمون نوں ذومعنی کر کے اوہدی گہرائی دا سبب بن دا اے۔
انہیں ناگی شعری لسانیات وچ لکھدے نیں:

”شاعری میں استعارہ کی بنیاد تمام تر جذباتی اور حسیاتی ہوتی ہے فوری
پرسپشن جذباتی صورت حال کو جنم دیتی ہے۔ قوت متخیلہ فوری پرسپشن سے
پیدا شدہ کیفیت یا حالت سے متبادل نسبتوں کی تخلیق ان میں امتزاج پیدا
کرتی ہے۔ چنانچہ استعارہ حقیقت کا جو فیبرک (Febric) تیار کرتا ہے اس
کی معنویت اس کے سیاق و سباق سے الہام لیتی ہے چنانچہ استعارہ تشریحی
ہونے کی بجائے تشکیل ہوتا ہے وہ موجودہ تربیت اور خود دریافت کردہ
نسبتوں کو جذباتی مراکز میں منتقل کرتا ہے۔ یہی جذباتی مراکز شاعری میں
معانی کی کلید ہوتے ہیں۔“⁽⁴⁾

ایس پس منظر وچ ایہہ شعر ویکھو:

مقتل وچ آونے والیاں نے در تیرے توڑی آونا سی
کچھ نیندر آگئی راہیاں نوں چھاں سنکھنی سی تلوراں دی⁽⁵⁾

تیرے طالبان نے محبوب مرے تیرے در تے ہی آونا سی جیہڑا اوہناں لئی مقتل سی
اوہناں مسافراں وچوں کچھ نوں تیری اکھ دی مستی تے تیریاں زلفاں دی گوڑھی چھاں نال نیندر

پے گئی اتے کجھ لوک تیریاں نگا ہواں دے تیراں دی چھاں پٹھ سو گئے۔

کدی خاراں نوں تکیاں پھلا دے آجان دے نیں چھتے

رقیب اپنے وی مینوں دلربا معلوم ہوندے نیں (6)

خار، پھل، رقیب تے عاشق بظاہر چار کردار نیں پر معنوی پکھوں ایس شعر دیاں اک

توں ودھ پرتاں نیں، استعارے دیاں پرتاں بارے انیس ناگی لکھدے نیں:

”استعارہ کی دوہری تحویل کا تعلق شے کی دو حالتوں سے ہوتا ہے ایک حالت وہ ہے

جس میں اس کی حیثیت ایک لسانی اشارہ کی ہے اس کی دوسری حالت وہ ہے جب لسانی اشارے

کو کسی اور معرض سے منسوب کیا جاتا ہے۔ اربن مارشل (Urban Mrshall) کے بقول:

“When it loses its reference to the original object it

cases to be a symbol and becomes an mere sign, a

depotentialized sybol”

ایس حوالے نال اپر والا شعر دوبارہ دیکھیے تے رقیب نوں ویکھ محبوب دی یاد آجان نوں

کنڈیاں نوں ویکھ پھلاں دے خیال دے پردے وچ بیان کیتا جیہڑے خار (کنڈے) چا پدے

نیں اوہ وی دل بھاونے لگن لگ پیندے نیں۔

تشبیہاں تے استعاریاں وانگ پیر فضل ہوراں رمز تے کنائے وی بڑے ڈھب نال اپنے کلام

وچ لیاندے نیں مثال دے طور تے اوہناں دا شعر:

پھولیا تے اوہ نکل آیا غماں دا بادشاہ

فضل تائیں اک فقیر بے نوا جاتا سی میں (8)

ملک دی بادشاہی دا اتے غماں دی بادشاہی دے خیال دا تقابل قاری دے دل نوں

تُنب جاندا اے، غماں دی دولت نوں پالنا وی تے کسے دریا دل دا ہی کم اے اتے ایہہ دریا دلی پیر

فضل دے ہاں ڈھیر اے۔ اک ہور کنایہہ جس نوں ”تلوت“ آکھدے نیں یعنی جیہدے وچ

معنی حقیقی توں مجازی تک اڑدے نیں یاں کئی واسطیاں نال گل سمجھاندے نیں جو یں:

کتھے ڈھونڈیے تے کتھے ڈھونڈیے نہ، گل کوئی نہ سمجھ دے وچ آوے

ہن ہر تھاویں ڈیرہ لا بیٹھے، نالے آکھدے نیں کوئی نہیں تھاں میری (9)

پہلے مصرعے وچ دھیان رب دی ہر تھاں موجودگی ول جاندا اے اتے دو جے مصرعے

وچ شاعر دی محبوب نال جڑت یاں سپردگی اتنی اے کہ اوس نوں اوہ اک اکائی دی صورت ہر تھاں
ہر پاسے نظریں آوند اے۔ کنائے دی ہی اک قسم رمز اے جیہدے وچ بوہتے واسطے نہیں ہوندے
پر تھوڑا جیہا اوہلایاں لکا ہوندا اے جو یں:

پا ہونا طوفان دا دور ناہیں
میرے نین پے ڈھونڈ دے نین بہانے (10)

اگلیاں دکھاں دے وچ رل جائے سر دردی دا دکھ
تذکرہ دکھاں دا کرنا جا بجا بچھا نہیں (11)

پیر فضل ہوراں دی شاعری وچ بیان دے ڈھنگ نروے نین اوہناں دے شعراں نوں
پڑھ کے اندازہ ہوندا اے کہ اوہناں دا مطالعہ تے مشاہدہ ڈونگھاسی ایسے کارن اوہناں احساس تے
جذبے نوں کمال زبان عطا کیتی۔ پنجابی فن غزل وچ اوہناں دا ناں اردو دے میر تے غالب
وانگ لیا جاندا۔ زبان اُپر گرفت اوہناں دے علم و فضل و فنکاری دی تھاں تھاں گواہی دیندی
اے۔ زبان دی پختگی دا گوہ محاورہ تے اکھان دی ورتوں توں وی لگدا اے۔ پیر فضل ہوراں دے
ہاں محاورے تے اکھان دی ورتوں:

بُت رام ہونا اللہ اللہ کرنا

اوہ بت ویکھئے ہن کدوں رام ہووے
وظیفہ اے دن رات دا اللہ اللہ (12)

ہتھاں تے ہتھ مارنا

اوہ ہتھاں تے ہتھ مار کے لے گیا دل
ایہہ کی بن گیا ماجرا اللہ اللہ (13)

پلہ کھسنا

کیوں فضل سودائی ہو یا نین پلے دیاں لیراں لاہیاں نی
پھڑ لوکی پلہ پچھدے نین پلہ کھساں کی دساں (14)

گھر دا نہ گھاٹ دا

اک وار تیرا جھلک پیا جنہوں، نہ اوہ گھر جوگا نہ گھاٹ جوگا (15)

اپنا آپ وسارنا

میں خود یاد اوہدی اندر محو ہو کے فضل اپنا آپ وسار دتا (16)

آب نہ رہنا

ایدھر موئیے دے غنچے مات ہو گئے، او دھر موتیاں دے اتے آب نہ رہی (17)

تصویر ہونا

لئی جیہناں نیں ویکھ تصویر تیری، اوہ نال تصویر، تصویر ہو گئے (18)

کھنڈ دی ڈار کرنا

الاماں ایسے فتنہ پروراں توں جیہڑے کرن کھنڈاں وچوں ڈار پیدا (19)

لکھاں نالوں ہولے ہونا

فیر لکھاں نالوں ہولے ہون دے دن آگئے

فیر جھکھڑ تہتاں دے میرے سر جھلن لگے (20)

1- ڈلھے بیراں دا کجھ وگڑیا نہیں

2- صبح دے بھلے دا شام نوں گھر آجانا

کجھ ڈلھیاں بیراں دا وگڑیا نہیں، ہن وی فضل جے کدی کر لے توبہ

بھلے صبح دے نوں بھلا نہیں آہندے، جیہڑا پرت گھرنوں وقت شام آوے (21)

نک نال لکیراں کڈھنا

کڈھن مان گماناں والے نکاں نال لکیراں

اُچے شملے نیویں کیتے اوہدی کج کلاہی (22)

اڈیاں چک چک ویکھنا

تساں باغ ول جانا نیں تے کدوں جانا نیں چک چک اڈیاں یا شمشاد ویکھے (23)

اکھاناں تے محاوریاں دے نال نال گن یاں صفت جیہڑی شاعری نوں حسن یاں سوپن

مخفدی اے اوہ ہے علامت نگاری۔ علامت اپنے ظاہری معنی توں ہٹ کے گجھا، کھلا روں تے

ڈونگھے معنی رکھن والا لفظ اے ایہناں معنیاں دا تعلق شاعر دے بعض اچھے ماورائی اتے مابعد طبعی

تجربیاں نال ہوندا اے جیہدے اظہار لئی شاعر پرچلت لفظاں نوں تھوڑا یاں ناکافی خیال کر دا

اے۔ ایہدے لئی لفظ 'اشارہ' وی ورتیا جاند اے۔ ڈاکٹر سلیمان اطہر جاوید لکھدے نیں:

”اشارہ وہ ہے جو لفظ سے بے تعقل اور لفظ کے مفہوم سے متعلق ہوتا ہے اشارہ شے کی متبادل صورت نہیں ہوتا بلکہ وہ کسی شے کا بس حوالہ دیتا ہے اس کا کام شے کی ماہیت کو منکشف کرتے ہوئے اس کے طبعی وجود کی کچھ اس طرح شہادت دینا ہے کہ قاری کے ذہن میں وہ شے مشخص ہو جائے۔“ (24)

پیر فضل ہوراں اپنے کلام اندر روانتی علامتاں ورتیاں نیں جو واضح اشارے کردیاں نیں۔ جویں: زلف، بت، صنم، کبوتر، ساقی، ساغر، جام، مے خانہ، واعظ، رند، جنگل، سکندر، گھوڑے، کوزہ، نرگس، تنبغ ابرو۔ تیر مٹرگاں، حور، آتش، طاؤس، شیخ، چن، گل، شمع، شبنم، وغیرہ۔ ٹنڈل نے آکھیا سی: علامت اندرونی کیفیت دا خارجی کنایہ اے علامت دے ذریعے حقیقت تے داخلی واردات وچ تعلق ہوندا اے۔ مثالاں دیکھو:

اج باد صبا وچ مستی دے گئی اکھڑ اپنیاں پیراں توں
سٹ پھلاں اتے دھوڑ گئی شبنم دے قطرے خاراں تے (25)

باکی ٹور کسے دی اتے میں اج قلم اٹھانی چاہناں
اے طاؤس خیال میرے دے توں آج پھلاں پائی جا (26)

قاتل قہر کماندا پھر دائے ایدھر اودھر کھلا
سرخ لباس نیامون، باہر ابرو خنجر کھلا (27)

اُپر درج کیتیاں شعراں وچ شاعر نے محبوب دے مزاج دی تہی ہوا جیسے تیورنال عاشق دے چہرے اتے پین والی دھوڑ دا ذکر کیتا اے پھل علامت اے چہرے دی شبنم علامت اے ہنجواں دی، اتے خار علامت اے پلکاں دی نوک دی ایویں ای دو جے شعر وچ محبوب دی چال لئی خیال دے موردی علامت راہیں پیش کیتا تے تیجے شعر وچ محبوب لئی قاتل اتے اوہدیاں اکھاں لئی سرخ لباس اتے ابروی فخر دی علامت ورتی۔ پیر صاحب دے کلام دی بے تاریخی اعتبار نال ونڈ کیتی جاوے تے مے، جام، ساقی، رند، واعظ اتے طور، تجلی، گل، شبنم، قطرہ، سبھناں علامتاں دی سمجھ آن لگدی اے۔ بہر حال ایہہ گل اہم اے کہ اوہناں نے روایتی اردو فارسی علامتاں وی ورتیاں پر گچھ و سبھی مذہبی تے تاریخی تمبیحاں جیہڑیاں ایس علم دا اک اہم رکن نیں۔ اوہناں ایہہ

علامتاں ورت کے پنجابی غزل نوں نواں راہ دکھایا جیہدے لئی اوہناں علم معنی کولوں وی بھرواں
 لایہ چکیا۔ اوہناں سکندر بادشاہ (سکندر اعظم) حضرت موسیٰ علیہ السلام اتے کوہ طور، منصور بن
 حلاج نعرہ انا الحق اتے اودھی شہادت، جہانگیر بادشاہ دا پیارا ہرن تے ہرن مینار (شینخوپورہ) سسی
 تے تھل، حضرت سلیمان علیہ السلام تے اوہناں دا تحت طاؤس، شیریں فرہادا تے پہاڑ مجنوں تے
 بیابان، سوئی مہینوال اتے کچا گھڑا، جام جمشید اتے حضور نبی کریم ﷺ دا انگلی دے اشارے نال
 چن نوں دو ٹکڑے کرنا اتے غار حرا وچ اوہناں نوں دشمنیاں توں بچان لئی مکڑی دا غار دے مونہہ
 اتے جالابن لینا، ایہہ سب واقعے تلمیحاں دے روپ وچ موجود نیں صنعت تلمیح دیاں کجھ مثالیں
 پیش نیں:

بھلا رکھے سکندر تے کیہ رکھے میرے حسن دے بادشاہ نال نسبت
 گھوڑے زمین نمائی تے اوس پھیرے ایہنے دلاں دے شہر تسخیر کیہتے (28)

اودے ہوڑ ٹکانے وی ملن دے نیں، لگی ہوئی کوئی طور دی قید ناہیں
 کدھرے دار اتے ملاقات بخشے کدھرے بخشدائے دید تلوار تھلے (29)

خبرے اوس کیہ آخری گل کیتی، اتھراں پھٹ پیاں سامعین دیاں
 رسہ گل منصور دے پان والے، پا کے پھو ہڑیاں بہہ گئے دار تھلے (30)

اکھاں اودھیاں وکھے کے زمیں اتے، ہرن جم گئے، ہرن مینار وانگولوں

سسی نوں ٹھنڈیاں آہواں دا وچ تھل دے کجھ بھروسہ سی
 اس شہزادی نے سہنیاں سن کج دھپاں شکر دوپہر دیاں (31)

اج تسی پتنگو کس پاسے پئے شامیں دوڑی جانڈے او
 میں دیاں دہائی موسیٰ دی، ایہہ بھولیو جرأت ٹھیک نہیں (32)

اک تھاں اوہ کنج قرار پکڑے، پری وشاں دے عشق چک لیا جنہوں
اڈدا پھرے ہوا دے وچ بن کے، میرا دل تحت سلیمان کیوں نہ (33)

بَر وِرا سکدا اے کوئی ضرباں کامل حسن دیاں
چن ٹکڑے ٹکڑے ہو جانداے جس وقت اشارے ہوندے نیں (34)

لگ ساریاں لوواں جان دیاں نیں، تکرار دیاں، اصرار دیاں
جس ویلے ظاہر طور اتے، کجھ آچکارے ہوندے نیں (35)

تنگ آکے عشق دی مارکولوں، جدوں تیرے دیوانے نے کوک ماری
آیا لٹھ فرہاد پہاڑ اتوں، آیا نکل مجنوں بیاباناں وچوں (36)

جے اللہ بلی ہووے تے کجھ پیش نہیں جاندی دشمن دی
ڈک دھاڑاں تائیں لیندے نیں مکڑی دے جالے غاراں تے (37)

فضل وفاداری دے پتلے شہر میرے دے لوکی
کچیاں گھڑیاں اتے ٹھلن رکھن صدق پکیرا (38)

دولت فقر دی جیہناں نوں لبھ جاوے اوہناں لوکاں دی فضل نگاہ اندر
جم دا جام سکندر دا آئینہ چرے چا پدے کسے کچکول دے نیں (39)
پیر فضل گجراتی نے اپنے کلام وچ صنعتاں دی بہار کھنڈائی اے۔ کسے وی کلام وچ
فصاحت تے بلاغت وچ وادھ لئی استفہامی انداز اہم ہوندا اے کیوں جے شاعری وچ ایہہ انداز
حیرت وچ گم کردا اے ایس حیرت وچ خوشی وی ہوندی اے، افسردگی وی تے طنز وی، ابولاغجاز
حفیظ صدیقی ”تفہیم و تحسین شعر“ وچ لکھدے نیں:

”بعض اوقات شاعر سوال اٹھاتا ہے ایک ایسا سوال جس کا کوئی جواب نہیں وہ
قاری کو حیرت کے دورا ہے پر لا کر چھوڑ دیتا ہے اور ایک بڑا سوالیہ نشان بنا کر
اس کا کام ختم۔ اب قاری کو چاہیے کہ اس تحریر سے لطف حاصل کرے۔“ (40)

میں کیہڑی اپنے درداں دی دنیا وچ دساں کیہ دساں
کس گلے پیاں رو رو کے چہرے تے لساں کیہ دساں (41)

ہم نشین سن کے خبرے کی آہندے، خبرے کیہ اوہ شوخ جواب دیندا
پردہ لیا خدا نے رکھ میرا عرض رہی نہ قاصد نوں یاد میری (42)

میرا ہونا سی قصہ پاک ہو جاندا تے کیہ ہوندا
چلو راضی جے اوہ سفاک ہو جاندا تے کیہ ہوندا (43)

دس توں ای تیریاں سودائیاں کیہڑے پاسے جاناں
جنگل دیاں سولاں اودھر نیں ایدھر نیں اٹاں شہر دیاں (44)
پیر فضل ہوراں دے کلام پارکھ اوہناں دیاں غزلاں وچ صنعت تکرار لفظی نوں حسین ترین زیور قرار
دیندے نیں ایہدے کجھ نمونے پیش نیں:

اس ستم گردی ستم گردی نالوں ستم گردی ودھ میرے پیار دی اے
کراں جد فریاد دعا منگاں ربا کرے نہ اثر فریاد میری (45)

ہن بعد غلامی تیری دے ہور غلاماں لینا ایں
ہے ایہو صلہ غلامی دا پا حلقے نویں غلاماں نوں (46)

اوہنوں ٹردیاں ویکھ کے کھان ٹھوکر، اکھڑ پختہ دلاں دے پر جاوے
اوہ پائے جیہڑے پائے قدم پختہ اوہ ٹرے جیہڑی ٹرے ٹور پختہ (47)

ایدھر دھوکیاں اُتے دھوکہ اودھر عین صفائی
اندر گتینے کافر نالوں چنگا کافر کھلا (48)

صنعت تکرار لفظی دی طرح علم بدیع دی اک ہوڑ ”صنعت تکرار حرنی“ دا استعمال وی
فضل ہوراں دی غزل نوں بھرماندا اے۔ ایس صنعت وچ شاعر کسے ویلے اجیہے لفظ نال نال ورتدا
اے جیہناں دا پہلا حرف اکوای ہوندا اے جیویں:

میں کیہڑی اپنے درداں دی دنیا وچ وساں کیہ دساں
کس گلے پیاں رو رو کے چہرے تے لساں کیہ دساں (49)

میں بے بہاری بارش دے، آونے دا مطلب تاڑگیاں
ایہہ توبہ میری توڑے گی بارش دی نیت ٹھیک نہیں (50)
پہلے شعر وچ درداں، دی، دنیا دے لفظاں دا پہلا حرف ”د“ اے تے دو بے شعر وچ
بے ”بہاری“ بارش وچ ”ب“ تے توبہ توڑے وچ ”ت“ دی تکرار آئی اے۔

لفظاں نوں روایتی لغوی تے پرچلت معنیاں چوں کڈھ نوں معنیاں دی طاقت اک چنگ
تخلیق کار ہی دے سکدا اے جتھے ایس عمل وچ تخلیق کار دا گنی ہونا ضروری اے او تھے ہر زبان
وچ وی رس رچاء تے قبولن دی طاقت ضروری ہوندی اے بلاشبہ ایہہ گن پنجابی وچ موجود نہیں
تے پیر فضل ہوراں وچ اچلن دا گن سی جیہناں زبان وچ پرچلت لفظاں نوں نوں معنی دان کیلتے
ایس گن دے حوالے نال انیس ناگی لکھدے نیں:

”الفاظ کی زندگی کا انحصار شاعر پر ہوتا ہے اگر شاعر صرف معانی کو معتبر
گردانتا ہے جو مروجہ ہیں تو ظاہر ہے کہ وہ اپنے آپ کو نئے معانی کے خطرے
میں ڈالنے سے گریز کرتا ہے اس طرح مافی الضمیر کی من و عن ترسیل تو ممکن
ہے لیکن معانی کی تسخیر کا عمل موجود میں نہیں آتا۔ معانی کی تسخیر الفاظ کو تجربے
کی زندگی دے کر اسے تجربے کا قائم مقام بناتا ہے۔“ (51)

پرچلت زبان تے لفظاں نوں شعری زبان وچ نوں معنیاں تے مفہوماں نال نوں معنی دینا،
وڈے شاعر دا ہی کم ہوندا اے، نری لفظاں دی ادلابدلی یاں اکو خیال نوں پرچلت زبان دے
لفظاں دی ہیرا پھیری کر کے جڑن نال شاعری تے ہوسکدی اے پر فنکاری نہیں۔ اُچاتے سچا فنکار
اوہو اے جیہدا تخلیقی تجربہ نوں یکلا ہووے اتے شعری محاکات تخلیقی تجربے دے حسیاتی ادراک توں
ہی جنم لیندے ہوون جے کہ تخلیقی تجربے تے محاکات وچ سانجھ نہ ہووے تے محاکات تجربے دی
اگوائی نہیں کردے۔ اوہدے لئی ضروری اے کہ اوس خیال دی امیجری یاں تصویرنٹرویں روپ
شاعر دے سامنے ہووے۔

حواسی ادراک، بصارت، سماعت، شامہ، ذائقہ، لمس ایہناں وچوں کسے اک یاں اکو

ویلے کئی اک نال جڑت ہوسکدی اے ایہناں دے مطابق ہی پیکر مختلف قسم دے ہوسکدے
نیں۔ ایہہ رنگین ہوسکدے میں تے پھکے وی، متحرک وی اتے جامد وی۔

پیر فضل ہوراں پیکر وی تراشے نہیں۔ ودھیرے پیکر بصری قسم دے نہیں۔ ایس فنی تجربے
نے اوہناں دی غزل نوں تازگی وی دتی اے تے جذبیاں دی رنگارنگی وی قائم کیتی اے۔ اوہناں
دے زیادہ تر پیکر آل دوالے دے ماحول، خصوصاً فطرت وچوں اخذ کیتے گئے نہیں۔ ایہہ سارے
پیکر دراصل اوہناں دے داخلی، وجدانی تے جمالیاتی تجربیاں دا خوبصورت اظہار نہیں:

وکیھو پھڑکدی بلبل دے بدن وچوں جتھے خون ڈگا او تھے پھل بن گئے
اوبدے جذبیاں کھج کے لے آندا قفس وچ بہار نوں ہولی ہولی (52)

پیکر تراشی دے نال نال واقعہ نگاری اتے وی پیر فضل مکمل دسترس رکھدے نہیں:

خونفزدہ بلبل اکھاں میٹ کے تے ، نال موت دے نظر ملا رہی ہے
بدل گج رہے نہیں جھکھڑ جھل رہے نہیں اولے وس رہے نے بجلی آرہی اے
تتر کھنپیاں بدلیاں ویکھ کے تے ، طائر چمن تھیں کر پرواز گئے سن
بجلی کس گلے تتی ہو رہی اے ، اکھاں کڈھ کے رعب جما رہی اے
چمکی فلک تے بجلی، کیہا بلبل، پانا سیں فلک میرے اتے قہر کوئی
چونڈھی ہڈیاں دے بر خلاف تتی، خبرے کیہ چواتیاں لا رہی اے
کیہ آہناں تے شاخ آہلنے دی، باہر خطریوں باغ دا باغ ناہیں
شاید مالی دی زد وچ آجائے ، جنناں بجلی جوش دکھا رہی اے
حال زار اپنا فضل دس کے تے ، جگ نوں ہسن دا موقع دین لگائیں
وہندا نہیں توں روندیاں بدلاں دے اُتے کسج بجلی مُسکرا رہی اے (53)

ایس غزل وچ اوہناں مطلع توں مقطع تیکر طوفانی موسم دے زور و شور دی پوری تصویر کشی
کیتی اے جہیدے نال خوف، خطرے تے خدشے دی مکمل کیفیت غالب ہو جاندی اے، کن
ہواواں دا شور سُن دے نہیں، اکھاں بجلیاں دی چمک نال چندھیا جاندیاں نہیں پوری غزل دے
ہر شعر وچ ”بجلی“ لفظ آیا اے غرض تسیں خود نوں اوس واقعے دا جز تصور کرن لگدے او۔ اوہناں دا
ایہہ حسیتی ادراک ہی اوہناں دے فکر و فن دا اثاثہ اے، محبوب دیاں اداواں، عشق دے جذبے
دیاں ونوون پرتاں ہجر دے صدمے جوش جنوں، وصل دے ارمان ایہناں سارے جذبات نے

اوہناں دے فن نوں کیہ کیہ ترفیح بخشیا اوہدیاں کجھ مثالیں پیش نہیں:

اگ لگے جیہاں بیاناں نوں، سڑکیوں نہ میری چہرہ گئی
میں ذکر خزاں دا کر بیٹھا، ماہی دا چہرہ جھوں گیا (54)

میرا قصہ چھڑیا تے اوہناں نوں نیندر آگئی
رکھدی اے سکھ دا اثر دکھ دی کہانی کجھ نہ کجھ (55)

میں سنیا ونڈدائے لوکاں نوں اوہ دارو دل دیاں روگاں دا
میں پڑی شفا دی جد منگی اس دتیاں پڑیاں زہر دیاں (56)

اوبدی گلی دے وچ دفنا نے دی ایویں خوشی اے میریاں دوستاں نوں
اوس جدوں لنگھنائیں ٹھوکر مار لنگھنائیں رہسی قبر دا کوں نشان باقی (57)

پہلے شعر وچ مجاز مرسل دوجے تے تیجے وچ کنایہ تے قرینہ اتے چوتھے وچ صنعت ایہام کمال
سچ نال ورتی گئی اے۔ قرینہ اصلاً اوہ جوہر اے جیہڑا تخلیقی عمل دے گنجلدار تے پراسرار مرحلیاں
وچ فنکاری آگوائی کردا اے۔ فنکار ایسے قرینے نوں اپنے جگر دے خون نال پالدا اے۔ اوہدے
فن وچ نری شاعری توں اڈکئی ہور چیزاں وی جھلکدیاں نیں ایسے حوالے نال مشہور شاعر جناب
انور مسعود ”پیر فضل کارنگ غزل“ وچ لکھدے نیں:

”پیر صاحب نے طویل کرب تخلیق کے روح فرسا عمل سے گزرنے کے بعد
یہ قرینہ خو کر لیا ہے اور اُن کے ہاتھ میں وہ جادو آ گیا ہے جو زہر کو امرت اور
مٹی کو اکسیر بنا دیتا ہے۔“ (58)

شاعری آپوں جذبیاں تے احساساں دے اظہار دی زبان اے جویں زبان قاعدے
تے ضابطے دے آسرے آپنے آپ دا اظہار کردی اے ایسے طرح شاعری انسانی شخصیت دے
جذباتی، تصوراتی تے احساساتی منطقات دی ونڈ کر کے اظہار لئی وکھو وکھرے زبان دے دائریاں
وچ ونڈ دیندی اے۔ انسانی شخصیت نری اک لگی ہوئی ذات نہیں ہوندی سگوں معاشرے دیاں اوہ
ساریاں قوتیں جیہڑیاں اک بندے نوں متاثر کردیاں نیں اوبدی شخصیت دا حصہ نیں انسانی
شخصیت فرد تے معاشرے دا سمیل اے۔ اس حوالے نال شاعری انسان تے اوہدے نال جڑیاں

چیزاں نوں اپنے اندر سمیٹ کے تانا بانا بُن دی اے کہ شاعر داسب توں اہم کم تجریاں دا استعاراتی ادراک اے جدوں استعاراتی ادراک محاکات دا سہارا لیند اے تے ایہہ کئی پرتاں وچ وٹ کے تجریاں وچ اوہ سارے وصف پیدا کردا اے جیہڑے زندگی دی شدت دا احساس دواندے نیں۔ محاکاتی اظہار زبان دا اجیہا وصف اے جیہدے پاروں تجریاں تے جذبیوں دی آواز زیادہ زور نال اتے صاف سُن دی اے اتے ایہہ وصف، ایہہ گن ایہہ قرینہ پیر فضل دے ہاں بہت گورھا اے جیہڑا مختلف صنعتاں دے روپ وچ ظاہر ہو یا اے اوہدیاں کجھ ونگیاں پیش نیں:

صنعت حسن تعلیل: تعلیل دے معنی نیں وجہ متھنا، علت بیان کرنا یعنی وجہ یا سبب شعر وچ حسن تے اثر پیدا کرن لئی کوئی اجیہی وجہ بیان کرنا جیہڑی حقیقی نہ ہووے حسن تعلیل اکھواندی اے، جو یں:

صبا کیوں دن بدن اپنی معطر ہوندی جاندی اے
پتہ لگائے فجریں سیرنوں سرکار جاندے نیں (59)

بجلی جا پدائے تابشاں ویکھیاں نے، میرے یار دی سلک دندان دیاں
شرم سار ہو کے تاں ایس سُخن فہمو! مونہہ بدلاں پٹھ چھپا رہی اے (60)

صنعت عکس: اک کلام وچ اک جزنوں پہلے تے فیر آخر تے لیاندا جاوے ایہہ لفظاں وچ وی ہوندا اے، تے مصرعیاں وچ وی جو یں:

ساتی دی محفل وچ راتیں کجھ سانویاں چوٹاں آئیاں نے
جاماں نے توبہ بھن چھڈی، بھن چھڈیا توبہ جاماں نوں (61)

صنعت مراۃ النظر: کلام دی بنیاد اجیہے لفظاں تے رکھی جاوے جیہناں دے معنی وچ تضاد توں اڈ کوئی مناسبت ہووے۔ ایس نوں صنعت تناسب تے توفیق وی آکھیا جاند اے۔ (62)

جو یں:

اڈی ہوئی اے چمن دی کھیڈ ساری، شاید کھیڈ دا رہیائے شکار کوئی
طاری ہین خاموشیاں بولدا نہیں، مرغ چمن، اج چمن وچکار کوئی
میں سنگ تروڑنا سنگیاں دا، سنگی پر میری سنگت چھڈ دے نہیں
کچیاں پچھاں تے ماس وچ دھسی جاندائے پیروچ جیہا جھبائے خار کوئی

رنج عشق ہے خوشی دا پیش خیمہ، ایہدے ہوندیاں کد نزدیک آوے
 غم، الم، کاوش، خلش، فکر، چنتا، دکھ درد، تکلیف آزار کوئی
 ایہناں شعراں وچ چمن، کھیڈ، شکار، مرغ، سنگ، رنج، غم، الم، خلش، فکر، چنتا، دکھ، درد
 اکوجیہے دے نال مناسبت رکھدے نیں:

صنعت تضاد: شاعر بعض ویلے اپنے بیان نوں زوردار، پر اثر تے خوبصورت کرن لئی
 اک دوہے دے متضاد لفظ ورتدا اے جویں:

نویں لگن تے مٹ جاون پرانے
 غماں نے میرے غم وٹڈے ہوئے نیں (64)

جاگ اٹھدی اے دل میرے دی سستی ہوئی دنیا
 آجاندی اے جس وقت کوئی اوہدی ادا یاد (65)

میرا نام سننائیں، ناگوار اوہنوں، روسیہا رقیباں دا بُرا ہووے
 اوس کناں دے کچے نوں کر گئے نیں، کول بہہ بہہ کے چغل خور پختہ (66)
 پہلے شعر وچ نویں تے پرانے، دوہے وچ جاگ اٹھدی تے سستی ہوئی اتے تیجے وچ
 کچے تے پختہ اکدوہے دے متضاد لفظ نیں۔

صنعت تدبیح: ایس نوں صنعت تضاد وی آکھیا جاندا اے ایہدے وچ کسے مضمون نوں
 رنگاں دی صورت وچ کنائے دے طور ورتیا جاندا اے پر شرط ایہہ ہوندی اے کہ گھٹ توں گھٹ
 دورنگاں دے نال ضرور ہون۔ (67)

اوہدی اکھ ہشیار دے اثر پاروں، نشے ہرن شراب دے ہو جاون
 اوہدے سُرخ رخسار دا پوے جلوہ، چھا زردیاں جان بہار اتے (68)
 ایس شعر وچ سُرخ تے زرد دورنگاں دا ذکر اے۔

صنعت مبالغہ: اوس مضمون نوں آکھدے نیں جیہدے وچ کسے وصف یا حد نوں ودھا
 چڑھا کے بیان کیتا جائے:

رب دشمن نوں وی دسے نہ مکدے نہیں سال وراگاں دے
 پل اک ہزار دیہاڑی دا، اک گھڑی ہزار مہینے دی (69)

گھڑیاں پہر، دن ہفتے تے رہے کدھرے بھائیں رہے مہینیاں تیک وسدا
کتھوں ابر سیاہ دا حوصلہ اے ریاں کرے میرے چشم زار دیاں (70)

دلوں اپنے وسوسہ کڈھ چھڈو مُڑ مُڑ کے شیشے وچوں ویکھدے او
زہرہ، مشتری، جن، گل، شمع، شبنم سبھے تساں توں ہین سرکار تھلے (71)
صنعت لَف و نَشْر: لَف دے معنی لپیٹن تے نَشْر دے معنی پھیلان دے نیں اصطلاح
وچ پہلے کجھ چیزاں اک ترتیب وچ بیان کیتیاں جاوون اوں توں بعد ایہناں توں متعلق معلومات
حدوں ودھ بیان کیتیاں جاوون:

کلا عشق حملہ آور نہیں ہندا جدوں لُدا اے چھاؤنیاں دلاں دیاں
غَم درد تکلیف، ملال، چنٹا لے کے لشکراں دے لشکر نال آوے (72)

رَب دے واسطے اوں دا پتہ دسو، جیہڑے چشمیوں تئیں سیراب ہوئے
مُنہ نوں سوہل تکیاں نال لالا کے تشنہ لب سسی پچھے چھالیاں نوں (73)
صنعت ایہام: ایہام دے لفظی معنی نیں وہم وچ پانا، علم بدلج یا معانی دی اصطلاح
وچ کلام وچ ایہیے لفظ لیانا جیہدے دو معنی ہون اک معنی نیڑے دے اتے اک دورے جوں:

آسماں دے پر شامیں آئے صبح سدھارے

پکال میریاں اتے رہندے اٹھے پہر ستارے (74)

آسماں دے ستارے تے پکال دے ستارے توں مراد ہنجاواں نوں لیا گیا اے۔

صنعت تجنیس: کلام وچ دو ایہیے لفظ جیہڑے لکھن وچ تے ادا نیگی یعنی تلفظ وچ اکو
جیہے ہوون پر معنی مختلف ہوون ایہدیاں کئی قسماں نیں، تجنیس تام، تجنیس خطی، تجنیس مرفوعا تے
تجنیس مزید وغیرہ۔ (75) پیر فضل ہوراں دے ہاں صنعت تجنیس دے جھلکارے:

متھے لگنے جوگ نہ رہوں کدھرے بیٹھا ہتھ متھے اتے ماردا رہو

متھا سوہنیاں نال نہ کدے لائیں، رہی سی ٹھا کدی فضل گجرات ساری (76)

متھے لگن عزت آبرو نال پیش آونا محاورہ وی اے تے متھا، پیشانی نوں وی آکھدے:

تارے رگن دیاں گزر جائے رات ساری ، پلکاں فضل اک پلک بھر جڑ دیاں نہیں
 اوہدی ہوگئی خواب وچ دید مینوں ، میرے دیدیاں دے وچ خواب نہ رہے (77)
 پلکاں اکھاں دیاں چھمنیاں اتے پلک اک پل ، انج ای دو جے مصرعے وچ دید ، دیدار ،
 دیکھنا اتے دیدیاں توں مراد اکھیاں نہیں۔

شاعر تے اوہدی شاعری قاری اتے کویں اثر انداز ہوندى اے؟ ایہہ اک وکھری بحث
 اے پر اتھے ہن تیکر دی بحث توں بعد اسیں ایس نتیجے تے اڑے آں کہ پیر فضل ہوراں دی
 فنکاری اوہناں دے فکر دے ساویں کھلوتی اے جو یں اوہناں فکری جذبیاں دے نویں جہان
 دکھائے اوویں ای فن تے فن دیاں باریک تنداں نوں وی بڑی مہارت نال بنیا اے۔ پیر فضل
 ہوراں دیاں شعری فنکاریاں اوہناں دے فکر تے ادراک دی ڈنگھیائی تے زبان اتے پوری پکڑ
 دی گواہی دیندیاں نہیں۔ اوہناں دا خیال اپنے پورے اسلوب اپنی ہیئت دے بانے نال اتر دا
 اے ایہو فطری تے وڈے شاعر دا کمال ہوندا اے اوہ آپ آکھدے نیں:

سوچاں دے ہر پنچھی تائیں پوریاں آون گھریاں
 خبرے کیہڑے سگھڑ سیانے بنیا جال غزل دا (78)

- 1- پنجابی (سہ ماہی) جنوری مارچ بزم فقیر لاہور، پاکستان، 1999ء ص 26
- 2- نثار اکبر آبادی: شعر اور فن شعر؛ دبستان شعر و ادب، لاہور، 2002ء ص 37
- 3- نبیلہ رحمن۔ ڈاکٹر (سودھن ہار): کلام پیر فضل گجراتی؛ مقصود پبلسٹرز لاہور، 2010ء ص 245
- 4- انیس ناگی: شعری لسانیات؛ کتابیات، لاہور، ص 50، 1969-
- 5- کلام پیر فضل گجراتی؛ ص 314
- 6- کلام پیر فضل گجراتی؛ ص 243
- 7- انیس ناگی: شعری لسانیات؛ ص 141
- 8- کلام پیر فضل گجراتی؛ ص 272
- 9- کلام پیر فضل گجراتی؛ ص 403
- 10- کلام پیر فضل گجراتی؛ ص 302
- 11- کلام پیر فضل گجراتی؛ ص 325
- 12- کلام پیر فضل گجراتی؛ ص 197
- 13- کلام پیر فضل گجراتی؛ ص 197
- 14- کلام پیر فضل گجراتی؛ ص 200
- 15- کلام پیر فضل گجراتی؛ ص 204
- 16- کلام پیر فضل گجراتی؛ ص 220
- 17- کلام پیر فضل گجراتی؛ ص 223
- 18- کلام پیر فضل گجراتی؛ ص 230
- 19- کلام پیر فضل گجراتی؛ ص 239
- 20- کلام پیر فضل گجراتی؛ ص 249
- 21- کلام پیر فضل گجراتی؛ ص 356
- 22- کلام پیر فضل گجراتی؛ ص 399
- 23- کلام پیر فضل گجراتی؛ ص 203
- 24- ممتاز الحق، ڈاکٹر: جدید غزل فنی، سیاسی و سماجی مطالعہ؛ دہلی، 1998ء، ص 90
- 25- کلام پیر فضل گجراتی؛ ص 384
- 26- کلام پیر فضل گجراتی؛ ص 386
- 27- کلام پیر فضل گجراتی؛ ص 452

- 28- کلام پیر فضل گجراتی؛ ص 202
- 29- کلام پیر فضل گجراتی؛ ص 226
- 30- کلام پیر فضل گجراتی؛ ص 226
- 31- کلام پیر فضل گجراتی؛ ص 245
- 32- کلام پیر فضل گجراتی؛ ص 264
- 33- کلام پیر فضل گجراتی؛ ص 304
- 34- کلام پیر فضل گجراتی؛ ص 329
- 35- کلام پیر فضل گجراتی؛ ص 330
- 36- کلام پیر فضل گجراتی؛ ص 335
- 37- کلام پیر فضل گجراتی؛ ص 383
- 38- کلام پیر فضل گجراتی؛ ص 465
- 39- کلام پیر فضل گجراتی؛ ص 489
- 40- حفیظ صدیقی، ابوالعجاز: تنہیم و تحسین شعر؛ سنگت پبلیشرز، لاہور، 2006ء، ص 54
- 41- کلام پیر فضل گجراتی؛ ص 200
- 42- کلام پیر فضل گجراتی؛ ص 209
- 43- کلام پیر فضل گجراتی؛ ص 281
- 44- کلام پیر فضل گجراتی؛ ص 250
- 45- کلام پیر فضل گجراتی؛ ص 209
- 46- کلام پیر فضل گجراتی؛ ص 224
- 47- کلام پیر فضل گجراتی؛ ص 318
- 48- کلام پیر فضل گجراتی؛ ص 452
- 49- کلام پیر فضل گجراتی، 200
- 50- کلام پیر فضل گجراتی؛ ص 264
- 51- انیس ناگی: شعری لسانیات؛ 153
- 52- کلام پیر فضل گجراتی؛ ص 370
- 53- کلام پیر فضل گجراتی؛ ص 377

- 54- کلام پیر فضل گجراتی؛ ص 291
- 55- کلام پیر فضل گجراتی؛ ص 228
- 56- کلام پیر فضل گجراتی؛ ص 250
- 57- کلام پیر فضل گجراتی؛ ص 259
- 58- مہر و ماہ، یادگار افضل، 1974ء ص 22،
- 59- کلام پیر فضل گجراتی؛ ص 305
- 60- کلام پیر فضل گجراتی؛ ص 377
- 61- کلام پیر فضل گجراتی؛ ص 224
- 62- حفیظ صدیقی ابوالاعجاز: تفہیم و تحسین شعر؛ ص 273
- 63- کلام پیر فضل گجراتی؛ ص 406
- 64- کلام پیر فضل گجراتی؛ ص 287
- 65- کلام پیر فضل گجراتی؛ ص 205
- 66- کلام پیر فضل گجراتی؛ ص 318
- 67- نثار اکبر آبادی: شعر؛ دستبان شعر و ادب، لاہور، 2002ء ص 57،
- 68- کلام پیر فضل گجراتی؛ ص 380
- 69- کلام پیر فضل گجراتی؛ ص 297
- 70- کلام پیر فضل گجراتی؛ ص 279
- 71- کلام پیر فضل گجراتی؛ ص 226
- 72- کلام پیر فضل گجراتی؛ ص 376
- 73- کلام پیر فضل گجراتی؛ ص 327
- 74- کلام پیر فضل گجراتی؛ ص 390
- 75- شعر تے فن شعر؛ ص 59
- 76- کلام پیر فضل گجراتی؛ ص 234
- 77- کلام پیر فضل گجراتی؛ ص 374
- 78- کلام پیر فضل گجراتی؛ ص 374

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:71, July.-Dece. 2013, pp 33-42

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جولائی - دسمبر 2013ء، سلسلہ شمارہ 71

پنجابی نثر دی ٹورتے مستقبل

ڈاکٹر ارشد اقبال ارشد
 اسٹنٹ پروفیسر، گورنمنٹ دیال سنگھ کالج لاہور

ABSTRACT

In this article, Dr. Arshad Iqbal Arshad has described about the evolution of Punjabi Prose from its initial stages to the present form by talking about its different forms in different eras and, thus, has highlighted the thousand year's history of punjabi prose. He has discussed the 3 forms of modern prose i.e. novel, short story, and travelogue. He has predicted the bright future of Punjabi prose on the basis of its day by day popularity and progression.

.....

ایس ویج کوئی شک نہیں کہ دنیا دی ہر زبان دے ادب دا مدھ شاعری توں بجاتے نثری
 نین نقش بعد ویج اُگھڑے۔ شاعری جذبیاں دے اظہار دا ناں اے، جدوں جذبے شدت
 پھڑدے نیں تاں لفظ اپنے آپ شعراں دا روپ دھار جاندے نیں۔ فیر شاعری چیتے رہ جان والی
 شے اے۔ جذبیاں دی ترجمان ہون پاروں ایہ انسان دے دل دماغ ویج ویج وس جاندی اے پر

نثر سوچ سمجھ کے، غور فکر کر کے لکھی جاندی اے، نثری جملے یاد رکھنا وی اوکھا کم اے۔ ایسے پاروں دینا دی ہرزبان وچ شاعری پہلاں وجود وچ آؤندی اے تے نثر بعد وچ۔ پنجابی تے وی ایہو فارمولا لاگو ہوندا اے پر ساڈے محققاں دی مہربانی نال پنجابی شاعری تے نثر تقریباً ہم عمر ہو گئیاں نیں۔ پنجابی شاعری دا مڈھ ناتھ جو گیاں دے عہد توں بچھدا اے۔ ڈاکٹر پرمندر سنگھ، کرپال سنگھ کیسل تے ڈاکٹر گوہند سنگھ لانا نے اپنی سانبھی کتاب ”پنجابی ساہت دی اوتپتی تے وکاس“ وچ پنجابی نثر دا گھر اپنیاں ایہدا مڈھ ناتھ جو گیاں دے عہد نال جا جوڑیا اے۔ اوہناں گورکھ اُنکھد دی نثر دا جیہڑا نمونہ درج کیتا اے، اوہدے وچوں کجھ جملے ویکھو:

”سری ناتھ پرمانند ہے۔ وشو گرو ہے۔ زرنجن ہے۔ وشو ویا پک ہے۔ مہاں سدھن دے لکشا ہے۔ تن پر تپتی ہمارے ادیش ہو۔“ (1)

پنجابی نثر دے ایسے مڈھلے نمونے وچوں بھاویں اج دی پنجابی دے اکھر زور لاکے ای لہنے پیندے نیں پر ایسے نمونے نال پنجابی نثر دا سفر دسویں صدی عیسویں تیک ضرور اڑ جاندا اے۔ ڈاکٹر موہن سنگھ دیوانہ ایسے عہد دا ذکر کر دیاں لکھدے نیں:

”ایسے عہد وچ نثر سانوں نہیں ملدی پر چورنگی ناتھ وغیرہ دیاں کجھ چیزاں جو اسیں ویکھیاں ہن۔ اوہ انو نثر ہی ہن تے اوہناں توں اندازہ ہندا ہے کہ نثر دسویں صدی وچ بن چکی سی۔ بھاویں اوس وچ حروف جار بہت گھٹ ہن تے فعلان دی صورت اے اپ بھرنشی یا پراکرتوی ہی ہے۔ بھئی دی تھاں ’بھوتی‘ ہے، کٹھاری یاں جوگی دی رچنا وراث پُراں وچ کجھ نثر وی ہے تے گورکھ ناتھ دی دسی رچنا ششٹ پُراں نثر ہے۔ جس نوں اوس کال دی نثر دا اندازہ ہو سکدا اے۔“ (2)

پروفیسر پریتیم سنگھ دی کتاب ”صوفی ساہت۔ بابا فرید“ دے حوالے نال ڈاکٹر پرمندر سنگھ تے اوہناں دے ساتھیاں بابا فرید گنج شکر دی نثر دا ایہہ نمونہ درج کیتا ہے۔

”بغیر گناہ ایک گھڑی ناہی گزری مجھ پر۔ حضور بن بندگی بھی ایک گھڑی نہیں گزری، یا نیچے جان۔ ان نفس نے میرا صاحب، نہ راہ ماریا ہے،“ (3)

پر ایسے کلکڑے دی زبان وی بابا فرید گنج شکر دی شعری زبان توں بہت دور دسدی اے۔ ایسے لئی کہہیا جاسکدا اے کہ مڈھلی نثر دے ایہ نمونے مشکوک جیسے ای نیں۔

امیر خسرو (1253-1325) ہوراں پنجابی وچ کجھ بھارتاں لکھیاں نیں۔ ڈاکٹر موہن سنگھ دیوانہ ہوراں اپنی کتاب وچ اوہناں دیاں چالھی بھارتاں درج کیتیاں نیں۔ ایہناں بھارتاں نوں وی پنجابی نثر دامتھلا نمونہ منیا جاندا اے۔ نمونے وچوں ایہہ بھارتاں ویکھو۔

عجب ڈٹھی اک گڑی، راجے پگ لہائے
چو نے گچ حویلی، بوہا کوئی نہ

نکا جیہا ویٹڑکا دوستکیاں مارے (4)

بابا گورو نانک (1469-1539) نے پنجاب وچ سکھ مت دی بنیہ رکھی۔ اوہناں دے پیروکاراں اوہناں دے دکھ وکھ ہستیاں نال ہوئے سوال جواب (گوشٹاں) توں لے کے اوہناں دے سفر تیک دے حال مگروں سانجھ لئے۔ انج سکھ گوروں دے عہد وچ کئی نثر پارے محفوظ ہوئے۔ ڈاکٹر موہن سنگھ دیوانہ ایہناں دی لوڑ تے مقصداں دے نال نال محفوظ ہوئی نثر دی گل کردیاں لکھدے نیں۔

”سکھ گورو صاحبان تے ہور ہندو مسلمان بھگتاں دے بچن، اوہناں دیاں جیون کتھاواں یاں ساکھیاں، اوہناں دیاں ملاقاتاں جاں گوشٹاں دے حال تے اوہناں دی بانی دے معنے سنبھال کے رکھے جان تاں جو اوہناں دے چیلے تے معتقد اوہناں توں چائن مناریاں دا کم لین۔ دوجی ضرورت سی عام مسلم تے ہندو جتنا نوں پرانیاں سنسکرت تے فارسی چیزاں دیاں ترجمیاں راہیں مذہب وچ پکا کرنا۔ اوہناں دیاں تعلیم دا سمیان کرن۔ نالے عام لوکاں دے دل بہلان لئی اوہناں نوں پرانیاں لڑائیاں تے پرانیاں نویاں پریم کتھاواں توں جانو کرانا۔ سواہیس کال وچ جنم ساکھیاں تیار ہوئیاں، بچن اکٹھے کیتے گئے، گوشٹاں رچیاں جاں اُلٹائیاں گئیاں، پر مارتھ لکھے گئے۔ ہندوواں دیاں کتاباں جیکوں یوگ و ششٹ، گیتا، بھاگوت، اُپنشد اں، ہسنگل پُران دے ترجمے ہوئے۔ پھر کجھ قصے ترجمائے گئے۔“ (5)

سکھ گوروں دے عہد وچ ای نوشہ گنج بخش ورگی ہستی سامنے آؤندے نیں جیہناں دے وعظ، نصیحت نال دو لکھ دے نیڑے لوکاں نے اسلام قبول کیتا۔ نوشہ گنج بخش ہوراں نے لوکائی نوں سمجھان لئی کجھ وعظ پنجابی نثر وچ لکھے، جیہناں وچوں چھ ہن تیک سامنے آچکے نیں۔ ڈاکٹر

عصمت اللہ زاہد دے اُدم پاروں نوشہ گنج بخش دی حیاتی تے فن بارے بہت کجھ لکھیا لہذا اے۔
ایس لئی صرف اک واعظ وچوں نمونہ دے کے ای اگے ٹرنے آں۔

”بابا! جے توں واٹ سچی سدھی، سولی، سوکھی سائیں والیاں دی ملیں تاں
کدے نہ تھڑیں تے کدے نہ تھڑیں۔ ایہ واٹ سائیں والیاں نال ملیاں،
سچے ساتھ رلیاں، سچیاں گلاں سُنیاں سچھیاں، سچیاں دے آکھے لگ ٹریاں
چلیاں لہدی ہے۔“ (6)

سکھ گورواں دیاں جنم ساکھیاں ہون یاں گوشٹاں، گورواں دے حکم نامے ہون یاں ٹیکے
ایہناں سبھے لکھتاں دے زبان برج بھاشا دے نیڑے تے پنجابی توں بہت دور دکھالی دیندی اے
پرنوشہ گنج بخش تیک اپڑ کے پنجابی اپنا نکھیڑواں رنگ ظاہر کردی اے۔

”مواعظ نوشہ“ توں بعد جیہدی اہم ترین نثری لکھت سامنے آؤندی اے۔ ایہ ”رسالہ
بوہل نماز“ اے۔ جیہدے لکھاری حافظ برخوردار راجھانیں۔ ایہنوں 1176ھ دے نیڑے تیڑے
دی لکھت نیا جاندا اے۔ ایہدے وچ نماز بارے فقہ دے مسئلے دے گئے نیں۔ زبان نکسالی اے
پر تحریر وچ ادبی حسن دی کمی اے۔ جیہدا کارن دسدیاں ڈاکٹر اختر جعفری لکھدے نیں:
”تحریر وچ ادبی سپہن ایس لئی گھٹ اے پئی اوس نے زیادہ توں زیادہ
معلومات اکٹھیاں کرن دی کوشش کیتی اے۔ جویں ترے پائیاں تے اک
ٹوپا سُنناں دا، سنتاں اندر وضو دے ترے۔“ (7)

ایہدے بعد فقہ دے کھیتر وچ ای نثر دی اک ہور کتاب ”پکی روٹی“ سامنے آؤندی
اے۔ ڈاکٹر شہباز ملک موجب ایہ اٹھارویں صدی دے اخیر یاں انھویں صدی دے شروع دی
لکھت اے۔ (8) ایس وچ اسلامی فقہ دے 47 مسئلے بیان ہوئے نیں۔ نمونہ ویکھو:
جے کو پچھے توں بندہ کس دا ہیں؟ توں آکھ جی! خدا تعالیٰ دا (9)

انھویں تے ویہویں صدی دے مڈھ وچ ”پکی روٹی“ نوں انتاں دی آدر ملی تے ماپے
بڑے فخر نال دسدے سن کہ ساڈی دھی قرآن پاک دے نال نال ”پکی روٹی“ دی پڑھی ہوئی
اے۔ ایسے ماننا دا نتیجہ سی کہ انگریزی عہد وچ بہت ساریاں روٹیاں لکھیاں گئیاں۔ پکی روٹی
کلاں دے نال نال مسی روٹی تے مٹھی روٹی ورگیاں کتاباں وی سامنے آئیاں۔

سکھ عہد وچ ای عیسائی مشنریاں اپنے مذہب دے پرچار تے اپنی سیاسی لوڑاں پاروں

پنجابی زبان ول دھیان دتا۔ اوہناں جتھے پنجابی زبان سکھن دی لوڑ پوری کرن لئی پنجابی لکھتاں تیار کروائیاں۔ گرائمر اچھووائیاں۔ اکھان تے محاورے کٹھے کیتے۔ لفظالی تے قواعد تے کم کیتا۔ لوک گیت تے لوک قصے سُن کے لکھے تے لکھوائے۔ او تھے تخلیقی نثری لکھتاں تے ترجمے ول وی دھیان دتا گیا۔ انگریزاں دے پنجاب اُتے قبضے توں بعد عیسائی مشنریاں پنجابی نثر نوں نویاں صفاں نال جانو کروایا۔

پنجابی دا پہلا ناول ”جیوترو دی“ نامعلوم لکھاری (1882ء) توں اڈ اوہناں 100 دے نیڑے نیڑے کھانیاں وی لکھیاں۔ بائبل دیاں مورتاں تے کہانیاں (1877ء) پنجابی دا پہلا با تصویر کہانی پراگاسی۔ عیسائی مشنریاں ولوں ای پہلا ناول ”ملکہ استر“ انہویں صدی دے اخیر وچ لکھیا گیا۔ گورونانک دیاں جنم ساکھیاں توں بعد جیونی دے کھیترو وچ وی اہم ترین کتاب ”جیون پُستک یسوع مسیح“ وی عیسائی مشنریاں ولوں 1892ء وچ لکھی گئی۔ سفر نامہ نما لکھت ”ایشاء دی سیر“ (1898ء) وچ سامنے آئی جیہوں ڈاکٹر گورچرن سنگھ عرشی پنجابی دا پہلا سفر نامہ کہندے نیں۔ تخلیقی نثر دے نال نال عیسائی مشنریاں اپنے مذہب دے پرچار لئی کئی کتاباں ترجمے کر کے وی چھپوائیاں۔ ایہ ترجمے پنجابی نثر نوں پکیاں بنیاداں تے کھلارن لئی نیمہ پتھر ثابت ہوئے۔ ترجمہ لکھتاں وچ ناول ”مسیحی مسافر دی یاترا“ (1844ء) وی ذکر جوگ اے۔ ایس ناول دے کردار وی پنجابیاں دے ناواں ورگے جویں اندھیر سنگھ، اُچیت سنگھ، بدھو سنگھ، کرپا دیئی تے جیو جی کردتے گئے سن۔ (10)

انگریزاں 1849ء وچ پنجاب تے قبضہ کیتا پر کسے وی نویں تہذیب دا اثر فوراً لوکاں تے نہیں پیندا۔ پندرہ ویہ سال کسے وی حقیقت نوں قبولن لئی بہتے تاں نہیں ہوندے پر عیسائی مشنریاں دیاں ادبی کاوشاں، تعلیمی نظام دی تبدیلی تے انگریزی زبان تے ادب پڑھن ول لوکاں دے رجحان پاروں پنجابی ادب نے وی چولا بدلایا۔ پہلاں ساڈے ہاں شاعری پردھان سی۔ مذہبی لکھتاں تے حکمت دیاں کتاباں تیک شعراں وچ لکھیاں جانیاں سن۔ ہن ہولی ہولی نثر ول دھیان دتا جان لگ پیا۔ ڈاکٹر پرمندر سنگھ تے دو جیاں موجب:

”ناول تے ایس دیاں کئی ونگیاں، کئی کہانی دے کئی روپ، ناولک ساہت دے کئی نویں انگ آد بالکل اجوکے سے دی کاڈھ ہن۔ ایسے طرحاں نرول وار تک وچ لیکھ، جیونیاں تے سفر نامے دارواج وی چلیا اتے کئی پرکار دے

بندھ ہوند وچ آئے ہن۔ کھوج تے ساہت آلوچنا وی ایسے سمیں ہی
 ودھیرے پر پھلت ہوئی ہے۔“ (11)

ایہ سچ اے کہ انگریز عہد وچ پنجابی زبان نویاں نثری صنفاں نال جانو ہو چکی سی۔ ناول،
 کہانی، سفرنامے، کھوج، پرکھ تے دوجیاں صنفاں دیاں دھڑا دھڑ کتاباں آرہیاں سن پر مسلمان
 لکھاری اے وی ایہناں نویاں نثری صنفاں توں دور سن۔ ویہویں صدی دے پہلے ادھ وچ
 جدوں بھائی کاہن سنگھ نابھا، گور بخش سنگھ، لعل سنگھ کملا اکالی، ڈاکٹر پر دمن سنگھ، ہیرا سنگھ درد، ڈاکٹر
 شیر سنگھ، ڈاکٹر ہر دت سنگھ ڈھلوں، پیارا سنگھ صحرائی، تارا سنگھ تے ڈاکٹر رام سنگھ ورگے لکھاری
 لنڈن، امریکہ، جاپان، روس، فرانس تے دوجے یورپی ملکاں دے دے سفرناں بارے وڈے
 وڈے سفرنامے لکھ رہے سن۔ مسلمان اودوں وی سفرنامے منظوم کر رہے سن۔ ایہناں 47 سالاں
 وچ گورکھی وچ ویہہ نثری تے فارسی لپی وچ صرف دس منظوم سفرنامے آئے۔ ایہناں دساں
 وچوں وی صرف مولوی دلپذیر بھیروی، حافظ فضل الدین، نور بیگم تے مولوی نور حسین گرجا کھی
 دیاں کتاباں ای سفرنامے دے سبھے تقاضے پورے کر دیاں نیں۔

1947ء توں پہلاں دی نثر تے جھات ماریے تاں مسلمان لکھاریاں دانثری کم نہ ہون
 دی برابر اے۔ پھٹکل ڈرامے، کہانیاں، مضمون تے ہور نیک سک چھپیا لہجہ اے۔ ریڈیو توں ریف
 پیرزادہ تے اک ادھ ہور لکھاری دے ڈرامے نشر ہوئے۔ میراں بخش منہاس دے ناول ”جٹ
 دی کرتوت“ تے اک ادھ ہور نثری کتاب توں اڈ فارسی رسم الخط وچ چھپیاں سبھے کتاباں دے
 لکھاری سکھ یاں عیسائی سن۔ مسلماناں دے ایس دور وچ پنجابی نثر توں دور ہون دے کئی کارن
 سن تے سبھناں تے گل بات کہتی جاسکدی اے پر فیرا سیں اپنے موضوع توں ہٹ جاواں گے۔
 پاکستان بنن توں بعد ہولی ہولی جذباتی کیفیت مکی۔ لوک حیاتی ول پرتے، دوجیاں
 ہتھیتاں دے نال نال پنجابی ادب دیاں گھاٹاں تے کیاں وی دسیاں۔ 1951ء وچ ڈاکٹر فقیر محمد
 فقیر دے ادم نال مہینہ وار ”پنجابی“ دامڈھ بھاتے شاعری دے نال نال نثر ول وی دھیان
 دتا جان لگا۔ کہانی، ناول، ڈرامہ، سفرنامہ، انشائیہ، سیرت نگاری، قرآن پاک دے ترجمے تے
 تفسیراں، تنقید تے تحقیق نثر دے ہر کھیتز وچ کم ہون لگا۔ جیویں جیویں ویلا گزریا، پنجابی
 لکھاریاں دے ادم نال شاعری وانگ نثر دا گھیراوی موکلا ہوندا گیا۔

تخلیقی صنفاں وچوں افسانہ تے ناول اوہ صنفاں نیں جیہناں ول ساڈے لکھاریاں سبھ

توں پہلاں دھیان دتا۔ 1898ء وچ بھائی ویر سنگھ دا ناول ”سُدری“ چھپیا۔ ایہدے بعد گورکھی وچ تے کئی ناول چھپے پر 1947ء تیک فارسی لپی وچ صرف دو ناول میراں بخش منہاس دا ”جٹ دی کرتوت“ تے جوشوا فضل الدین دا ناول ”منڈے دامل“ ای دسدے نیں۔ آزادی توں بعد دو جیاں صفاں وانگ ناول ول وی ہولی ہولی دھیان دتا جان لگا۔ 1947ء توں 1970 تیک دے 23 سالوں وچ صرف چار ناول ”برکتے“، ”دیواتے دریا“، ”ٹھہڈا“ تے ”سانجھ“ ای چھپ سکے۔ (12) برکتے تے ٹھہڈا ناولوں افضل احسن رندھاوا دا ”دیواتے دریا“ تے سلیم خاں گمی دا ”سانجھ“ فنی تے فکری طور تے کافی بہتر ناول سن۔ اگلے ویہہ سالوں (1971-1990) وچ 31 ناول چھپے۔ (13) ایس دور دے ناولوں وچ فنی تے فکری حوالے نال اک نواں پن تے تازگی وی سی تے ویلے دیاں سبھے ادبی لہراں دی ترجمانی وی۔ 1991ء توں 2014ء تیک دے بائی سالوں وچ تخلیق ہوئے ناولوں دی گنتی سٹھ دے نیڑے تیرے اے۔ ایس دور وچ 30 ناول اجیہے وی نیں، جیہڑے گورکھی توں لپی بدل کے چھاپے گئے یاں دنیا بھر دیاں زبانوں وچوں ترجمہ ہوئے۔ انج ایہناں بائی سالوں وچ چھپے ناولوں دی گنتی 90 توں ودھ ای بن دی اے۔ ایس عہد دا ناول فنی تے فکری طور تے وی پختہ اے تے نویں نویں تجربے وی دکھائی دیندے نیں۔ منشا یا دانا ناول ”ٹاواں ٹاواں تارا“ جے ناول نگاری دے فن دیاں سزیاں نوں چھو رہیا اے تاں نذیر کہوٹ دے ”واہگا“ جیہے ضخیم ناول وی سامنے آئے۔ افضل احسن رندھاوا تے فخر زمان دے بعد ایس عہد وچ فرزند علی تے میر تہا یوسفی اجیہے لکھاری نیں جیہناں معیار ول وی دھیان دتا تے مقدار ول وی۔

پنجابی افسانہ انگریزی ادب دے اثر بیٹھ ای پنجابی وچ پرچلت ہو یا۔ کرپال سنگھ کیسل موجب جدید حوالے نال پنجابی نثر دی پہلی کتاب ”پنجابی بات چیت“ (1975ء) بن دی اے جیہڑی شردھا رام پھلواری نے انگریز افسراں تے اہلکاراں نوں پنجابی پڑھان تے پنجابی رہتل دا جانو کران لئی افسانوی ڈھنگ وچ لکھی۔ (14) پنجابی افسانے دی مڈھ دی گل کردیاں ڈاکٹر شہباز ملک لکھدے نیں:

ویہویں صدی دے دو جے دھا کے وچ کملا اکالی تے گور بخش سنگھ نوں

باقاعدہ پنجابی افسانہ دے موڈھی پاروں جانیاندا اے۔“ (15)

1928ء وچ جوشوا فضل الدین نے پنجابی رسالہ ”پنجابی دربار“ لائل پور توں کڈھنا

شروع کیتا جس نال ہور لوکاں دارحجان وی افسانے ول ہو یا پر جوشوا فصل الدین نے آپوں وی بہت جاندار افسانے لکھے۔ ڈاکٹر فاخرہ سلطانہ موجب 1933ء وچ اوہناں دا کہانی پراگا ”ادبی افسانے“ چھپیا۔ (16)

پاکستان بنن توں پنجابی افسانے وی ترقی ول مہاراں موڑیاں۔ 1947-70 پنجابی افسانے چھپن دی رفتار گھٹ ای رہی۔ نواز دا مجموعہ ”ڈونگھیاں شاماں“ پاکستان بنن توں بعد پہلی کتاب سی۔ ایہدے بعد رفعت، آغا اشرف، اختر سلیمی، نسیمہ اشرف علی تے حنیف چودھری دے افسانوی مجموعے سامنے آئے۔ (17)

ایہناں 23 سالوں وچ بھاریں افسانیاں دے گھٹ مجموعے چھپے پر افسانہ لکھن دی تعداد دن بدن ودھدی رہی۔ ایہو کارن سی کہ 1971-1980ء تیک پنجابی افسانے دیاں پنجی کتاباں سامنے آئے۔ (18) اگلے دس سالوں یعنی 1981-90ء تیک ایہ تعداد دونی ہوگی (19) تے اج پنجابی وچ چھپے افسانوی مجموعیاں دی گنتی چار سو دے نیڑے اڑ چکی اے۔

ہن اک گھٹ عمر والی تے مہنگی صنف سفر نامے دا کجھ ویروا کرنے آں۔ رسالیاں وچ سفر نامے چھپن دا مڈھ تاں 1952ء وچ ای بجھ گیا سی، جدوں مولانا غلام رسول مہر دا سفر نامہ ”مہینہ وار پنجابی وچ چھپیا سی تے ہن تیک پنجاہ دے نیڑے تیرے نکے وڈے سفر نامے اخباراں تے رسالیاں وچ چھپ چکے نیں جیہناں وچ عطا الحق قاسمی (تہران دا سکھدیپ)، سید سبط الحسن ضیغم (دلی یاداں دے جھروکھے وچوں)، احمد سلیم (چھوڑ آئے اوہ گلیاں)، جمیل احمد پال (فیراویہ لندن، فیراویہ میں)، اقبال زخمی (ہر سال رہواں آؤندا) تے فاروق ندیم (جلا وطن) دے سفر نامے معیار دے حوالے نال سلاہن جوگ نیں۔ اخباراں تے رسالیاں توں ہٹ کے گل کریئے تاں پہلا سفر نامہ اعجاز الحق دا ”یورپ توں چیونگم دے نال“ بن دا اے جیہڑا 1975ء وچ شائع ہويا۔ فیر سلیم خاں گئی ہوراں ”دیس پردیس“ دی شکل وچ اک چنگا سفر نامہ 1978ء وچ چھپوایا۔ مزاح، ادبی چاشنی تے حسن بیان ایس سفر نامے دے خاص گن نیں۔ 1980ء وچ محمد اسماعیل احمدانی دا سفر نامہ ”پیت دے پنڈھ“ چھپیا۔

اگلے دس سالوں یعنی 1981-90ء تیک چھپن والے سفر نامیاں وچ سجاد حیدر پرویز دا ”ویندیں وگدیں“ ممتاز حیدر ڈاہر دا ”پکھی واس“، نعیم ثاقب دا ”بھے بھار مسافراں“ احمد سلیم دا ”جھوک رانجن دی“ سامنے آئے۔ ویہویں صدی دے آخری دھا کے وچ ست سفر نامے چھپے۔

جیہناں وچ عبدالباسط بھٹی دا ”کوکدے پنڈھ کرلانڈے پاندھی“ سہیل انجم دا ”گوتم دے دیس“ ڈاکٹر شہباز ملک دا ”میریاں بھارت پھیریاں“ سید طارق ممتاز دا ”کوئی دن مان مسافر“ ملک ارشد حسین دا راکا پوشی دی چھاں، جہانگیر مخلص دا ”پنڈھیڑو“ تے حمید اُلفت ملغانی دا ”پاندھی پچھاں واٹیں نکاں“ شامل نیں۔

ایس سارے ویروے نوں سامنے رکھ کے اسیں کہہ سکے آں کہ اپنے مُدھ یعنی 1975ء توں 2000ء تیک دے پنچی سالوں وچ صرف چوداں سفر نامے ای چھپے سن جدکہ پچھلے پندرہ سالوں وچ چھپن والے سفر نامیاں دی تعداد تیبہ دے نیڑے اے۔ جیہناں وچ اقبال زخمی تے جمیل پال دے دو دوتے پروفیسر عاشق رحیل دے پنج سفر نامے وی شامل نیں۔ ایہناں وچوں ست سفر نامے حج دے حوالے نال لکھے گئے نیں۔ حج دے حوالے نال سامنے آون والے سفر نامیاں دے لکھاری حفیظ تائب، اقبال زخمی، حیدر زماں حیدر، دلشاد احمد چن، محمد رمضان طالب تے اثر انصاری فیض پوری سھے شاعر نیں۔ پنجابی نثر دے چنگے مستقبل دا ایس توں وڈا ثبوت ہور کیہ ہو سکدا اے کہ ویہویں صدی دے مُدھ وچ شاعر سفر نامے منظوم کر رہے سن تے اکھویں صدی دے مُدھ وچ شاعری نثری سفر نامے لکھ رہے نیں۔

اساں ہن تیک پنجابی نثر دیاں کجھ تخلیقی صنفاں تے مستقبل دے امکانات بارے مختصر گل کہیتی اے۔ ایہناں توں اڈ دو جیاں صنفاں ول وی جہات ماریے تاں سانوں پنجابی نثر دا سفر دنوں دن اگے اگے ودھدا دکھائی دیندا اے۔ اج پنجابی وچ رسالے وچ چھپ رہے نیں تے اخبار وی۔ پنجابی نثر دے ودھاء وچ کتاباں نوں ایوارڈ تے انعام دین والے ادارے وی اپنا بھرواں کم کر رہے نیں۔ جس توں پیرینا پا کے ساڈے لکھاری ہر سال کوئی نہ کوئی نویں کتاب سامنے لیاؤندے ای رہندے نیں۔ ایہ سارے حالات پنجابی نثر دے چنگے مستقبل دی دس پاؤندے نیں تے سانوں آس اے کہ ہن اوہ دن دور نہیں جدوں کلاسیکی شاعری وانگ اسیں پنجابی نثری لکھتاں تے وی مان کر سکاں گے۔

حوالے

- 1- ڈاکٹر پرمندر سنگھ تے دو جے: پنجابی ساہت دی اوتپتی تے وکاس؛ لاہور بک شاپ، لدھیانہ، دسواں ایڈیشن، ص 66
- 2- ڈاکٹر موہن سنگھ دیوانہ: پنجابی ادب دی مختصر تاریخ؛ سردار ہرکشن سنگھ ماڈرن پبلی کیشنز، لاہور، سن، ص 30-31
- 3- پنجابی ساہت دی اوتپتی تے وکاس،
- 4- ڈاکٹر موہن سنگھ دیوانہ: پنجابی ادب دی مختصر تاریخ؛ ص 24-25
- 5- ڈاکٹر موہن سنگھ دیوانہ: پنجابی ادب دی مختصر تاریخ؛ ص 120
- 6- مواظظہ نوشتہ، ص 47
- 7- اختر جعفری، کھوج 15-16، ص 81
- 8- شہباز ملک، ڈاکٹر: گوپٹ؛ تاج بک ڈپو، لاہور، 1985ء ص 53
- 9- شہباز ملک (مرتب): پکی روٹی؛ لاہور، 1973ء، ص 45
- 10- ڈاکٹر گورچرن سنگھ عرشی: پنجابی بھاشا تے ادب نوں عیسائی مشنریاں دی دین؛ مطبوعہ کھوج 15-16، ص 126-130
- 11- ڈاکٹر پرمندر سنگھ تے دو جے: پنجابی ساہت دی اوتپتی تے وکاس؛ ص 315
- 12- نسرین مختار: پنجابی ناول دا ارتقاء؛ پاکستان پنجابی ادبی فکری سانجھ، لاہور، 2010ء، ص 13
- 13- ایضاً ص 40، 122
- 14- کرپال سنگھ کیسل (مدیر): پنجابی ساہت دا اتہاس (بھاگ دو جا)؛ پٹیالہ بھاشا و بھاگ، 1972ء، ص 43
- 15- شہباز ملک، ڈاکٹر: گوپٹ؛ ص 208
- 16- فاخرہ سلطانہ: پنجابی وچ کی کہانی دا ارتقاء - تحقیقی جائزہ؛ (مقالہ پی ایچ ڈی)، شعبہ پنجابی، پنجاب یونیورسٹی، 2009ء، ص 105
- 17- شہباز ملک، ڈاکٹر: گوپٹ؛ ص 211
- 18- فاخرہ سلطانہ: پنجابی وچ کی کہانی دا ارتقاء - تحقیقی جائزہ؛ ص 161
- 19- ایضاً ص 208-210

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:71, July.-Dece. 2013, pp 43-58

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جولائی - دسمبر 2013ء، سلسلہ شمارہ 71

امرتا پریتم: جدید پنجابی نظم دی مڈھلی شاعرہ

ڈاکٹر شاہین کرامت
 اسٹنٹ پروفیسر شعبہ پنجابی،
 گورنمنٹ پوسٹ گریجویٹ کالج برائے خواتین سمن آباد، لاہور

Abstract

The veteran name in Punjabi language and literature Amrita Pretam was born in 1919 in Gujranwala, Pakistan. She is a renowned Poetess novelist, essayist and being a prolific writer and the leading 20th century poet of Punjabi language, is equally famous and loved in India and Pakistan too. Her work is translated in many other languages of the world. "Ajj aakhan Waris Shah Nu", a poem written in context of the 'bloodshed' happened during the separation of Punjab in 1947 gave her a recognition for representing the sentiments of the Punjabis. She will always be remembered as a versatile writer of Sub-Continent. She rendered over 100 books of poetry fiction, biographies, essays and folk songs.

.....

پنجابی دیاں شاعر عورتاں دی مہارانی امرتا پریتیم 31 اگست 1919ء نوں گوجرانوالہ (پاکستان) وچ پیدا ہوئی۔⁽¹⁾ جیہناں دا اصل ناں امرت کورسی۔⁽²⁾ والد داناں کرتار سنگھ ہتکاری تے والدہ داناں راج کورسی، 5 سال دی عمری جدوں پھوپھی دے پتر پریتیم سنگھ نال منگنی ہوئی تے سولہ سال دی عمر وچ شادی ہوئی۔⁽³⁾ امرتا پریتیم نوں لکھن دا شوق بچپن توں سی ایہہ شوق اوہناں نے اپنے پتا جی توں لیا جیہڑے آپوں شاعر سن تے سنسکرت، برج بھاشا اتے پنجابی وچ دھارمک کوتاواں لکھدے سن۔⁽⁴⁾ اوہ ادبی پرچے ”رنجیت نگارا“ دے ایڈیٹر وی سن۔⁽⁵⁾ امرتا نے 1927ء وچ اٹھ سال دی عمرے شاعری راہیں پہلا تخلیقی اظہار کیتا سی۔ 1930ء وچ اوہناں دی ماں مرگئی تے ماں دی موت نے اوہنوں ہلون کے رکھ دتا۔ ایہہ وچھوڑا اوبدی رگ رگ اتر کے کئی درد جگا گیا اوہ آپ اپنی ماں دے مرن بارے ”رسیدی ٹکٹ“ وچ لکھدیاں نیں:

”مساں یارہاں ورہیاں دی ساں، جدوں اچانک اک دن ماں بیمار ہوگئی
 بیماری کوئی ہفتہ بھرلی ہوئی سی۔ جدوں میں دیکھیا ماں دی منجی دوالے بیٹھے
 ہوئے لوکاں دے مونہہ گھیرائے ہوئے سن ”میری بناں کتھے وے“؟
 آکھدے نیں اک واری میری ماں نے پچھیا سی تے جدوں ماں دی سہیلی
 پریتیم کور، میرا ہتھ پھڑ کے مینوں ماں دے کول لے گئی ماں نوں سرت کوئی
 نہیں سی تے فیر ماں دیاں چیکاں دی آواز نہ آئی پر سارے گھر دیاں
 چیکاں نکل گئیاں۔ میری ماں مرگئی سی۔⁽⁶⁾

1932ء وچ اوہناں دے والد نے باقاعدہ امرتا نوں شعری اصلاح دینا شروع کیتی۔⁽⁷⁾ 1933ء وچ اوہناں گیانی دا امتحان پاس کیتا۔ 1935ء وچ امرتا پریتیم دا ویاہ ہویتے اوہناں دے دو بچے کندلاں (پ 1946ء) تے نوراج (پ 3 جولائی 1947ء) پیدا ہوئے پر چھیتی ای اوہناں نوں طلاق ہوگئی۔⁽⁸⁾ 1936ء وچ اوہناں نے ”نویں دُنیا“ دے ناں نال اک رسالہ کڈھیا، امرتا پریتیم ہوراں اپنی مڈھلی حیاتی لاہور (گٹی بازار تے انارکلی) وچ گزاری۔⁽⁹⁾ اوہناں کلاسیکی ناچ سکھیا، آل انڈیا ریڈیو لاہور سٹیشن توں ستار وچاندے رہے، لاہور وچ ای سائیکل چلانا سکھی، فوٹو گرافی تے ٹینس کھیڈن دا وی شوق رکھدیاں سن۔⁽¹⁰⁾ امرتا پریتیم اپنی کتاب ”آواز دی دُنیا“ وچ لکھدیاں نیں:

”لاہور والا گھر جدوں گٹی بازار ہوندا سی، ریڈیو والا سلسلہ بنن توں پہلاں

میںوں ناچ کلا دی کھچ پئی تے اوس کھچ دے صدقے میں تارا چودھری کولوں
 ایہہ کلا سکھن لگ پئی ساں، اوسے ویلے ستار سکھن لئی من کیتا جیہدے لئی
 سراج احمد قریشی ورگے استاد میںوں گھر آ کے سکھان لگے، ماسٹر رام رکھا طبلے
 دی سنگت کردے سن۔ لاہور ریڈیو نے ہر مہینے میںوں ستار و جاون دا بلاوا
 دے دتا۔ 1946ء دا پوراں ورھا میں ہر مہینے اک واری دے حساب نال
 لاہور ریڈیو توں ستار و جاندی رہی۔“ (11)

1947ء دی ونڈ مگروں اوہ دلی جاوسیاں۔ ونڈ ویلے ہون والی لٹ مارتے خون خرابے
 دا اوہناں اتے بڑا گہرا اثر ہویا۔ نظم ”آج اکھاں وارث شاہ نوں“ وچ ایس دکھ دی اک بھرویں
 جھلک دکھالی دیندی اے۔ امرتا دی حیاتی وچ پریتیم توں بعد ساحر لدھیانوی دا دی خاص ذکر
 اے۔ امرتا ساحر بارے رسیدی ٹکٹ وچ لکھدیاں نیں کہ اوہدے جان پچھوں صرف سگرٹاں دے
 وڈے وڈے ٹوٹے کمرے وچ رہ جاندے سن کدے اک وار اوہدے ہتھ نوں چھوہنا چاہندی
 ساں پر میرے سامنے میرے ای سنکاراں دا اک فاصلہ سی جو طے نہیں سی ہوندا اودوں وی کلپنا دی
 کرامات دا آسرا لیا سی اوہدے جان مگروں میں اوہدے چھڈے سگرٹاں دے ٹکرے سانجھ کے
 الماری وچ رکھ دیندی ساں تے فیراک اک ٹکرے نوں اکلے بہہ کے بالدی ساں تے جدوں
 اوہناں نوں انگلاں وچ پھڑدی ساں، جا پداسی جو یں اوہدا ہتھ چھوہ رہی ہوواں۔ (12)

ساحر توں بعد جیہڑی شخصیت اوہناں دی حیاتی نال جڑی دکھالی دیندی اے اوہ
 امروز اے۔ امروز بارے اوہناں دے جذبات کئی لکھتاں دا حصہ نیں۔ امروز نال اوہناں
 دی ملاقات 1955ء وچ ہوئی تے 1964ء وچ اوہ اک دوجے دی زندگی دا ساتھی بن
 گئے۔ امرتا تے امروز نے مل کے اک پرچہ ناگ منی کڈھیا جیہڑا 1966ء توں 2004ء تک
 جاری رہیا ایس پرچے بارے اک انگریزی مضمون وچ فخر زمان لکھدے نیں:

Amrita ji used to select material for the journal
 while imroze was responsible for proofreading and
 sketch drawing this magazine of high quality and
 has been very popular. (13)

امرتا پریتیم 1986-1987ء وچ راجیا سبھا دی ممبر منتخب ہوئیاں۔ اوہناں نوں 1987ء
 وچ پنجاب یونیورسٹی ولوں ڈی لٹ دی ڈگری نال نوازا گیا تے 2003ء وچ ورلڈ پنجابی گائڈس

دلوں life time achievement ایوارڈ وی دتا گیا۔

امرتا پر تيم هوراں دی ادبی زندگی ول نظر ماریے تے اوس دے بے شمار کچھ نہیں،
جیہدے بارے گل کرن توں پہلاں اوہناں دیاں کتاباں کرتاں تے ملے اعزازاں تے ڈگریاں
دی مکمل فہرست دینی ضروری اے۔

شاعری:

- 1- ٹھنڈیاں کرناں 1935ء
- 2- امرت لہراں 1936ء دوجی وار 1945ء
- 3- چیوندا جیون 1939ء
- 4- تریل دھوتے پھٹل 1941ء دوجی وار 1944ء
- 5- اوگیتاں والیا 1942ء
- 6- بدلاں دے پلے 1943ء
- 7- سنجھ دی لالی 1944ء
- 8- پتھر گیٹے 1946ء دوجی وار 1949ء
- 9- لمیاں واٹاں 1947ء دوجی وار 1954ء
- 10- سرگھی ویلا 1951ء دوجی وار 1952ء۔ تہی وار 1966ء
- 11- سنہیرے 1955ء، 1960ء تے 1980ء
- 12- کستوری 1956ء
- 13- نکلی جیہی سوغات 1944ء
- 14- کوک پیڑ 1944ء
- 15- میں تواریج ہاں ہندی 1950ء
- 16- اشوکا جیتی 1957ء
- 17- ناگ منی 1964ء
- 18- کاغذ تے کینوس 1970ء
- 19- میں جمع توں (چونویاں نظماں) 1977ء
- 20- چیترا نامہ 1983ء (چونویاں شاعری)

- 21- درویشاں دی مہندی 1996ء
22- اُٹھ نی صاحبان سُتینے 1998ء

ناول تے ناولٹ:

- 1- جے ثری 1946ء
- 2- ڈاکٹر دیو 1949 , 1959 , 1972 ء وچ چھپیا۔ ایس ناول دے ہندی ، اردو ، انگریزی ، گجراتی ملیالم زبانوں وچ ترجمے ہوئے۔
- 3- ناول پنجر 1950 , 1960 , 1971 ء وچ ، ایہدے ترجمے ہندی ، اردو ، انگریزی ، گجراتی ، میراٹھی ، ملیالم ، سرہین ، انڈونیشین زبانوں وچ ہو چکے نیں۔
- 4- آہلنا 1952ء وچ چھپیا۔ ایہدا ترجمہ ہندی تے اردو زبانوں وچ ہو چکيا اے۔
- 5- اشو 1958ء
- 6- اک سوال 1959ء ، 1973- ترجمہ ہندی تے اردو وچ ہويا۔
- 7- بلاوا 1960ء تے 1968ء ، ایہدا اردو ترجمہ دو آواز دے ناں پٹھ 1961ء وچ چھپیا۔
- 8- بند دروازہ 1961 , 1962 , 1966 , 1968 , 1973 ء ، ایہدا وی ہندی ترجمہ اردو ، میراٹھی ، سندھی زبان وچ ہويا۔
- 9- رنگ دا پتا 1963 ء وچ چھپیا ، ہندی ، اردو ترجمہ کئی واری چھپیا اے۔
- 10- اک سی انیتا 1963 , 1968 , 1973 ء وچ چھپیا ، ایہدا ہندی ، اردو ، انگریزی ترجمہ ہويا۔
- 11- چک نمبر چھتتی 1964 , 1980 ء وچ چھپیا ، ایہدا وی ہندی تے اردو ترجمہ ناگ منی دے ناں نال 1965,66 تے انگریزی ترجمہ Line in the water ، 1975ء وچ تے Village No. 36 ناں پٹھ 1994ء وچ چھپیا ، 1968ء وچ سندھی زبان وچ وی ترجمہ ہويا۔
- 12- دھرتی ساگر تے سپیاں 1965ء تے 1968ء وچ ایہدا ہندی ، اردو ترجمہ چھپیا۔
- 13- دلی دیاں گلیاں 1967ء وچ چھپیا ، 1967 , 1968 , 1970 , 1972 ء وچ ہندی ترجمہ ”دلی کی گلیاں“ سرناویں پٹھ چھپیا۔

- 14- دُھپ دی کا تر 1969ء وچ چھپیا ہندی ترجمہ ”دھوپ کا ٹکڑا“ دے سرنا نوے پیٹھ 1966ء وچ چھپیا۔
- 15- جلاوطن 1970ء وچ چھپیا، ایہدا ہندی ترجمہ ایسے ناں پیٹھ 1968، 1971ء، 1972، 1976، 1978ء وچ چھپیا تے انگریزی ترجمہ The Exiled دے ناں پیٹھ 1968ء وچ چھپیا۔
- 16- یا تری 1971ء وچ چھپیا۔
- ایہدا انگریزی ترجمہ The Man دے ناں نال 1974ء وچ چھاپے چڑھیا ایس ناول دا ترجمہ بنگالی سرین، دُج زباناں وچ وی ہویا۔
- 17- جیب کترے 1971ء وچ ایہدا ہندی تے اردو ترجمہ ایسے ناں پیٹھ تے انگریزی ترجمہ Flirting with youth ناں پیٹھ چھپیا۔
- 18- پکی حویلی 1972ء وچ چھپیا، ایہدا ہندی ترجمہ ”دو کھڑکیاں“ دے ناں پیٹھ 1974ء وچ چھاپے چڑھیا۔
- 19- اک دا بوٹا 1972ء، ہندی ترجمہ اک کے پتے دے سرنا نوں پیٹھ 1972ء وچ چھپیا۔ ایہدا انگریزی ترجمہ Time and beyond دے سرنا نوں پیٹھ 1977ء وچ چھپیا۔
- 20- اک دی لکیر 1973ء، ہندی ترجمہ آگ کی لکیر دے ناں پیٹھ 1974ء وچ چھپیا۔
- 21- کچی سڑک 1974ء، ہندی ترجمہ ایسے ناں پیٹھ 1974ء وچ چھپیا۔
- 22- کوئی نہیں جاندا 1975ء، ہندی ترجمہ 75-76ء وچ چھپیا۔
- انگریزی وچ No Body Knows 1977ء وچ چھپیا۔
- 23- اوہناں دی کہانی 1975ء، ہندی ترجمہ اُن کی کہانی ایسے ورھے چھاپے چڑھیا۔
- 24- ایہہ سچ ہے 1977ء، اردو تے ہندی ترجمہ یہ سچ ہے 1977ء وچ ای، انگریزی ترجمہ A Statment of Agony دے ناں پیٹھ 1978ء وچ چھپیا۔ ایس ناول دا ترجمہ بلغارین، فرنیج زبان وچ وی ہویا۔
- 25- تیرواں سورج 1977ء، اردو ہندی ترجمہ ایسے ناں پیٹھ بالترتیب 77 تے 78 وچ چھپ گیا۔ انگریزی ترجمہ The Thirteenth Sun دے ناں پیٹھ 1982ء وچ

چھپیا۔

- 26 اُنجا دن 1978ء، اردو ہندی انچاس دن دے ناں پٹھ 1979 - 1980ء -
انگریزی ترجمہ Fortynine days دے ناں پٹھ 1981, 1996ء وچ چھپیا۔
- 27 کورے کاغذ 1982ء، ہندی ترجمہ وی ایسے ناں نال چھپیا تے انگریزی ترجمہ
Blank Sheets دے سرنا نویں نال 1992ء وچ چھپیا۔
- 28 ہر دت دا زندگی نامہ 1984ء، ہندی ترجمہ وی ایسے ناں نال چھپیا۔
- 29 نہ رادھانہ رکنی 1984ء،
- 30 تیرواں سورج، اُنجا دن دوویں نال 1992ء،
- یاتری، عدالت، کورے کاغذ تنوں ناول 1993ء وچ اکٹھے چھپے۔

کہانیاں دے مجموعے:

- کہانیاں دے مجموعیاں دی ترتیب ایس طرح اے۔
- 1 چھپی ورھے بعد 1943ء
اردو ترجمہ ”چھپیس سال کے بعد“ 1962ء وچ چھپیا۔
- 2 کنجیاں 1944ء
- 3 آخری خط 1956ء
ہندی ترجمہ ”اتم پتر“ دے ناں پٹھ 1950ء وچ چھپیا۔
- 4 گوجر دیاں پریاں 1960ء
- 5 چانن دا کوکا 1962ء
- 6 جنگلی بوٹی 1968ء
- 7 اجنبی 1970ء
- 8 پنج ورھے لمی سڑک 1972ء
- 9 اک شہر دی موت 1973ء
ایہدا انگریزی ترجمہ ”Death of A City“ دے ناں پٹھ 1976ء وچ چھپیا۔
- 10 ہیرے دی کئی 1977ء
- 11 تیسری عورت 1978ء

12- مٹی دی ذات 1990ء

13- تے اوہ عورت 1992ء

موم بتیاں دا بھیت 1960ء، کرچی لکیراں 1965ء، سفر نامہ 1973ء، عورت اک درٹی کون 1975ء، اک اداس کتاب 1976ء، اپنے اپنے چارورہے 1978ء، شوق صحرا جی 1979ء، کبھڑی زندگی؟ کبھڑا ساہت؟ 1979ء، محبت اک درٹی کون 1980ء، میرے کال ملکت سمکالی 1980ء، عاشق، بھور، فقیر تے ناگ کالے 1986ء، سورج ونشی چندروشنی 1986ء، حجرے دی مٹی 1991ء، کال چیتنا 1994ء، پرشن لیلیا 1997ء تے ست مسافر اوہناں دے انٹرویو تے وار تک لیکھاں اُتے ادھارت کتاباں نیں۔

باریاں جھروکے (1961ء)، اگ دیاں لیکاں (1969ء)، اکی پتیاں دا گلاب (1973ء) اوہناں دے سفر نامے نیں۔ اوہناں دی جیونی تے آپ بیتی دیاں کئی کتاباں منظر عام تے آیاں، جیہناں دی ترتیب کجھ انج اے:

بھارت دے اُسرے 1958ء

کالا گلاب 1968ء۔ ایس دا ہندی ترجمہ ایسے ناں پٹھ تے انگریزی ترجمہ (Cherles Brasch) نے ”Black Rose“ دے سرناویں پٹھ 1967ء وچ کیتا۔

رسیدی ٹکٹ بالترتیب 1976ء، 1977، 1981، 1992، 1998 وچ چھپی۔ ایس دا ہندی تے اردو ترجمہ ایسے ناں نال چھپیا جد کہ انگریزی ترجمہ ”The Revenue Stamp“ دے ناں پٹھ 1977ء وچ چھپیا۔ اوہناں دی ایس کتاب دا ترجمہ گجراتی، میراٹھی، فرنچ زبان وچ وی ہويا۔

دستاویز (امرتاتے امروز دے خط) 1978ء وچ چھپی ایہدا ہندی ترجمہ ” امرتاکے پریم پتر“ دے سرناویں پٹھ 1980ء، اردو ترجمہ ”محبت نامے“ دے عنوان پٹھ چھپیا۔

کچے گھر 1979ء، ایہدا ہندی ترجمہ ”کچے انگلشر“ دے ناں پٹھ 1980ء وچ چھپیا۔

اک ہتھ مہندی، اک ہتھ چھالا 1980ء وچ تے ایہدا ہندی ترجمہ ایک ہاتھ مہندی، ایک ہاتھ چھالا 1981ء وچ چھپیا۔

لال دھاگے دا رشتہ (آپ بیتی یا جیونی) 1989ء، انگریزی ترجمہ The other Dicmnsion 1996ء وچ چھپیا۔ 1996ء وچ ای اردو ترجمہ لال دھاگے کا رشتہ شائع ہويا۔

امرتا نے بہت سارے عالمی ادب دا پنجابی وچ ترجمہ وی کیتا۔ روسی، بلغاری، بہت ساریاں نظماں، جرمن کہانیاں دے انگریزی ترجمہ After the war was over دا ”جنگ توں پچھوں“ دے ناں نال پنجابی ترجمہ کیتا۔

Classical Readings from German Literature دا ترجمہ اوہناں نے

1973 وچ کیتا۔ اوہناں دیاں انگریزی کتاباں:

Selected Poems (1981)

Time and Again (1976)

The Hounded house

Their Signatures (1995)

Life Poetry of Sara Shagufta (1994)

A Slice of Life (1990)

وچ منظر عام تے آئیاں۔

ہندی وچ سات سوئیس قدم 1999ء۔ ایک تھی سارا 1986ء۔ من مرزاتن صاحبان
1990ء۔ سپنوں کی نیلی سی لکیر 1992ء۔ اکثروں کی افتر..... دھونی 1990ء۔ من منٹھن کی
گا تھا 1993ء۔ عشق سہنسر نام 1998ء۔ ایک مٹھی اکشر 1993ء وچ چھپیاں۔
امرتا پریتیم نوں بہت سارے انعاماں تے اعزازاں نال نوازا گیا، جیہڑے اوہنوں ملکی
تے بین الاقوامی اداریاں ولوں ملے۔

بھارتیہ ساہت اکڈمی نوں دہلی ولوں 1956ء وچ اوہناں دی کتاب سنیہڑے اُتے
راشٹریئے ایوارڈ ملیا۔ بھارت مجلا فیڈریشن ولوں 1965ء وچ انعام ملیا۔ دلی یونیورسٹی ولوں
ڈی۔ لٹ دی اعزازی ڈگری دتی گئی۔ وشو (عالمی) ہندی سمیلن ناگ پور ولوں 1975ء وچ
N-I-F ایوارڈ ملیا۔ پنجابی انٹرنیشنل سوسائٹی ولوں 1979ء وچ تے بلغاریا ولوں 1980ء وچ
Cyril and Methodius تغمہ ملیا تے کاغذ تے کینولیس اُتے 1982ء وچ جبل پور یونیورسٹی
ولوں ڈی۔ لٹ دی اعزازی ڈگری دتی گئی۔ آپ راج سبھا دیاں ممبر وی رہیاں۔ فرانس وچ
سفیر وی رہیاں۔

S.M.D.T بمبئی یونیورسٹی ولوں ڈی۔ لٹ دی اعزازی ڈگری 1989ء وچ دتی گئی۔

ویشو بھارتی یونیورسٹی شانتی ٹیکشن ولوں ڈی۔ لٹ دی اعزازی ڈگری 1993ء وچ دتی گئی۔ پنجاب یونیورسٹی ولوں 1995ء وچ اعزازی ڈگری دتی گئی۔ رابیندراس بھارتی یونیورسٹی کلکتہ ولوں ڈی۔ لٹ دی اعزازی ڈگری 1998ء وچ دتی گئی۔ امرتا پریتم تے بہت ساریاں بھارتی یونیورسٹیاں وچ مقالے وی لکھے جا چکے نیں۔

اپنی ذات اندراک ادارہ تے اک Legand، پنجابی ادب دی مہان لیکھکھ امرتا پریتم 86 ورہے دی عمر پا کے 31- اکتوبر 2005ء نوں دلی وچ اگلے جہان سدھار گنیاں، دُنیا توں ٹر جان والی امرتا ادبی سرمایے دی صورت وچ ایناں ورثہ چھڈ گئی اے جس داماں تے جس پنجابی ادب دے پڑھیار، سوجھوان، تخلیق کار ہمیش ماندے رہن گے۔ اردو پنجابی ادب دے مشہور شاعر، سنگیت کار گلزار سنگھ سدھو امرتا نوں خراج تحسین پیش کر دیاں لکھدے نیں:

“Amrita pritam put the Punjabi literature on the world map. No other writer is as synonymous with the Punjabi literature as she hers was a familiar name even for those not acquainted with Punjabi. She cocked a snook even for those not acquainted with Punjabi. She cocked a snook at convention and defied social norms. There was no split between life and literature for Amrita because literature was her life.”⁽¹⁴⁾

نروپمادت نے اوہناں دے دُنیا توں چلے جان توں بعد ”Tribune“ وچ اوہناں نوں (The True daughter of waris Shah) آکھیا اے۔ شفقت تنویر مرزا ہوراں نے (Amrita Pritam: Sensitive soul of Punjab) تے اشتیاق احمد ہوراں نے (A Symbol of courage in the face of suffering) دے اکھراں راہیں خراج پیش کیتا۔⁽¹⁵⁾ تے افضل توصیف ہوری اوہناں نوں کجھ انج سلاہندیاں نیں:

” امرتا پریتم اک دُنیا، اک سمندر، اک آواز، پنجاب دی آواز، کناں چر پہلاں صدر جمہوریا بھارت نے امرتا پریتم نوں ادبی ایوارڈ دیندیاں پنجابی

دی آواز آکھیا سی، امرتا پریتیم دا درجہ اوہدے علم، ادب، شاعری، دانشوری
تے منکھ جیون دی پارکھ ہون وجھوں بہت اُچا اے۔،⁽¹⁶⁾

امرتا دی شاعری:

وے سائیں! تیرے چرخے نے
اج کت لیا..... کتن والی نوں!

ہراک مڈھا کچھی پایا
نہ کوئی گیا، تے نہ کوئی آیا
ہائے اللہ! اج کیہ بنیاں
ایس چھو پے گھتن والی نوں!

تاک کسے نہ کھولے بھیڑے
نسل پے رانگے پیڑھے
وکیھ! ائیرن بورا ہویا
لسھدا اتن والی نوں!

کسے نہ دتی کسے نہ منگی
دو جے کنیں واج نہ لنگھی
انبر ہس کے ویکھن لگا
ڈھارے چھتن والی نوں

وے سائیں! تیرے چرخے نے
اج کت لیا..... کتن والی نوں⁽¹⁷⁾



ازل دا پیر

اک رات

ازل دا اوہ پیر آسی

تے اک کرن دامنوں

تعویز دے گیا.....

میں نھیرے دی بکل وچ بیٹھ کے

اوہ تعویز پانندی

پنڈا چاننا ہوندا

تے جدوں کاغذ تے اکھرنوں پانندی

تاں ماسا کو چانن.....

اکھراں وچ اتر جاندا.....

میں اکھراں نون متھے چھہانندی

تے تڑکا ہوندیاں جدوں

پورے اسمان اتے.....

اسدی درگاہ دسدی

میں عشق دی شرینی لے کے

درگاہ تے جانندی

تے فیرتھالی چک کے.....

(18)

دھرتی نون ونڈ دیندی



میں تینوں فیر ملاں گی

(امرتا پریتیم دی آخری نظم)

میں تینوں فیر ملاں گی

کتھے؟ کس طرح؟ پتہ نہیں

شائد تیرے تخیل دی چنگ بن کے
 تیری کینوس تے اُتراں گی
 جاں خورے تیری کینوس دے اُتے
 اک راہنمی لکیر بن کے
 خاموش تینوں تک دی رہواں گی
 جاں خورے سورج دی لو بن کے
 تیرے رنگاں وچ گھلاں گی
 جاں رنگاں دیاں باہواں وچ بیٹھ کے
 تیری کینوس نوں ولاں گی
 پتہ نہیں کس طرح کتھے
 پر تینوں ضرور ملاں گی
 جاں خورے اک چشمہ پی راہواں گی
 تے جیویں جھرنیاں دا پانی اڈدا
 میں پانی دیاں بونداں
 تیرے پنڈے تے ملاں گی
 تے اک ٹھنڈک جہی بن کے
 تیری چھاتی دے نال لگاں گی
 میں ہور کچھ نہیں جان دی
 پر ایناں جان دی
 کہ وقت جو وی ہووے گا
 ایہہ جنم میرے نال ترے گا
 ایہہ جسم مک دا ہے
 تاں سب کچھ مک جاندا
 پر چیتیاں دے دھاگے
 کایناتی کتاباں دے ہندے

میں اوہناں کتاباں نوں پُٹناں گی
 دھاگیاں نوں ولاں گی
 تے تینوں فیر ملاں گی (19)



امرتا نے اپنی شاعری راہیں لوکائی دے دل موہ لئے۔ اوہناں دیاں شعری خوبیاں دے
 حوالے نال ڈاکٹر سدیش گاسواپنے اک مضمون وچ لکھدے نیں:

” امرتا پریتم دی کوتا دی وڈی خوبی خوبصورتی اُتے مہتو اس گل وچ ہے کہ
 اوس دی کوتا پڑھ کے زندگی ہور حسین اتے مانن جوگ لگن لگدی اے۔ اوہ
 ماڑیاں اتے الٹ پرسدھتیاں وچ وی حوصلہ نہیں ہاردی۔“ (20)

شعرتوں وکھ امرتا دانثری حوالہ وی اوناں ای مضبوط اے۔ شبہ طراز اپنے اک مضمون اوہناں دی
 نثر دے حوالے نال لکھدیاں نیں:

” امرتا کرداروں کا درد اوڑھ لیتی تھی۔ کردار اس کے نظریات کی پناہ گاہ میں
 میں آ جاتے تھے، خود امرتا کی زندگی اک نظریہ تھی ایک اصول تھی، اس کی
 شخصیت اس کے کرداروں کی بنت اور اُس کی زندگی کی فضا میں کوئی تضاد
 نہیں تھا۔“ (21)

امرتا پریتم دے ناں نال پنجابی نظم دا اک عہد بُر یا ہو یا اے۔ ایہہ اوہ عہد اے جیہڑا
 خاص کر کے انساناں دی دورنگی تے مردانہ معاشرے وچ عورت نوں درپیش اوکڑاں دے ذکر
 اُتے مشتمل اے۔ امرتا امن تے آشتی دی پیامبر اے۔ اوہ ایس دنیا نوں جنت بنان تے ویکھن
 دی چاہیوان اے۔ اوہناں دے شعرتے نثر دے حوالے نال کیہتے جان والے کم نوں ہمیش یاد رکھیا
 جائے گا۔

حوالے

- (i) -1 مولا بخش کشتہ: پنجابی شاعراں دا تذکرہ؛ میاں مولا بخش اینڈ سنز، لاہور 1960ء ص 512
- (ii) فقیر محمد فقیر، ڈاکٹر: پنجابی زبان و ادب کی تاریخ؛ سنگ میل پبلی کیشنز، لاہور، ص 281
- (i) -2 طاہر محمود سندھو: مقالہ ایم اے پنجابی (امرتا پریتیم دے ناول ” پنجر“ دا ویروا)، شعبہ پنجابی، پنجاب یونیورسٹی اور ی اینٹیل کالج لاہور، 2004ء، ص 12
- (ii) مولا بخش کشتہ: پنجابی شاعراں دا تذکرہ؛ ص 512
- (iii) ماہنامہ دستک، امرتا پریتیم نمبر، مارچ اپریل 2006ء جلد 17 شماره 1، لاہور، ایڈیٹر افضل شاہد، ص 8
- 3 ایضاً ص 8
- 4 بحوالہ طاہر محمود سندھو: مقالہ ایم اے پنجابی
- 4 ایضاً ص 13
- 5 ایضاً ص 13
- 7 ایضاً ص 15
- 8 پریتیم سنگھ: پنجابی لیکھک کوش؛ ص 97
- 9 احمد سلیم: امرتا پریتیم..... یاداں باتاں، ماہنامہ روزن انٹرنیشنل، جلد 3 شماره 10, 11, 12، امرتا پریتیم نمبر 2006ء (چیف ایڈیٹر افضل راز) گجرات، ص 5
- 10 طاہر محمود سندھو: مقالہ ایم اے پنجابی؛ ص 16
- 11 ایضاً ص 16
- 12 امرتا پریتیم: رسیدی ٹکٹ؛ نویں دلی ناگ منی پرکاشن، چوتھی وار 1992ء ص 112
- 13 ”ادبیات“ سہ ماہی امرتا پریتیم نمبر، اکادمی ادبیات پاکستان، اسلام آباد، اکتوبر 2009ء مارچ 2010ء ص 970
- 14 ایہ ساری معلومات ”پنجابی لیکھک کوش“ دے ص 97 تا 99 توں لئی گئی اے۔
- 15 ایضاً

- 16 بحوالہ سویر انٹرنیشنل، دسمبر 2005ء (امرنا پریتم نمبر)، لہور، ص 9
- 17 بحوالہ دستک (ماہنامہ)، دستک پبلیکیشنز 134 پاک بلاک علامہ اقبال ٹاؤن لاہور، پاکستان، ص 90
- 18 ایضاً
- 19 روزن انٹرنیشنل (ماہنامہ)، امرنا پریتم نمبر، اکتوبر تا دسمبر 2006ء، شماره 10,11,12، روزن پبلشرز، گجرات، ص 224
- 20 ”ادبیات“ سہ ماہی امرنا پریتم نمبر، اکادمی ادبیات پاکستان، اسلام آباد، اکتوبر 2009ء مارچ 2010ء ص 336
- 21 ایضاً ص 137

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:71, July.-Dece. 2013, pp 59-82

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جولائی - دسمبر 2013ء، سلسلہ شماره 71

پنجابی غزل وچ عمرانی روایاں دا ذکر

ڈاکٹر محمد عاصم ندیم
 اسٹنٹ پروفیسر شعبہ پنجابی،
 گورنمنٹ اسلامیہ کالج سول لائنز، لاہور

Abstract

Modern Punjabi poetry adequately and faithfully reflects the social sense and social consciousness of the present age. Sometimes this consciousness resounds so forcefully that it seems that some radical idealist or activist is making a fiery speech or raising snappy slogans to awaken the masses. This social consciousness is aroused by the social injustice, economic instability and unequal distribution of wealth that the poet faces at every step in the society. Especially the writers of Punjabi Ghazal can be termed as the poets of social consciousness in this regard. They have mirrored the social, economic, religious and political disturbance, turmoil and anguish of their age in their poetry. People who saw the end of colonial period as the dawn of a golden era of social justice and fair play soon found they were enmeshed in a more horrible form of social injustice and a painful confusion about their identity. They were involved in

endless debates about their ideology of life. Moreover, economic inequality made the situation really horrible for common man. He could not meet even his very basic needs despite the fact that he worked strenuously and continuously. At the same time this struggle for basic needs made him forget about any lofty aims in life. He developed psychological problems which deprived him of living a normal life. This social wretchedness has been the most powerful theme in the modern Punjabi Ghazal.

.....

نفسیاتی و مارکسی دبستانوں وانگوں عمرانی دبستانوں وی ڈھیر اہم سمجھیا جاندا اے۔

Five Approaches of Litrary Criticism Wilbur Scott نے اپنی مشہور تالیف Five Approaches of Litrary Criticism وچ عمرانی تنقید نوں پنج وڈے تنقیدی دبستانوں وچ متھیا اے۔ اوہ کہندا اے کہ فن تے عمرانی قدراں وچ جوت فطری اے بلکہ حقیقت نگاری دی تحریک دے لحاظ نال مڈھلی اے۔ دانشور ایس گل دے من ہارنیں کہ ادب تے سماج یا معاشرے دا تعلق دو طرفہ اے۔ ادب معاشرتی عوامل دا مرہون منت ای نہیں ہوندا سگوں بذات خود ایہہ معاشرتی عوامل دا باعث وی ہوندا اے۔ ادب دیاں شعری و نثری ہر دو قسماں وچ اے عوامل اوس ویلے دے حالات دے حوالے نال اُسے نظر آؤندے نیں۔ شعردی اک معروف صنف غزل اے۔

غزل مواد، ہیئت، موضوع تے صورت دی اک متناسب تے متوازن ہم آہنگی نال ظہور پذیر ہو چکی اے۔ ایہو چار عناصر غزل دی روح نیں۔ پر ایس گل توں انکار نہیں کیتا جاسکدا اے کہ غزل سے دی رفتار بدلن دے نال نال اپنے اندر کھلار پیدا کردی جاندا اے بھانویں ایہہ وکھری گل اے پئی:

”غزل کسے شاعر دے اکلاپے دافن اے۔ اتجھے بیٹھا ہو یا اوہ اپنے خیالاں تے وچاراں دے نقشے بناندا اے ایسے لئی غزل نوں نظم دے مقابلے تے تجریدی تجرے دی شاعری آکھیا جاندا اے۔“ (1)

ڈاکٹر سلام سندیلوی ہوراں غزل دی اک خصوصیت ایہہ وی دتی اے کہ ایہدے وچ

وکھو وکھ خیالاں نوں نظم کیتا جاندا اے۔

”غزل کی یہ ریزہ کاری اس کی خوبی اور خامی بھی ہے۔ خوبی اس حیثیت سے تاکہ ہم اپنے مختلف خیالات اور جذبات کو ایک لڑی میں پروا سکتے ہیں۔ غزل کے علاوہ کوئی اور صنف سخن ہم کو اس بات کی اجازت نہیں دے سکتی ہے۔ لیکن یہی خوبی بعض اوقات خامی بھی بن جاتی ہے۔ ہم غزل میں مسلسل مضامین نظم نہیں کر سکتے۔ اس کے لیے قطعہ مخصوص ہو گیا ہے، اگرچہ کچھ شعراء نے مسلسل غزلیں کہیں ہیں مگر وہ مقبول نہیں ہوئیں۔“ (2)

پنجابی غزل جس نے فارسی تے اردو دی زمین وچ پرورش پائی، اپنا دکھ وجود ظاہر کرن یا منوان لئی ایس نے کئی فاصلے طے کیتے۔ پرایہد رنگ روپ جیہناں شاعراں توں نکھرنا شروع ہو یا اوہناں وچ پیر فضل گجراتی داناں نہایت اہم اے۔

فنکار معاشرے داسب توں ودھ حساس فرد ہوندا اے تے اوہ سماج دی اجتماعی سوچ تے سانجھے شعور دا نمائندہ ہوندا اے پر حالات واقعات نے پیر فضل گجراتی ہوراں نوں اپنی ذات وچ بڑا حساس فنکار بنا دتا سی۔ اوہناں نے غزلاں وی لکھیاں تے نظماں وی۔ اوہناں دیاں غزلاں فن تے فکر دی پرانی روایت نال پوری طرح جڑیاں ہونیاں نیں۔ ایہناں وچ موضوعاتی تنوع وی موجود اے تے سوز و گداز تے لطافت وی لہدی اے۔ جیہدے نال غزل دا مکمل پیکر بند اے۔ پیر ہوریں باشعور فنکار سن پر سوچ وچار دے رجحان نے اوہناں دے علمی، ادبی تے اجتماعی مسئلیاں نوں ڈونگھیاں نال سمجھن دی صلاحیت نکھاردتی ہوئی سی۔ اوہناں دی اپنے ویلے دی سیاسی تے سماجی صورت حال تے ڈونگی نظری، ساڈے وطن دے کنجی برداراں دے مکر و فریب نوں اوہ چنگی طرح سمجھدے سن۔ جیہڑے بظاہر تے عوام دی ہمدردی وچ مرے جا رہے سن، یا نہیں پر حقیقت وچ ایہہ بڑے جاہر تے ظالم ثابت ہوئے نیں۔ پیر ہوری اپنے جذبات دا اظہار ایہناں منافقاں بارے اچ کر دے نیں:

گل میری نسبت کیتی اے اک نوں لباساں والے نے
ایہہ لیراں لتھا کدھر دا کیہ چمبٹڑ وانگول لیر گیا

کڈھ لے ظالما اپنے دلے وچوں، جے کوئی ظلم دا ہئی ارمان باقی
ظلم سہندیاں جسم تے گیا کھادا، ہے پر جسم اندر اے جان باقی

زے سادہ رُخ فضل جانیں نہ سادے
ایہہ ظالم نیں ، سفاک نیں، پُر جفانے (3)

ڈاکٹر فقیر محمد فقیر ہوراں دا دور اوہ سی جدوں اے پنجابی غزل وچ تصوف تے پیار محبت
دے مضمون ای بیان کیتے جاندے سن پر ڈاکٹر فقیر ہوراں اپنی غزل وچ کدھرے کھل کے تے
کدھرے علامتی انداز وچ سماجی رویاں نوں لوکائی دی نفسیات نوں، وسیب وچ پائے جان والے
تضاد نوں شعر دے انداز وچ اوہدے پورے کھلار نوں سامنے لیان دی کوشش کیتی اے۔ اوہناں
معاشرے وچ پیدا ہون والے رویاں نوں اوہدے رجحاناں نوں پورے زور نال بیان کیتا اے:

کلیاں وچ اے بلدیاں لاٹاں دی اے لالی
پھلاں وچ اے سیک اگدے ہاواں دا اے وی
سلطان، گرو، پیر، دھنی، ملاں، براہمن
بندہ اے بشر بڑیاں خداواں دا اے وی (4)

عبدالحمید بھٹی ہوراں غزل وچ ایہناں معاشرتی مسئلیاں نوں اجاگر کیتا اے۔ اوہناں
دیاں شعری تصویراں وچ ماحول دی بے چینی، بے حسی تے بے ضمیری نوں کدھرے انفرادی تے
کے اجتماعی سطح تے بڑے سونے چ نال بیان کیتا گیا اے:

آساں ماریا دن لبھاتے گوہڑیاں شاماں پینیاں
بجھدا بجھدا دیوا ایویں بھڑک پیا اج فیر
.....

دُکھوں سکھ ہنیر یوں چانن دوروں منزل نیڑے
بھلا ہویا جے قہر دا بدل کڑک پیا اج فیر (5)

علامہ یعقوب انور اُچے غزل گو شاعر نیں اوہناں دی غزل وچ ساڈے وسیب تے رہتل دی تصویر
بڑی سونہی تے نوٹکی اے۔ اوہناں اپنی غزل وچ پنجاب دی سماجی، ثقافتی تے تہذیبی خوبصورتی
نوں وی بیانیا اے تے اتھے پنکرن والے مسئلیاں دی وی نشاندہی کیتی اے۔ جو یں:

ہتھ رکھ کے فکر دی جنگھی تے جدتتا کرنا واں
اوہ کہڑی جوڑی اے مصرعیاں دی جو اڈن لئی تیار نہیں
.....

چکی دلیلاں دی جدوں کدھدی اے گالے رات نوں
سو وہم پھر دے نیں میرے آ لے دوالے رات نوں (6)

عبداللہ لیسین دھیمے لہجے دے شاعر سن۔ اوہناں دی غزل اک کرب دی داستان وی
سناندی اے تے دھرتی مکھ تے چھائی ہوئی زردی دا اظہار وی کردی اے۔ اوہناں دے کئی شعر
معاشرتی تے سماجی فضا دا نقشہ وی بیان کردے نیں:

تینوں رنگ گلابی جے کر بہتا چنگا لگا اے
تیری چُنی فیر میں اپنے اتھروواں نال رنگاں گا

تربکا تربکا کر کے ایہناں کئی سمندر روڑھے نیں

دریاواں دے وس وچ نہیں ہن بھار ونڈانے اکھیاں دے (7)

منظور وزیر آبادی دی غزل سچے جذبیوں تے حقیقت نگاری نال سچی ہوئی اے۔
اوہناں دے جذبے چٹان ورگے سن۔ منظور ہوراں سماجی ناہمواریاں، معاشرتی روگاں، سیاسی
ابتدائی، منافقت تے اچھے دوجے روگاں دی تصویر کشی کر کے اپنی غزل نوں لوکائی دا عکاس بنا کے
پیش کیتا اے:-

دھرتی توں اسماناں ولے توں وی چن اچھال کوئی
دس دے دنیا نوں جے رکھیں اپنے کوئی کمال کوئی

سکون لٹ کے تے زندگی نوں حرام کردا
خدا بجائے منافقت دے عذاب کولوں

بھلا کیہ اوس نوں حق اے جیون دا منظور
مصیبتاں وچ جہدا حوصلہ گواچ گیا (8)

عصری رویاں تے فکری سچائیاں نال پرچی امین خیال دی غزل اک پاسے رومان دی
فضا پیدا کردی اے تے دوجے پاسے لوکائی نوں اپنیاں قدراں، ریتاں، رسماں، رواجوں دی ٹٹ
بھج بارے جانکاری وی دیندی اے تے اپنے وسر جان والے ورثے دی سانجھ کرن دا درس
الاپدی ملدی اے:

برفوں، ککڑ، کورے، دھنداں، چندرے، پالے، سیتاں
لوواں، ہسرد، اگ، انگیارے روپ سروپ نیں تیرے

جھوٹھ دا مٹھا زہر جے مینوں پچ گیا تے آکھیں
میرے ہڈوں مڈھوں جے کر سچ گیا تے آکھیں (9)

تنویر بخاری ہوراں دی غزل وچ ساڈے سماجی ورتاریاں، معاشی، رہتل تے وسیب
دے مختلف کچھ ملدے نیں۔ اوہ اپنی غزل وچ جبر دے خلاف بیزاری دا احساس اُبھاردے نیں۔
اوہ لٹیریاں دے اصلی چہرے لوکائی دے سامنے لیان دی جدوجہد وچ مصروف نیں۔ اوہناں دی
غزل اک ایسا شیشہ اے جہدے وچوں ساڈے اپنے ای تریڑاں کھادے چہرے دکھالی دیندے
نیں۔ اوہ آکھدے نیں:

کسے ان گھڑت پتھر وانگ پیا ہوندا میں ہن توڑی
نہ کردا شاعری تے مر گیا ہوندا میں ہن توڑی
اودے نازک پیراں نوں قالین وی چبھ چبھ جاوے
میں لکری دی چھاویں بہہ کے غزل جہدے لئی جوڑی (10)

ساڈے ہاں سیاسی تے سماجی جبر نے معاشرے وچ بے حسی دے عمل نوں بہت ودھا دتا
اے۔ دلاں دیاں کھیتیاں کلر بن گئیاں نیں۔ ساڈے دیس دی فضا اک جبریہ تے استحصالی
طبقیوں دا شکار رہی اے تے اے جے وی اوہ عمل جاری ساری اے۔ ایہوجہ اے کہ ساڈے فنکار
جیہناں دیاں چیکاں دیاں دیاں سن ہن اُبھر کے کراٹ دی شکل اختیار کر چکیاں نیں تے تنویر
بخاری دی واج ایس کراٹ وچ سبھ توں اُچی دکھالی دیندی اے۔
غلام مصطفیٰ بسمل دی غزل پڑھدے ہوئے وی سانوں ایس طرحاں دیاں حیرتاں توں
گذرنا پیندا اے۔ حیرت تے سوچ دے کئے مرحلے آندے نیں تے سانوں ہلون کے لنگھ
جاندے نیں:

دوستی سی دوستان دی ایسراں

جو وی آیا ہتھ دکھا کے ٹر گیا (11)

ڈاکٹر بشیر عابد دی غزل وچ تفکر دا پہلو وی ملدا اے تے جذبیاں دا ہڑوی ٹھاٹھاں ماردا
اے۔ مردہ سماج نوں دیکھ کے اوہناں دا ساہ گھنڈا اے تے اوہ اپنے جذبیاں راہیں بیداری دی
لہر پیدا کرن دی کوشش وچ رجھے نظر آندے نیں۔ بیداری دا ایہہ اگھڑواں احساس اوہناں دے
شعراں وچ دیکھنے آں:

گراؤ میرا مکان ایپر، گواڈھیاں دا خیال رکھنا
چراغ ہنجواں دے بال رکھنا، ٹھنسی نہیں تے ملال رکھنا⁽¹²⁾
محمد اقبال نجمی ہوراں پنجابی غزل وچ سماجی روایاں تے کجھ ایس طرح چائن پایا اے کہ
ڈاکٹر اسلم رانا ہوریں اقبال نجمی دی غزل بارے لکھدے نیں:

”ایس عہد نے ساڈے سماج نوں جتھے ہور لعنتاں عنایت کیتیاں اوہناں
وچ اک مکروہ چیز دوغلا پن اے۔ اسیں اک اک چہرے اُتے کئی کئی چہرے
سجائے ہوئے نیں۔ جھوٹی شرافت، دیانت، امانت، ذہانت تے متانت
دے ماسکاں دے پچھے تلخ حقیقتاں دے چچک زدہ چہرے نیں۔ نویں نویں
دولت منداں خود ساختہ سماجی، ادبی، سیاسی تے سماجی خداواں نوں معاشرے
وچ دوغلی کیفیت نوں ایسا رواج دتا کہ حق سچ دی اصل شناخت وی اک مسئلہ
بن گئی اے۔ ایس دوغلا پن نوں محمد اقبال نجمی نے تخلیقی سطح اُتے محسوس کیتا
اے تے اک فنکار دے حوالے نال دکھ دا اظہار کیتا اے“۔⁽¹³⁾

کد توڑی انج ساڈیاں راساں دو جیاں دے ہتھ رہن گیاں
چکدے رہاں گے قرض کدوں تک اسیں ادھاریاں چھاواں

پیندیاں نیں ونڈیاں تے ملدیاں نیں کرسیاں
چوراں، رسہ گیراں تھیں ایہہ شہرتاں دا ہن ملاپ⁽¹⁴⁾
امجد حمید محسن ہوراں دی غزل وچ نویں فکری رویے تے احساس ملدے نیں اوہ لفظاں
دی حرمت تے اوہدی معنویت دے جانو نیں۔ اوہناں دی شاعری سماجی حقیقت نگاری، سیاسی
شعور تے قدراں دی ٹٹ بھج دا المیہ بیان کردی اے۔

سمہناں پاسے ایہو شور

آدم بن گئے آدم خور⁽¹⁵⁾

امجد شریف دیاں غزلاں پڑھ کے سانوں ایہہ پتہ چالدا اے پئی اوہناں حیاتی دیاں
اوکڑاں نوں پوری طرحاں محسوس کیتا اے۔ امجد شریف دی غزل وچ محبت دا نگہ وی موجود اے
تے اوہ شعور وی جھلکارے ماردا اے جیہڑا ویلے اوہنوں دان کیتا اے اوس غزل و وہٹی نوں زبان

تے بیان داسپہن وی دتا اے تے نوکلے احساس نال وی سجایا تے شنگاریا اے۔ امجد شریف دی غزل اپنے عہد دی ترجمان اے۔

یاد آیا اے میرے گھر وچ آٹا نہیں
میںوں چھیتی کھیڈ مکانی پے گئی اے (16)

محمد دین فانی ہوراں دے کلام وچ انسانی مسئلیاں بارے بڑے سوہنے وچار رچے ہوئے نیں۔ فانی ہوریں سماجی، معاشی تے معاشرتی مسئلیاں نوں بڑی ڈونگھی نظر نال ویکھدے نیں:

اس وتی دے لوک نہیں سن دے کوک پکار کسے دی
اس مقتل وچ ہر کسے دا تے تلوار کسے دی (17)

یعقوب مومن دی شاعری روایتی اسلوب دی شاعری اے پر اوہ مسائل تے اوہدے ادراک بارے پوری جان کاری رکھدا اے تے شاعری دی تہہ وچ اوہدے احساسات موجود نظر آوندے نیں:

چانن وانگوں چار پنھیرے دکھاں کھنڈ کھلارے
آکھو موسیٰ طور تے کھڑے کے ارنی فیر پکارے (18)

حسین شاہد ہوراں دی پنجابی شاعری دا مجموعہ ”عشق تے روٹی“ دے ناں نال شائع ہو چکیا اے۔ غلام مصطفیٰ اسلم ہوریں حسین شاہد ہوراں بارے گل کردے ہوئے آکھدے نیں:

”حسین شاہد ہوراں دا عشق قلم تے دوات نال سوچ تے اکھر نال ہرنگاں سولی تے چمن نال اے۔ بدلیں وچ رہ کے وی اوہ اپنی رہتل، تہذیب تے وسیب دے طور طریقیاں نوں نہیں پلے سگوں ایس دوری نے اپنی تہذیب نال عشق کرن تے مجبور کر دتا“۔ (19)

سپاں ہتھ خزانے آؤن چوراں ہتھ نیاں
بھکھی مرے خدائی استھے ویہندا رہوے خدا (20)

اکبر حمیدی نے علامہ یعقوب انور ہوراں دی تحریک تے پنجابی وچ لکھنا شروع کیتا۔ اوہناں نے غزل تے نظم ہر دو اصناف وچ لکھیا کیوں جے اردو دے وچ اوہناں دا قلم رواں سی ایس لئی جدوں اوہ پنجابی ول پرتے تے آغاز وچ ای اوہناں نے جیہڑا ادب رچیا اوہدے وچ

فن تے خیال دی پختگی پیدا ہو چکی سی۔ اوہناں دے خیالاں دا گھوڑا کیویں دوڑ دا اے اندازہ کرو:

کھوتا گھوڑا اِکو جویں مرضی بکو
اسیں وکھرے وکھرے ظالم سارے اِکو (21)

ڈاکٹر عادل صدیقی ہوراں دیاں غزلاں وچ جیندے جاگدے انساناں دے رویے اوہناں دے اندر پائی جان والی نفرت، فریب کاری، کھچر اپن تے جھوٹھ سبھ دا ذکر ملدا اے۔ ایس دھرتی تے دوسریاں دے دکھ درد، نیشیاں، غمیاں وچ شامل ہون والی ساڈی پُرانی سچھی ریت نوں چھڈ کے انسان نے اپنے اُتے خود غرضی تے منافقت دا خول چڑھالیا اے۔ دوسریاں دی مجبوری تے پریشانی توں فیدہ چکنا عام ہو گیا اے۔ کوئی کسے دے دکھ درد دا اپاء نہیں کردا سگوں دوسریاں دیاں مشکلاں تے اوکڑاں اندر اضافہ کردا اے۔ اوہ سانوں ایس طرح دے منفی رویاں دے مالک انساناں دی پہچان کراندے نیں:

میرے درداں دا کوئی نہیں جانو
یار ہمدرد میرے اکثر نیں
جھوٹھ، نفرت، فریب، مکاری
اِکو بندے سبھ چلتر نیں
ایہہ دے پہچان کھچرے لوکاں دی
موم اتوں تے وچوں پتھر نیں (22)

علی محمد ملوک ہوراں دیاں غزلاں وچ سماج دے جیندے جاگدے کرداراں دیاں گلاں نیں۔ اوہناں دے رویے اوہناں دیاں تکلیفاں خود غرضیاں، ساجھیاں، رشتیاں، نیشیاں، سکھاں، دکھاں، سدھراں، خواہشاں، ریت رواجیاں ہر رشتے نوں موضوع بنایا گیا اے۔ ہر رویے نوں دکھ رکھ کے اوہدے اُتے چائن پایا گیا اے۔ ملوک ہوراں اوہناں گلاں نوں بڑے فنکارانہ انداز وچ پیش کیتا اے۔

اُس بنگلے دے متھے اُتے ساڈا کتے وی ناں نہیں آیا
ساری عمراں جس بنگلے دا گارا اٹاں ڈھوندے رہے آں (23)

ساڈی پنجابی غزل اندر معاشرے دیاں منفی قدراں تے بھرویں تنقید موجود اے سماج اندر لوکاں دے منفی رویے تے اوہناں نال ہون والا سماجی گھانا شاعراں ادیبیاں دے حساس

ذہناں تے بڑا محسوس کیتا اے تے اوہدی ننڈیا کیتی اے علی محمد ملوک ہوراں دیاں غزلاں اندر ایہہ چیز بڑی اگھڑویں اے اوہ آکھدے نیں:

گھر گھر کنے بین پواڑے دھرتی تے
میں لیکاں کس کس دے ہاڑے دھرتی تے
زرداراں نے چن تے پینگھاں پالینیاں
رہ گئے میرے ورگے ماڑے دھرتی تے
منصف جے کر دلوں بجانوں عدل کرے
بندہ کسے دا لکھ نہ ساڑے دھرتی تے (24)

نور ملک دا نظماں غزلاں دا مجموعہ ”ریتلے پینڈے“ پنجابی شاعری دی اک اجہی لکھت اے جہدے وچ تھان تھان تے عمرانی شعور جھلکارے ماردا اے۔
اجو کے زمانے دے تضادات تے مسئلیاں نوں جس باریکی دے نال چھویا گیا اے۔
نور ملک ہوراں دا اک اچھوتا کارنامہ اے۔ اوہ آکھدے نیں:

اندر اندر کاہنوں پلے دکھاں دی پنڈ چا کے چلیے
دیسوں ہو کے نت پردیس سدھراں نال وچھوڑے جھلیے
پی پی موہرے ڈنگ لنگھائیے ریت وجود نوں مڑ مڑ ٹھلیے (25)

اختر اک باشعور فنکاری پر سوچ وچار دے رجحان نے اوہناں دے علمی، ادبی تے اجتماعی مسئلیاں نوں ڈونگھیا ئی نال جھن دی صلاحیت نکھاردتی ہوئی سی۔

اوہناں دی شاعری وچ اسیں حیاتی دے بہت سارے مسئلیاں نوں غزل دا موضوع بن دیاں وکھ سکے آں۔ ایہدے وچ اک عام مزدوردی تلخ زندگی نوں وی موضوع بنایا گیا اے۔
تے رومانی جذبیاں دی گل وی کیتی گئی اے۔ غلامی دیاں زنجیراں توں آزاد ہون دی تحریک وی دتی گئی اے۔ تے سماجی اصلاح ول وی توجہ دلائی گئی اے۔

میں ساں دل دا سادہ مرادہ دھوکھے دتے مہکاں نے
پھلاں پچھے لکھیاں کنڈیاں ہتھوں ہتھ پچھوایا اے (26)

شوکار بٹالوی پنجابی زبان دا اک وڈا شاعر اے پروڈھی شاعری دے موضع بارے یاں روپ بارے کدے کوئی کچی تختھی گل نیں جاسکدی۔ اوہناں دی غزل دا شعر ویکھو:

جاچ مینوں آگئی غم کھان دی
 ہولی ہولی رو کے جی پرچان دی
 نہ کرو شو دی اُداسی دا علاج
 رون دی مرضی ہے اج بے ایمان دی (27)

نذیر چودھری، ہوریں فطرتاً شاعر طبع نیں۔ کالے شاہ ہنیرے مکان واسطے شاعری داراہ
 اپنایا اوہدیاں غزلاں تجریاں تے مشاہدیاں دیاں جیوندیاں جاگدیاں تصویریاں نیں:

آپس دے وچ خلق محبت، پیار ودھاؤ سجنو
 صلح صفائی نال ہمیشہ گل مکاؤ سجنو (28)

چپ دے موسم، دا شاعر طفیل خلش اپنے وسیب توں چنگی طرح جانو اے نہ صرف اپنے
 وسیب نوں پچھان دا بلکہ آل دوالے دا شعور وی رکھدا اے تے اپنے ارد گرد چلن والیاں کالیاں
 ہنیریاں دا احساس وی رکھدا اے، ایہو پچھان، شعور تے احساس جدوں شعراں اندر ڈھلدا اے
 تے، دکھ درد، کرب تے اُداسی دی آواز بن جاندا اے

ایہہ دور بدلے ایہہ تخت بدلے ایہہ تاج بدلے
 کوئی تے آوے جو ایس ہنیرے دا راج بدلے
 اساں نوں آوندے جاندے موسم وی کرب دتے
 ایہہ سوچئے کجج موسماں دا مزاج بدلے (29)

ساڈے پنجابی شاعراں دے بھنڈار وچوں اجیے فنکار جیہناں نے زیادہ اصناف سخن وچ
 طبع آزمائی کیتی روف شیخ جی دا وی اوہناں خوش بختاں وچ شمار ہوندا اے۔ اوہناں جیہڑے خیال
 نوں وی اپنے اظہار واسطے چنیا اوہدے نال انصاف کیتا اتھے اوہناں دی غزل دا ایہہ ٹکڑا ملاحظہ
 کرو کہ اوہناں نے انسانی تھڑاں نوں کس ول چچ دے نال بیان کیتا اے:

اوہدی شوبھا ہیریاں ورگی اوہدا بھرم انمول
 اوہدے ورگا دوجا کوئی نہیں اپنا گھر جس کول
 اپنے گھر دے ہوندیاں کوئی وی ہوندا نہیں محتاج
 اپنا گھر سکھاں دا گہنا عزت نفع و ہاج
 اپنا گھر آساں دی جنت جس وچ پیار دا راج

لوک رؤف نون شاعر آکھن اوہ ویلے دی واج (30)

انور ملک دی جیون چکی چون انسانی رشتیاں دی کتھا ویکھنے آں پئی اوہناں کنے سوہنے
تے نویکلے ڈھنگ نال ایہناں گلاں نون بیان کیتا اے جیہڑیاں ساڈے معاشرے وچ پنگر یاں
نیں تے جیہناں نون اسیں اپناکے آپ ای دکھی ہو گئے آں۔

دنیا دے وچ سچا رشتہ ہے سی بھین بھراواں دا

اوہنوں جھوٹھا کر چھڈیا ہن ورثے ملیاں تھاداں نے (31)

ساتی گجراتی دی غزل وچ چناب دی روانی وی موجود اے تے فکری فنی ڈونگھیاں وی۔
کچھ شعراں دی وگی ویکھنے آں جہدے وچ ساتی گجراتی ہوراں معاشرے دی دورخی دی تصویر
بڑے سوہنے ڈھنگ نال دکھائی اے:

دو رنگے لوکاں دے وارے وارے جاواں

ساتی کتھے لاون، دین ودھائی کتھے (32)

زاہد ہادی شاعری وچ ذات تے صفات دے ایہہ سوہنے من موہنے جھلکارے ویکھنے آں:

کون آیا اے مقتل دے وچ جہدے استقبال لئی

خوشیاں دے نال ہوروی چمکن لگ پئے مونہہ تلواراں دے (33)

پنجابی دے سرائیکی لہجے دے شاعر ممتاز حیدر ڈاہر نہیں۔ ایس نویکلے فنکار دے جدید اسلوب نال
پرچے کچھ شعر ویکھو:

ہوا دے رستے تے دیوار نہ اساری کر

توں کاغذیں تے روندی شکل نہ اتاری کر

میں اپنے تن تے اسردا صلیب نہیں بچ گیاں

میڈی سزا دا پیا حکم کوئی جاری کر (34)

رمضان شاکر ہوریں دیس پنجاب تے پورے ملک وچ ہون والیاں بے انصافیاں،
کمیاں پیشیاں، مالی تے معاشی، اقتصادی دھرو کرن والیاں دی گل کردے نیں۔ انسانی خود غرضی
دھاندلی آپا دھاپی، لٹ کھسٹ، بے رحمی تے ہور سماجی برائیاں بارے اپنے خیالات دا اظہار
کردے نیں۔ آئے دن ملک تے مارشل لاء دے پیرے لگ جانداں نیں تے شاعر دا درد مند
احساس ایس حوالے نال آکھدا اے:

میرے گھر دا قصہ میتھوں نہ بچھو تے چنگا اے
 اوہو گھر دا ویری ہو یا جنہوں وی رکھوالا رکھیا (35)
 بشریٰ اعجاز دیاں نظماں تے غزلاں وچ فکر تے فلسفے دا ملاپ وی بڑے چجھویں انداز
 نال ہو یا ایہناں دے شعراں وچ سادگی تے موسیقیت پائی جاندی اے تے اکھراں دی ورتوں دا
 وی خیال رکھیا گیا اے:

ننگے پنڈے بھکھ تے فاتے
 وستی وچ آئے سنائے (36)

کوثر صدیقی ہوراں دی اڈیک ساڈی معاشرتی حیاتی دی سرشت اے۔ خبر نہیں اے
 کوئی صفت اے یا کوئی دکھ دی گل، حیاتی نوں گزارن دا کوئی طریقہ اے یا کیہ اے؟ کوثر صدیقی
 دی شاعری معاشرتی بے اطمینانی تے بے چینی دی شاعری اے اوہناں دی شاعری بارے اک
 اگھے سوجھوان، شفقت تنویر مرزا ہوراں دے خیالات کجھ انج نہیں:

”کوثر صدیقی دا ایہہ مجموعہ وی اپنے اصلے، اپنے خونِ خمیر، اچھائی تے اپنے
 ادبی ورثے ول پرتن دا اک اچھیا مہاڑ اے تے ساڈے جے ان پڑھاں
 واسطے ایہہ کوئی کئی گل نہیں۔“ (37)

استھے ونگی لئی اوہناں دی غزل دے شعر ملاحظہ کرو:

دُھپاں دے وچ پینڈے کرنا لیکھ ساڈے وچ لکھیا
 دل جھلا ریتاں دے وچ وی ٹھنڈا چشمہ تاڑے
 نکے نکے بالوں پرچاون لئی ماں، جھوٹی
 کدی کدی تے چلھے اتے خالی ہانڈی چاڑھے (38)

پروفیسر عارف عبدالمتمین ساڈی پنجابی شاعری دا اک انتہائی معتبر حوالہ اے۔ ذہنی انتشار،
 آپادھاپی، مفاد پرستی، ابن الوقتی تے خود غرضی نے انساناں دے ایس جنگل وچ بندے نوں کلا کر
 دتا اے۔ عارف عبدالمتمین ہوراں دیاں نظماں دے معاشرے ٹٹ بھج تے اکلاپے دے مارے
 بندیاں دیاں کہانیاں نہیں۔ عارف عبدالمتمین ہوریں اک سچے، دیانتدار تے پیار کرن والے شاعر
 نہیں۔ اوہناں دے شعری مجموعہ ”اکلاپے دا مسافر“ دیاں چوکھیاں نظماں انج دے انسان دی
 بے بسی، اوہدے اکلاپے دا منظر پیش کر دیاں نہیں تے ایہہ احساس تنہائی، سماجی رویاں دے رد عمل

دے طور تے شعراں وچ ڈھل جاندی اے جدوں اک بندہ کسے دو جے بندے دی گل تے کن نہیں دھردا تے اوہ مایوسی دا شکار ہو جاندا اے۔ عارف ہوراں دے کلام وچ تنہائی دے پرچھاویں تے موجود نہیں پر اوہ مایوسی دا شکار نہیں ہوندے تے فیراوہ ایہہ آکھ اٹھدے نیں:

جھوٹے بول نہ بولے، دتے ہیرے موتی چھڈ

پتھر کھادے فیروہی کڈھی مونہوں سچی گل (39)

اپنے سماج دی ناہمواری تے کسمپرسی تے بے چارگی نوں ویکھ کے اوہناں دا دم گھٹن محسوس کردا اے تے ایہہ خیال اوہناں نوں اس قدر پریشان کن حد تے لے جاندا اے کہ اوہ ایہہ آکھن تے مجبور ہو جاندا اے:

میں اوہ ہستی کدے نہیں دیکھی عارف رسدی وسدی

جس وچ چیزاں مہنگیاں ہوں، بندے ہوں سستے (40)

ساڈا اپنا عہد خیر تے شر دیاں قدریاں دے بحران دا عہد اے۔ ایہناں قدریاں دیاں نمائندہ طاقتاں دی آپو وچ کچھ تان حیاتی تے موت دا بڑا دل ہلا دین والا منظر پیش کردی اے۔ دھرتی دے چار چوہیرے نظراں گھمائیے تے سانوں تھیں تھیں انسان ایس خونی معرکے وچ رُجھے ہوئے دکھائی دیندے نیں۔ ایہہ ٹھیک اے پئی مجموعی صورتحال خیر دیاں قدریاں دے حق وچ نظر آوندی اے پر فیصلے دی گھڑی حالی نہیں پئی۔ بحرانی کیفیت ایس دور دی اٹل حقیقت اے تے ایس نمائندگی دا فخر ساڈے دور دے بہت گھٹ فنکاراں نوں حاصل اے تے پونس احقر ایہناں گنتی دے فنکاراں وچ سرفہرست نیں۔ ساڈی معاشرتی قدریاں دی ٹٹ بھج نوں شاعر کنج محسوس کردا اے، اوہدا اپنا اک نویکلا انداز ویکھو:

کل جس سر دے بنوں اتے بھانڈے سن تن چار

اج اوہ سر سہار نہیں سکدا گٹھ چُٹی دا بھار (41)

سادھاں ہتھوں کھیسے خالی ہو جاندا نیں راہیاں دے

مفت دیاں رسوائیاں دے لئی چوراں رستے ملے نیں (42)

جوگی جہلمی انسان دوستی دا ایہہ جھنڈا چک جیہڑا شاعری دی دنیا وچ تخلص تے جوگی کردا ای اے پر اوہدی شاعری پڑھیاں لگدا اے کہ ایہنے کسے کولوں واقعی جوگی وی لئی اے۔ اوہدے

ای بل بوتے تے لوکاں وچکار پیار محبت تے رواداری دے تیج بورہیا اے:

انیر سانجھا دھرتی سانجھی سانجھے نیں ایہہ سارے لوک

کیوں نہیں گل گل کڑی پاندے کیڈے نے مت مارے لوک (43)

سید لیسین قدرت ہوراں غزلاں دا مجموعہ دکھاں درداں نال بھری ہوئی ون سونے پھلاں دی اک
پرات اے بے درد زمانے دے ہتھوں ستائے ہوئے انسان دی تے معاشرے دی داستان اے:

رہ گیا جد اسماناں تے ٹاواں ٹاواں تارا

اس ویلے تک جاگ رہیا ساں میں درداں دا مارا

سبز گھڑی دی آس تے کاہنوں دل شاداب بنایئے

ظلم دے زہری ناگ تے جد تک چل سکے نہ چارا

کون ہووے اس شہر وچ جیہڑا واء دکھاں دی ڈکے

گل دے موڑ تے کل بیٹھاسی سوچدا اک دکھیا را (44)

”کنڈیالے پینڈے“ رمضان شاکر دیاں غزلاں دا مجموعہ اے۔ ایہناں غزلاں وچ جتھے عشق تے
پیار دا سداملدا اے اوہدے نال نال دیس دے وچ ہون والیاں اقتصادی، مالی، عدالتی تے
سیاسی کمیاں پیشیاں نوں سامنے لیاندا گیا اے۔ اوہ کدھرے کدھرے بے ساختہ ایہناں برائیاں دی
نشاندہی کردیاں ہویاں انسانی خود غرضی، آپو دھاپی، بے رحمی تے ہور سماجی برائیاں بارے وی
اپنے جذبات دا اظہار کردے نیں۔ ایہہ شعر دیکھو:

دنیا ہور دی ہور سجن ٹھگ تے منصف چور

بٹ بٹ دیکھن پئے مسکین لٹن والے پاون شور

ڈاڈھے موجاں مانن ماڑے دا نہ چلے زور (45)

شوکت علی قمر ہوراں نے اپنے شعری سفر دا آغاز ”رب دا جانی“ نعتیہ مجموعے توں کیتا۔

چنگے کم توں شروع ہون تے ستے خیراں ہوندیاں نیں۔ ایہو وجہ اے کہ اوہناں نے ڈھیر سارا
شعری ورثہ پنجابی دی جھولی وچ پایا اے اوہناں دا بھرواں حوالہ بھاویں نعت دا بن دا اے پر نظم

تے غزل وچ وی اوہناں نے ودھیرا حصہ پایا اے:

جھوٹھے جگ دے جھوٹھے بندے، جھوٹھے بانے پاندے نیں

انساناں نوں لٹن والے ”وڈے“ لوک کہاندے نیں

میرے دیس دیو شدادو، قارونو تے فرعونو
 لکھاں بندے جبر تے بھکھ دے ہتھوں پئے کرلانڈے نیں
 ایہناں نوں کیہ کچیاں کوٹھیاں تے دکھی انساناں نال
 کاراں دے وچ دھوڑ اڈاندے کولوں دی لنگھ جانڈے نیں (46)

منزلاں، یاداں تے لمیاں اڈاریاں دے شاعر رشید انور اک حقیقت پسند شاعر نیں۔
 حیاتی نوں اوہناں نیڑے ہر تکیا اُنجے دا اُنجے لوکاں سامنے پیش کردتا۔ اپنے سامنے دیاں حقیقتاں
 توں اکھاں نہیں چڑایاں سماج وچ بے حسّی افراتفری تے نفسا نفسی دے نال طبقاتی اونچ نیچ تے
 سماجی بے انصافی نوں اپنی شاعری دا موضوع بنایا اوہ اپنے اسلوب دے اک نمائندہ شاعر نیں:

دھوکھے کھانے ایس دی فطرت ہس کے ایہہ دکھ سہندا
 ایس دی قیمت لکھ کروڑاں رب ایہدے وچ رہندا (47)

کیہ دساں میں کیہڑی گلوں جتی بازی ہار گیا
 جیہوں جیہوں منصف پایا اوہو مینوں چار گیا (48)

ماجد صدیقی اوس نسل نال تعلق رکھدے نیں جیہڑی قیام پاکستان توں دس پندرہ ورھے
 بعد جوان ہوئی اوس نسل دے کجھ ارمان سن کجھ سدھراں سن وطن دی محبت تے اوہدے پیار دے
 ڈوہنگے احساس دلاں تے ذہناں وچ بھرے ہوئے سن پر جدوں پاکستان اندر سیاسی، معاشی تے
 سماجی بے انصافیاں تے بد حالیاں تے افراتفریاں شروع ہو گئیاں تے ایہہ نسل ناراض ہو گئی۔
 ایسے دکھ تے کرب دا اظہار ماجد دی شاعری وچ لکھدا اے:

دکھ دی رات پہاڑ جیہی اوہدی تاہنگھ اجاڑ جیہی
 گری سی کجھ ہاڑ جیہی جو کونہ دی بھالیا

اٹھ اٹھ چیکاں ماریاں رو رو منگے دکھ
 آپی آپ چبا لئے پھلاں ورگے سکھ (49)

عبداللہ شاکر ہوراں دی کتاب دا سرناواں ای دس پارہیا اے کہ عبداللہ شاکر اپنی
 شاعری راہیں قوم نوں انقلاب دا سدا دینا چاہندے نیں اوہناں دے نیڑے اسلامی قدرں دی

پالنساری وچ ملک وملت دے لئی سو مند اے دو جے نمبر تے اوہ عملی طور تے انقلاب لیانا چاہندے نیں۔ شاعر نے بڑے دو ٹوک تے کھرے لہجے وچ اپنی شاعری وچ انقلاب دا سندھیہ دتا اے۔ اوہناں دے شعری نمونے ویکھو:

جتھے وی قدم ٹکایا اے رشوت دی پیندی جلی اے
 ہر وڈے چھوٹے افسر دی رشوت نے کرسی ملی اے
 رشوت دا شاہ جد چڑھدا اے پھر پے جاندی تھر تھلی اے
 اک فوج توں اوہ کم ہوندا نہیں جو رشوت کردی کٹی اے

میں اتانہ تے پیٹھاں کیہ ویکھاں؟ اُتلے وی لگے تھلے نیں
 اوہ تھلے کھلے مارن پئے پر اُتوں کھاندے کھلے نیں (50)
 ہاجرہ مشکور ہوراں دی شاعری وچ مطالعے توں زیادہ مشاہدے دا ہتھ نظر آوندا اے۔
 اوہناں دی شاعری وچ سنگیاں نالوں وچھڑ جان دا غم وی نظر آندا اے تے گھر دے سماجی مسئلیاں
 نوں وی چھوہیا اے:

میں دکھاں والی کیہ بولاں میں درداں ماری کیہ آکھاں
 تقدیر نے ہنھیا ہویا اے وچ قید و چاری کیہ آکھاں (51)

منشی لطیف گجراتی دُکھیارے انساناں دے زخماں دا اپنی شاعری دے ذریعے علاج
 کردا اے۔ اوہناں دی شاعری وچ قدیم تے جدید دونوں رنگ نظر آوندے نیں، انج لگدا اے
 اوہناں دا علم تے مشاہدہ اینا زیادہ سی کہ اوہناں نے معاشرے دے تمام طبقیات دا اپنی شاعری
 راہیں احاطہ کیتا اے:

لکھ لعنت اس زرداری نوں رنج رہن جے دل غریباں دے
 ایہو جیہے ویلے دنیا تے کد ملدے نال نصیباں دے

شادی غمی دے رسم و رواج بھیڑے سارا لٹ گئے نے مال تیرا
 وڈوں ہوئے شریکاں دے وچ میری رہوے ایس دے ول خیال تیرا
 واہ واہ لین لئی اک برادری دی قرضے بن لیا اے وال وال تیرا

ایہہ وڈیاں تیریاں غفلتاں نے ایہہ تیریاں سخت نادانیاں نے
 ایس اک جھٹ دی واہ واہ پچھے عمر بھر ٹھوکر اں کھانیاں نے (52)
 ”تجی اکھ داسفنا“ تے تریل داسیک دے لکھاری بیراجی ساڈی پنجابی شاعری وچ اک
 انملا وادھانیں غزلاں لکھدے نیں تے اپنیاں غزلاں وچ معاشرے دے سمھناں پکھاں تے نظر
 رکھدے نیں:

تھوڑ دے کم ہمتے راہ وچ تھک جاندے
 دھپاں دھوڑاں جر کے میوے پک جاندے
 اک دوہے توں پہلاں اوہلے رکھدے نیں
 اک دوہے کول اوڑک سب کچھ بک جاندے (53)

خوشی محمد ثار، ہوریں غزل دے شاعر نیں اوہناں دیاں غزلاں وچ معاشرتی روگاں دی
 بڑی باریک بینی نال نشاندہی کیتی گئی اے۔ بے جا خواہشاں تے سدھراں دی سولی ٹنگے غرضاں
 دے مارے لوکاں نوں بے نقاب کیتا گیا اے:

توں جھلاتے کملا کرناں گلاں جس کردار دیاں
 رزق حرام مُکا چھڈیاں سبھ نسلاں اوس معیار دیاں
 پتج کے موجاں مانی جاندے ویلے دے شیطان بڑے
 ہر سچے تے ستھرے دل تے کردا ظلم جہان بڑے

غرضاں لیرو لیر چا کیتی پگڑی انکھ تے غیرت والی
 سرتوں لاہ کے سٹ بیٹھے آں فیراوہ پگ بھوئے کون (54)

ظہور حسین ظہور ہوراں دا شعری مقام بڑا اچا ہے اوہناں نے پنجابی ادب باغ وچ
 تھوڑے چروچ بہت زیادہ پھل کھڑائے نیں تے اوہناں دی خوشبوواں دے ہلے لوکاں تک پہنچ
 رہے نیں اوہناں دے ایہہ شعر دیکھو:

لیکھاں دیاں دھپاں کدے چھاواں لٹ لیا اے
 تلیاں نوں سولاں والے راہواں لٹ لیا اے
 غیراں اُتے کاہدا گلہ غیر فیر غیر نیں

اتھے تاں بھراواں نوں بھراواں لٹ لیا اے
 اس دنیا تے اپنے بندے نیں موئے حیواناں ہتھوں
 جنا اتھے انساناں دا لہو وگیا انساناں ہتھوں (55)
 محمد حنیف حنفی ہوراں نوں زبان و بیان تے خاصا عبور حاصل اے جذبہ بے لوث،
 سچا تے پاک اے اوہناں دی اکھ زمانے دے کوچاں تے تکھی نظر رکھدی ہے اوہناں دے شعر
 دیکھو:

دردی دل دریا تھیں بہوں ڈوہنگھا، بناں درد منداں جانے ہور کیہڑا
 بنیا ہر کوئی اتھے شاہد پھیردا ”چور شاہد توں چکھدا چور کیہڑا“
 جس مور چکور نوں ویکھیا نیں اوس خبر کیہہ مور چکور کیہڑا
 حنفی پتہ کرتوتاں تھیں چل جاندا بازکاں کیہڑا بھونڈا بھور کیہڑا (56)
 ”مشتاق چغتائی دے کول اخلاقی شعور دا بڑا بھرواں اظہار ملدا اے۔ قیام پاکستان
 دے ویلے قوم نے بے پناہ قربانیاں دتیاں پر جدوں پاکستان بن گیا تے ایہہ حال دن بدن وگڑدا
 گیا ایس کمی نوں ہر کوئی محسوس کردا اے پر شاعر کیوں جے زیادہ حساس ہوندا اے اوہ کنج محسوس
 کردا اے تسیں دیکھو:

جد دی سانوں آزادی لہھی چین نہ رہیا باقی
 سکھ دے جیہڑے سنہڑے دیندے کتھے نیں اوہ ساتھی
 پیراں تھلے عزت رولے آزادی دا ایہہ ہاتھی
 اسیراں وانگوں حال اے ساڈا پھڑکے کیہ ہن پھاتھی
 چار چوفیرے ویری نیں تے کھی ایہہ اک جان ایں
 ایہہ ہور پاکستان اے کہ اوہو پاکستان اے
 جیہدے پچھے مر گیا کوئی لکھاں مسلمان اے (57)
 ”گلشن صدیق“ تے نین تریلے دے شاعر چودھری محمد صدیق نے اپنی شاعری وچ
 مختلف رنگاں دے پھل کھڑائے نیں۔ اوہناں دی شاعری پڑھ کے بندے لئی عملی طور تے زندہ
 رہن دی چنگی مت لہدی اے۔ کجھ شعر نمونے دے دیکھو:

گلہ نہ کرے کسے دے اُتے پت اپنی ہے لہندی

ککڑی ماڑی اپنی انڈے گھر دو بے دے دیندی
 بھیڑی رن دی شادی کولوں رہن کوارا چنگا
 بُری اولاد دے ہونے کولوں اولاد خسارہ چنگا
 اوکھے ویلے کم جو آوے یار ہوندا اوہ چنگا
 جان جائے پر آن نہ جائے اقرار ہوندا اوہو چنگا (58)

پنجابی غزل دے امام مرحوم پیر فضل حسین گجراتی ہوراں نے انور مسعود ہوراں نوں اک
 مہان شاعر داسرٹیفکیٹ اپنے چند شعراں راہیں پیش کیتا۔ انور مسعود ہوراں نے اوہناں شعراں
 نوں تبرک دے طور تے اپنی کتاب ”میلہ اکھیاں دا“ دے آغاز وچ رکھیا اے۔ کیوں جے پیر
 ہوریں اک وڈے شاعر تے وڈے انسان وی سن۔ خورے کیہ گل اے کہ اوہناں نال اک روحانی
 جہی عقیدت تے وابستگی ہمیشہ محسوس ہوندی اے۔ پیر ہوراں دے سند دے طور تے لکھے ہوئے
 شعراں وچوں اک شعرتوں اسیں اپنی البس بحث دا آغاز کراں گے۔

کھولن واسطے اکھ معاشرے دی سوہنے لکھدا شعر اشعار انور
 رنگ طنز مزاح دا چاڑھ کے تے جانداے چو بھٹھے مٹھے مٹھے خار انور (59)

انور مسعود ہوراں نے غزلاں وی لکھیاں تے نظماں وی۔ عرف عام وچ تے ایہہ ای
 آکھیا جائے گا پر حقیقت وچ گل کجھ انج محسوس ہوندی اے کہ اوہناں نے شاید ایہہ سارا کجھ قصداً
 نہیں کیتا اوہناں کولوں ایہہ کروایا گیا اے:

ہووے پئی تقصیر کسے دی، دُکھ پیا کوئی جردائے
 بھل چُک ہوندی اکھیاں کولوں، دل جُرمانے بھردائے
 چین کسے تھاں لین نہ دیوے چنگا چیتر چڑھیائے
 دُھپے چنگاں مارن لگدائے چھانویں جتہ ٹھردائے
 ملک عدم توں ننگے پنڈے آؤندائے ایس جہانے
 بندہ اک کفن دی خاطر کتا پینڈا کردائے
 خبر کوئی اخباراں وچ نہیں اُس دے بارے دیکھی
 نہیں معلوم گوانڈھی میرا جیوندائے یا مردائے
 منیاں میں اخلاص جیہی ہُن سستی چیز نہ کوئی

شاماں تیک میں اپنا سایہ اپنے نال دھریکاں⁽⁶⁰⁾

ایہناں سارے شاعراں دی غزل وچ سانوں اجتماعی طور تے انسانی رویاں دے اوہ روپ رنگ ملدے نیں جیہڑے ساڈے سماجی ورتا دی دس پاندے نیں۔ ساڈی پنجابی غزل وچ معاشی، سیاسی، اخلاقی تے تہذیبی رویاں تے مسئلیاں دی نشاندہی بڑے ای نویکلے ڈھنگ نال کیتی گئی اے۔ ساڈے وسیب دے اعصاب توڑ مسئلیاں نوں شاعراں اپنی راہیں جذباتی انداز وچ لوکائی تک پہنچایا اے تے ایہہ متاثر کن گلاں ایسے لئی ای اپنے وجود نوں تسلیم کران وچ کامیاب ہوئیاں نیں پئی ایہہ لوکائی دی اپنی ای گل سی۔ معاشرے دا کمزور طبقہ معصوم چڑیاں وانگ اے جیہناں تے ایٹھوں دا جاگیر دارانہ تے سرمایہ دارانہ سماج کالے کاواں وانگوں جھپٹد اتے اوہناں دا استحصال کردا دکھالی دیندا اے۔ پنجابی غزل دا لہجہ بڑا توانا اے۔ ایہدے وچ جذبیاں دی سچائی، احساس دی شدت، اظہار دی تازگی ایہہ سارے ورتارے بڑے ای نویکلے رنگ وچ سامنے آندے نیں۔ ساڈی اج دی غزل اپنے عہد تے ساڈی ذات دے آشوب دی نمائندگی کردی اے ایہدے وچ سانوں ساڈی سماجی، ادبی تے سیاسی تاریخ مرتب ہوئی ملدی اے۔ پنجاب دے پنج دریاواں دی فضا وچوں رچی ہوئی ساڈی پنجابی غزل جبر دی ہر طاقت دے خلاف مزاحمت کردی نظر آندی اے۔ ایہہ مزاحمتی رویہ سانوں سارے شاعراں وچ ملدا اے کتے ایہہ دیا دیا اے پر کتے ایہہ بڑا کھل کھلا کے سامنے آندا اے۔ غزل حالانکہ ایس کھلی گل دی متحمل نہیں ہو سکدی کیوں جے غزل دا اپنا آہنگ اے اوہ غزل ای رتی چاہیدی اے نعرہ نہیں بننی چاہیدی پر غزل گو شاعراں اپنی ریاضت تے اپنے پختہ شعور پاروں ایہدے وچ اوہ گلاں وی کردتیاں نیں جیہڑیاں سانوں عموماً نظم وچ دکھالی دیندیاں نیں یا نظم ای اوہناں دی متحمل ہو سکدی اے پر ایس ویکھنے آں کہ غزل دے کئی شعرا اپنے اندر اپنی ڈونگھیاں رکھدے نیں پئی اوہ گل پوری نظم لکھ کے وی شاعر بیان کرن وچ کامیاب نہیں ہوئے جیہڑے غزل دے شاعر نے اک شعر وچ اوہدے نال چوکھی طاقت نال کردتی اے۔ اج دی غزل سچ دی ریت نوں لے کے ٹردی رہی اے۔ ایہدے وچ اک امید، اک روشنی، ہمت، اُدم تے جذبیاں دی واشتا ملدی اے۔ ایہدے وچ سوچاں دی امنگ وی اے تے سماجی شعور دے جھلکارے وی ملدے نیں۔

حوالے

- 1- اسلم رانا: نوک پلک؛ ضیائے ادب، لاہور، 1981ء ص 25
- 2- سلام سندیلوی، ڈاکٹر: ادب کا تنقیدی مطالعہ؛ میری لائبریری، لاہور، 1964ء ص 58
- 3- پیر فضل گجراتی: ڈونگھے پینڈے؛ عزیز بک ڈپو، لاہور، س ن، ص 36، 51، 79
- 4- فقیر محمد فقیر، ڈاکٹر: پائے گلے؛ مجلس فکر و نظر، گوجرانوالہ، 1968ء ص 46
- 5- عبدالمجید بھٹی: اک تارا؛ آئینہ ادب، لاہور، س ن، ص 31
- 6- غلام یعقوب انور: جن دی کھاری؛ بزم وفا، گوجرانولہ، 1975ء ص 25
- 7- عبداللہ یاسین: اوہلا؛ پنچند اکیڈمی، لاہور، 1989ء ص 36
- 8- منظور وزیر آبادی: ویلے ہتھ نیاں؛ پنجاب رنگ، لاہور، 1978ء ص 77
- 9- امین اقبال: سولائ سرسرداری؛ پنجابی ادب، گوجرانولہ، 1999ء ص 112
- 10- تنویر بخاری: بچھی عشق دی آگ نوں واگی؛ ادارہ پنجابی لکھاریاں شاہدرہ، لاہور، 1985ء ص 92
- 11- غلام مصطفیٰ بسمل: بیلا پیڑاں دا؛ پنچند اکیڈمی، لاہور، 1980ء ص 62
- 12- بشیر عابد: چیتڑ ہولی؛ مصباح ادب اکیڈمی، گوجرانولہ، 2000ء ص 24
- 13- محمد اقبال نجمی: تن وستی وچ درد بلاواں؛ فروغ ادب اکادمی، گوجرانولہ، 1984ء ص 17
- 14- محمد اقبال نجمی: تن وستی وچ درد بلاواں؛ ص 18
- 15- امجد حمید حسن: گواچے سفنے؛ فروغ ادب اکادمی، گوجرانولہ، 1987ء ص 74
- 16- امجد شریف: ہوکے بھر دیاں سدھراں؛ فروغ ادب اکادمی، گوجرانولہ، س ن، ص 18
- 17- محمد دین فانی: چنگ چواتی؛ فانی سنٹر، گوجرانولہ، 1986ء ص 47
- 18- یعقوب مومن: گجھیاں پیڑاں؛ گوجرانولہ، فروغ ادب اکیڈمی 1987ء ص 12
- 19- غلام مصطفیٰ بسمل: پنجابی غزلاں دار ارتقا؛ ادارہ پنجابی زبان تے ثقافت، لاہور، 1996ء ص 44
- 20- حسین شاہد: عشق تے روٹی؛ پنجابی فاؤنڈیشن، لاہور، س ن، ص 25، 26
- 21- اکبر حمیدی: کبی غزل پنجاب؛ القلم دارالاشاعت، اسلام آباد، 1996ء ص 80، 108
- 22- عادل صدیقی، ڈاکٹر: بند اکھیاں وچ منظر؛ پنجابی فاؤنڈیشن، لاہور، دوجی وار 2006ء

- 23- علی محمد ملوک: ساہواں درد سمندر پُیا؛ لالہ اکیڈمی، بورے والا، 1994ء ص 37
- 24- ایضاً ص 50
- 25- نور ملک: ریتلے پینڈے؛ پنچند اکیڈمی لاہور، 1999ء ص 28، 40، 41، 84
- 26- اختر کاشمیری: بولدا پتھر؛ پنجابی ادبی پرہیا، لاہور، س ن ص 43، 44، 57، 51، 46
- 27- شوکار بٹالوی: شریہ دے پھل؛ اوم پبلشرز، لاہور، 1992ء ص 14
- 28- نذیر چودھری: چائنہ دا کھڑکار؛ مکتبہ پنجابی ادب، لاہور، 1970ء ص 44، 104
- 29- طفیل خلش: چپ دا موسم؛ ادارہ پنجاب رنگ، لاہور، 1990ء ص 30
- 30- رؤف شیخ: فحراں؛ ادارہ پنجاب رنگ، لاہور، 1994ء ص 22
- 31- انور ملک: جیون چکی؛ ادب خیمہ، اوکاڑہ، 1999ء ص 16
- 32- ساقی گجراتی: کن من کن من سوچاں؛ نعمان پبلشرز، لاہور، 1993ء ص 4
- 33- زاہد ہما: سوچ دی چیک؛ فطرت پبلی کیشنز، لاہور، 1992ء ص 52
- 34- ممتاز حیدر ڈار: کشکول وچ سمندر؛ سوچلا اشاعتی ادارہ، رحیم یار خان، 1981ء ص 71
- 35- رمضان شاکر: کنڈیا لے پینڈے؛ شعیب پبلی کیشنز، لاہور، 1989ء ص 65، 28
- 36- بشریٰ اعجاز: پھیاں بھار؛ سنگ میل پبلی کیشنز، لاہور، 1993ء ص 54
- 37- کوثر صدیقی: اڈیک دے پرچھاویں؛ مسلم پنجابی مجلس، فیصل آباد، 1986ء، ص فلیپ
- 38- ایضاً ص 18، 19، 25، 125
- 39- عارف عبدالمتین: خوشبودا سفر؛ لاہور، عارف عبدالمتین اکیڈمی 1991ء ص 15-
- 40- ایضاً 46، 47، 48
- 41- یونس احقر: سوچ دا سفر؛ اقدس پبلی کیشنز، لاہور، 1979ء ص 11
- 42- ایضاً ص 23
- 43- جوگی جہلمی: مندرراں؛ اللہ دتا جوگی جہلمی، جہلم، 1978ء ص 30
- 44- یاسین قدرت، سید: کچھ؛ ادارہ فروغ فن، ساہیوال، س ن ص 15
- 45- رمضان شاکر: کنڈیا لے پینڈے؛ شعیب پبلی کیشنز، لاہور، 1989ء ص 45
- 46- شوکت علی قمر، ڈاکٹر: فجری شاماں پیاں؛ انسٹی ٹیوٹ آف پنجابی لینگویج اینڈ کلچر، لاہور، 2000ء ص 56

- 47- رشید انور، ڈاکٹر: منزل لال؛ آئینہ ادب، لاہور، 1972ء ص 47
- 48- رشید انور، ڈاکٹر: یاداں؛ آفتاب پبلی کیشنز، لاہور، 1974ء ص 60
- 49- ماجد صدیقی: وھماں ناپدے ہتھ؛ اپنا ادارہ، راولپنڈی، 1965ء ص 65
- 50- عبداللہ شاکر: اسلامی انقلاب داسندیسہ؛ اسلامک پبلی کیشنز، لاہور، 1983ء ص 110
- 51- ہاجرہ مشکور ناصر؛ حلقہ ارباب دانش، لاہور، 1972ء ص 20
- 52- منشی لطیف گجراتی: پھٹ اکھراں دے؛ تعمیر نو، گجرات، 1988ء ص 71، 108
- 53- بیراجی: تیجی اکھ داسفنا؛ پنجابی ادبی پریہیا، لاہور، 1987ء ص 83
- 54- خوشی محمد نثار: حوصلیاں دا پنڈھ؛ پ۔ن۔1999ء ص 39، 40، 42، 43، 71، 96
- 55- ظہور حسین ظہور: کونجاں وس کرلاون؛ لاہور، القمر اسٹریٹ پرائزر 1995ء ص 63، 103
- 56- محمد حنیف حنی: یاداں؛ بزم میرکلاں بادشاہ، گوجر خاں، 1994ء ص 54
- 57- مشتاق حسین مشتاق چغتائی: میں شاعر آں؛ چغتائی پبلی کیشنز، لاہور، 1992ء ص 187
- 58- چوہدری محمد صدیق: نین تریلے؛ دائم اقبال اکیڈمی، منڈی بہاؤ الدین، 1990ء ص 39، 106، 107
- 59- انور مسعود: میلہ اکھیاں دا؛ گورا پبلی کیشنز، لاہور، 1996ء ص 13
- 60- انور مسعود: ہن کیہ کرے؛ گورا پبلی کیشنز، لاہور، 1996ء ص 16

Khoj

Research Journal Deptt. of Punjabi
Language & Literature
Punjab University Lahore (Pakistan)
Vol:71, July.-Dece. 2013, pp 83-98

کھوج

تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جولائی - دسمبر 2013ء، مسلسل شمارہ 71

پنجابی غزل دے ڈھلے روپ رنگ

لیاقت سہیل میر

صدر شعبہ پنجابی، گورنمنٹ مرے کالج، سیالکوٹ

Abstract

The genre ghazal derived from Arabic Qasida, brought up in Iran and then transmitted to the sub-continent and become a part and parcel of various languages and dialects and now speaking from remote olymic height attired in different dresses as language is the dress of thought. By citing various examples it may be established that our classic literature which is very rich and un-precedented, must be dived deep to produce high profile master pieces. And then it would contain a true pure punjabi culture, about which, it may be said that punjabi is on its own. Our National Anthem is very dear to us but we must shun away with the literary style that it contains only a single urdu word and is deprived of indigenusness punjabi Ghazil must not forget the Punjabi which is even supreme today.

غزل عربی قصیدے وچوں پنگری تے ایران وچ جوان ہوئی فیر ایرانوں پاک ہند وچ
 آکے اتھے دیاں مقامی تے علاقائی زبانان نال سنگت کر لئی تے ویہندیاں ویہندیاں ایہہ اپنے
 اتھوں دیاں مقامی شعری صنفان کافی، گیت، دوہڑیاں، ماہیا، پُے ڈھولے تے سی حرفیاں تے
 چومصرعیاں نال اچھی گلوکڑی پائی پی ایناں ساریاں صنفان نوں پرانہہ کردتا تے آپوں پردھان
 بن کے رنگے پیڑھے اُتے بہہ گئی تے لوکائی دے دلاں اُتے راج کرن ڈھیہ پئی تے اج تیکر
 کر رہی اے تے کردی ای رہوے گی۔

پنجابی زبان وچ غزل گوئی دے بارے ڈاکٹر اسلم رانا ہوریں اپنے ایس مضمون وچ
 لکھدے نیں:

”غزل مشرقی ادب دا اک بہت وڈا سرمایہ اے تے ایہدی تاریخ تے فارسی
 تے اردو حوالے دنیا کئی سو ورہے پرانی اس ایسے طرح پنجابی شاعری دی
 تاریخ دی ماضی وچ کئی صدیاں پچھانہہ تیکر جاندی اے پر ایہہ اک عجیب
 اتفاق اے کہ پنجابی شاعراں نے جتھے مقامی صنفان وچ اپنی طبیعت دا زور
 دکھایا اتھے نال ای فارسی دی مشہور صنف مثنوی وچ وی اچھے کارنامے
 سرانجام دتے جیہڑے پنجابی شاعری وچ رہندی دنیا تیکر یادگاری دی
 حیثیت وچ قائم تے دائم رہن گے پر ایہہ گل بڑی حیرانی دی اے کہ پنجابی
 شاعراں نے غزل ول دھیان نہ دتا بہت بعد وچ جا کے کجھ شاعراں دے
 ہاں ٹانویاں ٹانویاں غزلاں مل جاندیاں نیں۔ شاہ مراد توں بعد میاں محمد بخش
 نے وی مثنوی وچ غزل نوں شامل کیتا تے ایہناں توں بعد جیویں مولابخش
 کشتہ تے پھیر پیر فضل گجراتی ہوراں نے ایہہ میدان ماریا تے اپنے فن
 دے جوہر دکھائے۔“ (5)

پنجابی وچ غزل اودوں ای آئی جدوں کہ اردو وچ آئی۔ اردو والے ایہہ دعویٰ کرن لئی
 پئی ایہدے آغاز دی اولیت سانوں حاصل اے۔ امیر خسرو ہوراں دی مشہور غزل:

زحال مسکین مکن تقافل ورائے نیناں بنائے بتیاں (6)

جیہڑی کہ ریختی تے فارسی وچ اے اک مصرعہ فارسی اے تے دو جارتی وچ نوں قرار

دیندے ہیں۔ امیر خسرو ہوراں فارسی شاعری تے اردو شاعری دے نال نال لاہوری یعنی پنجابی زبان وچ وی شاعری کیتی اے تے ”1008ء وچ سلطان محمود غزنوی نے جدوں پنجاب نوں سلطنت غزنوی دے ماتحت اک صوبہ مقرر کیتا تاں مسعود سعد سلمان اوہدا اک درباری سی تے ایہدے متعلق مشہور اے پئی اوہنے پنجابی زبان و ادب وچ وی اک کلیات ترتیب دتی سی جیہدے وچ بارہ ماہ، بول تے اٹھواریں وغیرہ جمع سن ایہدی گواہی خود امیر خسرو ہوراں وی دتی اے“ (7) پر اوہدا اوہ کلیات جیہدے کہ تینیاں زباناں تے اوہارت سی یعنی فارسی، عربی تے پنجابی اوہناں وچوں صرف فارسی وچوں ای اے ملدا اے باقی دے دو دیوان ویلے دے گٹھے مٹی دی نذر ہو گئے۔ ایس گل دے شاہدی حافظ محمود شیرانی ہوراں وی ”پنجاب میں اردو“ وچ بھری اے (8) تے نال ایہہ وی دسیا اے کہ پنجابی دے کئی ہور شاعراں وی اردو غزلاں لکھیاں نیں جہاں وچ سید وارث شاہ ہوراں داناں وی شامل اے۔ جدید تحقیق دی روشنی وچ حضرت نوشہ گنج بخش پہلے پنجابی غزل گو شاعر نیں جد کہ پنجابی دے تذکرہ نگار تے کچھ کھوجکار پنجابی غزل دا پہلا باقاعدہ غزل گو شاعر شاہ مراد نوں من دے نیں۔ جیہدے اولی دکنی توں 41 ورہے پہلاں ہو یا اے۔ شاہ مراد ہوراں دے کلام شاہ مراد دے دیباچے وچ لکھیا ہو یا اے:

”اردو غزل کی تالیس کا سہرا اگر کسی شخص کے سر بندھا تو وہ ولی دکنی نہیں بلکہ شاہ مراد خانپوری ہے جو ولی دکنی سے 41 سال پہلے یعنی 1114ھ میں فوت ہو چکا تھا۔ ولی نے تو سعد اللہ گلشن سے ملاقات 1130ھ کے بعد اس طرف رخ کیا حالانکہ شاہ مراد اسی واقعہ سے بہت پہلے اردو غزلوں میں مہارت کامل کا مظاہرہ کر چکے تھے“۔ (9)

شاہ مراد ہوری دی اک مشہور پنجابی غزل دے کچھ شعر ویکھو:

خدا وندا ملا مینوں بجن اتنا اڈیکاں کیوں
 اڈیکاں میں گناں تارے تے سرنوں لائیاں لیکاں کیوں
 دو اکھیاں میریاں ہونیاں جو حیراں آر سی وانگوں
 چلن بھر نیر جوں ندیاں تے نالے کوک ڈیکاں کیوں
 گناں میں تاریاں تائیں نہ نیندر رات سکھ بھورا
 گھڑی گھڑی راہ اٹھ اٹھ ویکھاں دیناں دتاں دھریکاں کیوں

سجن مینوں دکھایا توں جوں مچھلی جلے بن جل
 دیا ساڑے پتنگاں نوں سیاہی دل رفیقاں کیوں
 وچھوڑے ملک دل لیتا وچھوڑے تن فنا کیتا

پیارے جان بچھ مینوں دتو ای وس شریکاں کیوں (10)

شاہ مراد ہوراں بارے عبدالغفور قریشی ہوری آہندے نیں پئی ”شاہ مراد غزل دا صحیح

معنیاں وچ موجوداے تے پنجابی دا پہلا شاعر اے جس نے غزل لکھی اے۔“ (11)

شاہ مراد ہوراں وی ایس غزل دی زبان نرول پنجابی اے جیہدے وچ لوچ لچک رس
 تے مٹھاس اے ایہہ نکلسالی بولی اے۔ ایہہ پوٹھو ہار دے علاقے دے شاعر نیں تے ایہناں دی
 زبان مرکزی پنجابی اے ایہہ اوہی شاہ مراد نیں جیہناں بارے میں محمد بخش ہوراں نے اپنی شہرہ
 آفاق مثنوی سیف الملوک وچ ایہہ آکھیا سی:

شاہ مراد جنے دے کتھے سخن مراداں والے

محبوباں دے جھنڈ لہاون واہ مستان دے چالے (12)

شاہ مراد ہوراں دی غزل وچ جیہڑی زبان ورتی گئی اے اوہدے وچ بھرپور پنجابیت

پائی جاندی اے ایہہ غزل اول آخر پنجابی اے تے فارسی نوں پنجابی شاہ مراد ہوراں ای بنایا اے
 تے خوب بنایا سجایا اے:

”حافظ عبدالحمید سرشار ہوراں دے آکھن موجب شاہ مراد دیاں غزلاں
 موضوع تے مضمون پکھوں غزل دا اک سوہنا نمونہ ایں پر افسوس کہ اوہناں
 توں مگروں آون والے پنجابی شاعراں نے اوہناں دی ایس شعری روایت
 توں فائدہ نہ چکیا تے جیکر ایہہ لوک غزل ول دھیان کردے تے اج غزل
 ترقی دی اچی ہٹی اُتے اپڑی ہوندی۔ ولی دکنی نے اوہناں توں اکتالی ورہے
 پچھوں آکے اردو زبان دی شعری تاریخ وچ جیہڑا مقام حاصل کیتا اوہدا
 کارن صرف ایہہ سی کہ اوہدیاں نویاں طرز دیاں غزلاں جدوں دکن توں دلی
 اپڑیاں تے ایہتوں دے فارسی شاعراں نے دلی دارنگ اپنا کے اوہدی پروی
 وچ شعر آکھے، غزلاں لکھیاں تے دیوان مرتب کیتے جیہدے نتیجے وچوں

اردو غزل دنوں دن ودھن پھلن لگ پئی۔ بے پنجابی شاعر وی شاہ مراد دی
 پیروی کردے اوہناں دی لیک تے چلدے تے دلی وانگوں شاہ مراد وی
 پنجابی غزل گوئی دے سردا تاج ہوندے۔ پرہن وی اوہناں دی اہمیت کسے
 پکھوں گھٹ نہیں،“ (14)

شاہ مراد ہوراں نے پنجابی وچ غزل دی روایت دا مڈھ ای نہیں بنھیا سگوں غزل دیاں
 اے سبھے ای خصوصیتیاں تے اوہدے تلازمے جیہڑے کہ غزل لئی ضروری کہن اوہناں دی وی
 پوری پوری پالنا کیتی اے:

”شاہ مراد ہوراں توں بعد میاں محمد بخش ہوراں کول پنجابی غزل لہدی
 اے۔ میاں محمد تے شاہ مراد ہوراں وچکار اک لمی وتھ تے بڑا وڈا پاڑ موجود
 اے۔ ایس درمیانی پاڑ دے پنجابی غزل گو شاعراں دا کھوج اے توڑی نہیں
 لگ سکاتے پنجابی غزل دی تاریخ اے تک نامکمل جا پدی اے۔“ (13)

میاں محمد بخش ہوراں نے جیہڑیاں پنجابی غزلاں لکھیاں اوہ ہر پکھوں پنجابی ادب دے
 غزل کھیتز دیاں شہکار غزلاں نیں اوہناں دی غزل بارے بابائے پنجابی ”مہکدے پھل“ وچ
 لکھدے نیں:

”اج توں پورے سو ورہے پہلاں میاں محمد بخش نے جتھے علم عروضی دیاں
 عام صنفاں نوں پنجابی نظم دے ورتارے وچ لیا کے اپنی بولی دی ترقی تے
 وادھے دال خیال رکھیا او تھے نظم دے ون سونے روپ وی پنجابی بولی دی
 کھٹالی وچ پے ڈھالے نیں پنجابی غزل دا بھانویں اج توں دو سو ورہے
 پہلاں سید حامد شاہ عباسی نے اپنے جنگ نامے وچ مڈھ بدھا پر میاں محمد بخش
 نے پنجابی غزل نوں اوس کمال تے اپڑایا کہ اسیں اوہنوں پورے دلی مان
 نال فارسی غزل دے مقابلے تے پیش کر سکئے آں۔ عجمی شعر و ادب دے
 چہرے وانگوں غزل دا چربہ وی پنجابی شاعراں فارسی غزل توں ای لیا اے پر
 اوہناں دے فکر تے سوچھ دی ایہہ علمی بہادری اے کہ اوہناں دے پر نے
 سو کو ورہے دی تھوڑی جہتی مدت ای پنجابی غزل، فارسی دے موڈھے نال

موڈھا مارن لگ پئی، حافظ شیرازی دیاں غزلاں وچ جتھے فارسی ادب دی
 مٹھاس تے محبت دا ڈونگھا اثر موجود اے او تھے میاں محمد بخش دی غزل وچ
 پنجابی مزاج دا وتر تے کھچ پیڑ دے اجیے گراٹا ہوندے نیں جیہناں نوں
 سن کے پتھر دل وی موم وانگوں پگھر پیندے نیں،⁽¹⁵⁾

میاں محمد ہوراں دی غزل دی زبان وی بڑی نتری تے نرول پنجابی اے۔ جیہدے وچ
 پوری پنجابیت موجود اے۔

میاں محمد بخش ہوراں توں بعد اک وڈا پنجابی غزل گو مولا بخش کشتہ ہواں داناں این
 جیہناں نے 1903ء وچ پنجابی زبان دیاں غزلاں دا دیوان چھاپے چاڑھیا ایس توں پہلے پنجابی
 غزل دا کوئی دیوان نہیں لکھدا جس طرح کہ اوہ خود آہندے نیں:

کوئی لکھے تاریخ تے یاد رکھے دتی رب نے عزت ایہہ خاص مینوں
 شعراں وچ پنجابی دے سب کولوں پہلا پہل چھپیا اے دیوان میرا⁽¹⁶⁾

کشتہ ہوراں اپنی غزل وچ زیادہ محاورے تے اکھان ورتے نیں تے ترکیباں وی
 نرول تے ٹھیٹھ پنجابی متھیاں نیں۔ خیال یا مضمون وی سوہنے پیش کیتے نیں تے زبان وی خالص
 تے نرول اے۔

جتھوں پتہ ایہہ لگدا اے پئی اوہ اپنی زبان اُتے ڈھیر دسترس رکھدے سن تے ہمیشہ اپنی
 غزل وچ مقامی قسم یاں تشبیاں تے استعاریاں توں ورتدے سن۔ ایسے طرح دی تے ایسے زمین
 وچ اوہناں اک ہور مشہور غزل وی اے:

نگاہ دی نگاہ کٹار کٹار	قاتل قاتلا نہ مار نہ مار
زاہدا زاہدا توبہ توبہ!	بتاں دا بتاں دا سنگار سنگار
وقت ہے وقت ہے عرضی عرضی	قاصدا قاصدا گزار گزار
ماہیا ماہیا گل سن گل سن	مختصر مختصر پیار پیار

کشتہ ہوراں توں بعد جہان پنجابی غزل گو شاعر پیر فضل گجراتی ہوراں داناں اے۔
 کشتہ ہوراں دے دور وچ وی غزل گوئی بارے پر و فیسرتاء اللہ جمیل ہوریں لکھدے نیں:
 ”مولا بخش کشتہ دے زمانے وچ ای بہت سارے شاعراں نے غزل کہی

تے ایہہ صنف ایہی مقبول ہوگئی کہ تقریباً ہر شاعر غزل کہن لگ پیا فیر مقابلے
دی اک روچل پئی تے چنگے شاعراں نے ایہدی نوک پلک سنوارن دا
سر بندھ کیتا۔ ایس دور وچ رمضان وزیر آبادی، فیروز دین شریف، پیر فضل
حسین فضل، صوفی تبسم، عبدالکریم ثمر، ڈاکٹر فقیر محمد فقیر، ودھاتا سنگھ، عبدالمجید
بھٹی، موہن سنگھ ماہر، درشن سنگھ آوارہ تے حکیم ناصر ہوراں ورگے شاعراں
نے پنجابی وچ غزل سرائی کیتی۔، (18)

ایس دور دے شاعراں وچ خاص طور تے پیر فضل ہوراں دا ناں بڑا اگھا اے۔ پیر
ہوراں دی پنجابی غزل دی زبان بارے قدر آفاقی لکھدے نیں:

”فضل دی اک وڈیائی ایہہ وے کہ اوہنے فارسی تے اُردو بحر وچ پنجابی
غزل کہہ کہ پنجابی نوں اُچیاں کرن دا مڈھ بھیا اوہنے عربی تے فارسی لفظ وی
ڈھیر ورتے نیں جویں غالب بارے کہیا جاندا اے کہ اوہدے بعض شعراں
وچوں جے افعال ناقصہ یا حرف جار بدل دتے جان تے اوہ فارسی شاعر بن
جاندے نیں فضل اُتے وی ایہہ گل پوری طرح فٹ ہوندی اے سگوں
اوہناں دی کجھ شعرا جینی وی ملدے نیں جیہڑے اکو ویلے اردو وی جا پدے
نیں تے پنجابی وی۔ (19) مثال دے طور:

نرالا نرالا انوکھی انوکھی ترا ناز تیری ادا اللہ اللہ
ترے جو ترے ستم توبہ توبہ میرا دل جگر حوصلہ اللہ اللہ (20)

ہن ذرا تھلے دے شعر ویکھو پورے دے پورے اردو جا پدے نیں:

ایہہ کون آرہیائے ماہ لقا اللہ اللہ ہے پر نور ساری فضا اللہ اللہ
گئی پھیلدی پھیلدی پھیل خوشبو تری زلف دا تذکرہ اللہ اللہ

کہتے ہیں سامان مقابلے دے حملے پار دی زلف شبگیر کیپتے
راتیں قلعة خیال دے دل اندر کئی ڈھائے تے کئی تعمیر کیپتے
بھلا رکھے سکندر تے کیہ رکھے مرے حُسن دے بادشاہ نال نسبت

گھوڑے زمین نمائی تے اوس پھیرے، اینے دلاں شہر تخییر کیجے
 فضل شاہد معصود جس ویلے اک رند دی وچ آغوش بیٹھا
 کوزے صوفیاں کندھاں دے نال مارے جیے زاہداں نوں پیر پیر کیجے⁽²¹⁾

مراداں تیریاں بر فضل آون
 خدا دے فضل اگے دور کیہ اے⁽²²⁾

فتنہ پرور اک اکی نہ نگاہ یاری
 عشوہ سی انداز سی، رفتار ہی گفتار سی⁽²³⁾

تازہ خلش رقابت دی فیر ہوگئی فیر ہوگئے رشک دے پھٹ ہجرے
 پتا دین پئی سگری کشکش دا تیرے مخمل دا من دے وٹ سجرے⁽²⁴⁾

مقابل تے میرے اج مار کے جیہڑے وی خم نکلے
 کجھ اپنے آشنا نکلے، کجھ اپنے محترم نکلے
 میں دیکھے نیں اجیئے وی خدا نوں پوجنے والے
 ہٹائیاں بکلاں تے بکلاں وچوں صنم نکلے⁽²⁵⁾

پیر ہوراں دی غزل وچ فارسیت تے اردو رنگ دی وجہ بارے پروفیسر نبیلہ عمر ہوریں
 لکھدیاں نیں:

”پیر فضل ہوراں دی ڈھلی فارسیت تے اردو رنگ دی اک وجہ اوہناں دے
 نانا نجف شاہ ولوں ملیا علمی ورثہ اردو دے وڈے شاعر مرزا نثار حسین دہلوی
 دی استادی تے احمد علی سائیاں دی قربت اے۔ احمد علی سائیں دی قربت
 تے صوفی شعراء دے مطالعے نے اوہناں نوں پنجابی غزل ول پریریا۔ احمد
 علی سائیں پنجابی دے جو مصرعے تے دوہڑیاں دے وڈے شاعر نیں نسلاً
 ایرانی تے مادری زبان فارسی سی، پیر فضل گجراتی ڈھلی غزل وچ فارسیت یا

فارسی اکھراں تے عربی ترکیباں دی ورتوں دی اک وجہ ایہہ سی تے دوہی وجہ گجرات تے عربی زبان دا اثر اے۔ کیوں جے برصغیر پاک و ہند دے مغربی کنڈھے تے واقع اے۔ عرب تے عجم دے تاجراتھے اُتر دے رہے اسلام دا سورج چڑھن ویلے بزرگ تے صوفی ایسے رستے ہندوستان آئے ایسی کارن گجرات دے لہجے نے قدیم عربی تے فارسی دا اثر سی تے عہد در عہد ٹریا آن والا لفظی ترکیباں دا ورتارہ ایس دھرتی وچ رچ مچ چکیا سی۔“ (26)

ڈاکٹر اظہر محمود چودھری اپنے اک مضمون وچ لکھیا اے:

”میرے سامنے اکوار درشن سنگھ آوارہ ہوراں پیر صاحب نوں پچھیا کہ ”تسیں پنجابی غزل دے موجد تے شہنشاہ اوہ تہاڈا کدھرے کوئی جوڑ نہیں ہتھ بنھ کے اک سوال کرناں گستاخی نہ سجھیا جے میں محسوس کرنا کہ تہاڈی غزل وچ فارسیت بہت اے۔“ پیر نے بڑی مٹھاس نال آکھیا۔ آوارہ جی! غزل آئی وی تے فارسی وچوں ای اے ناں۔ ایس لئی لفظ اضافتاں اشارے، کنائے تے رمزوں آپ مہارے ای آجانے سن۔ نالے ٹھیٹھ پنجابی وچ غزل کہنا بڑا اوکھا کم ایں۔ آوارہ جی نے جواب دتا تہاڈی آکھی لوہے تے لیک اے۔“ (27)

پر غلام مصطفیٰ بمل ہوریں ایہدا کارن پنجابی غزل نوں فارسی تے اردو دے مقابل وچ کھڑن تے کلاسیکل سطح تے اڑان دس رہے نیں:

”پنجابی غزل نوی اردو تے فارسی دے مقابل کھڑن تے پنجابی غزل نوں کلاسیکی سطح تے اڑان وچ پیر فضل گجراتی دیاں کوششاں نوں بہت دخل اے، پیر فضل نے پنجابی غزل نوں اک اعتماد دے وقار بخشیا تے ایہنوں فارسی اردو غزل دے برابر کھڑن دا حوصلہ عطا کیتا پیر ہوراں اک پاسے روایت نوں نبھایا تے دو جے پاسے جدید پنجابی غزل دی نینہہ رکھی۔“ (28)

پروفیسر سرفراز حسین قاضی ہوریں اپنی تصنیف ”نویں نظم“ وچ غزل دے ضمن وچ ایہہ

سطر لکھن تے انج مجبور ہوئے:

”پنجابی وچ پیر فضل دی غزل نالوں کبھی غزل اپنی آکھی جاسکدی
اے۔“ (29)

پرفیسر نیلمہ عمر ہوریں ایس ضمن وچ ”حسن جمال غزل دا“ وچ لکھدیاں نیں:

”پیر ہوراں کولوں کیسے پچھیا کہ تہاڈی شاعری وچ عربی، فارسی، اردو لفظاں
دی بھر مار کیوں ہوندی اے؟ ایس تے اوہناں جواب دتا کہ میں ایہناں
زبانوں دیاں کتاباں توں نری مٹی نہیں جھاڑی پڑھیاں وی نہیں۔“ (30)

گل کیہ پئی پیر ہوراں دی پنجابی غزل روایتی ہون دے نال نال جدت دا وی اعلیٰ نمونہ
ایں۔ ایہناں نے اپنی غزل وچ جیہڑے عربی فارسی لفظ ورتے نیں اوہدے کئی جواز پیش کیتے
جاندے نیں پر ایہہ اک حقیقت اے کہ اپنیاں بھارے گھت لفظاں تے پنجابی زبان دی لطافت
تے نزاکت نوں ڈاڈا متاثر کیتا اے تے زبان دا کلاسیکل تے نرول پن قائم نہیں رہیا۔ بھانویں
اوہناں نے ایہہ دعویٰ وی کیتا:

فضل ہوراں نے بدل دتا اے پنجابی دا رنگ

یا الہی دورِ حاضر دے غزل خواناں دی خیر (31)

تے اوہناں دی پنجابی غزل (جیہوں فارسی آمیز غزل آکھنا بوہتا بہتر اے) نوں ویہندیاں ہوئیاں
بابائے پنجابی ڈاکٹر فقیر محمد فقیر ہوراں پیر فضل ہوراں نوں پنجابی زبان دا حافظ قرار دتا:

فن شعر دے کول جواب جد کوئی اوہدی غزل تے میری رباعی دا نہیں

کیوں نہیں غزل پنجابی دا فضل حافظ تے فقیر میں عمر خیام کیوں نہیں (32)

پنجابی دے ادبی حلقیاں وچ ایہہ گل اے تیکر مشہور اے پئی جدوں پیر فضل ہوراں نوں
”ڈونگھے پینڈے“ تے آدم جی ایوارڈ ملیا تاں اک اگھے شاعر تے ادیب نے آکھیا سی پئی ایہہ
انعام پنجابی نوں نہیں ملیا فارسی اردو غزل نوں دتا گیا اے۔ ایہدی وجہ ایہو ای سی کہ پیر ہوراں دی
زبان پنجابی وی خالص تے نرول زبان نہیں۔ خود پیر صاحب نے وی آکھیا سی کہ خالص، نرول
تے ٹھیٹھ زبان وچ غزل کہنا بڑا دکھا کم اے۔ ایس اوکھیاں دا اوہناں نوں وی پورا احساس سی۔
خالص تے نرول زبان بارے جناب حسین شاہد ہوریں آہندے نیں:

”بولن لکھیاں کجھ وی بول دتا جائے اوہ ہوا وچ اڈ جاندا اے پر لکھنا گل نوں
 ووہٹی بنانا ہوندا اے۔ ووہٹی ویکھن ہر کسے نے آوناتے اوہنوں اپنی نظرے
 ویکھنا ایں۔ پنجابی لکھن والے لئی ایہہ کم سب توں اوکھا اے۔ ساڈے
 دماغاں وچ تن زباناں دی کچھڑی پکی ہوئی اے۔ جدوں اسیں انگریزی
 لکھدے ہاں تے سانوں ایس کچھڑی وچوں دال نکھیرنی پیندی اے۔ اردو
 لکھن لکھیاں چول چلنے پیندے نیں۔ ایہہ دونوں کم اوکھے نیں پر ایسے نہیں
 کیوں جے پنجابی لکھن والے نوں لون اڈ کرنا پیندا اے۔ سارے جان دے
 نیں پئی کچھڑی وچ لون ہوندا اے پر کوئی بندہ لون وکھا نہیں سکدا۔“ (33)

ذرا کواگے جا کے ہور لکھدے نیں پنجابی لکھن لئی رانجھن بنا پیندا اے۔ اپنی ذات دے
 ٹوٹے کرنے پیندے نیں۔ جیہڑے ٹوٹے داناں رانجھن ایں اوہنوں سامنے بٹھا کے گل کرنی
 پیندی اے۔ پھر رانجھن تہاڈے سامنے پنجابی صفتاں، اکھراں تے علامتاں دے ہڑھ وگا دیندا
 اے۔ پھیر پنجابی لکھنا بنیرے توں کاں اڈان نالوں وی سوکھا کم ہوندا اے۔ پھیر شاعر اپنی شناخت
 انج کر اوند اے:

فکر دے مٹھے کھوہ توں پانی بھر بیٹھی پنجابی
 میں اک لنگھدا راہی اوہنوں گھڑا چکاں غزل دا

کئی لوک ساڈے پنجابی شاعراں دی نرول پنجابی نہ ہون دا المیہ ایہہ وی بیان کردے
 نیں کہ ساڈے بوہتے پنجابی شاعر (اج) شہراں دے واسی نیں جیہڑے جے پلے ای شہراں وچ
 نیں تے ایہہ لوک اصل خالص تے ٹھیٹھ پنجابی توں کیوں واقف ہو سکدے نیں؟ عرضی ایہہ
 وے کہ کسے دی زبان وچ لکھن دے لئی اوس زبان دا سکھنا بہت ضروری اے اوہدے اُتے مکمل
 عبور حاصل ہونا چاہیدا اے ایہہ حقیقت اے پئی ساڈی پنجابی زبان دی نرولتا تے ٹھیٹھ پنیاں
 پنڈاں دی زبان وچ اے تے اج دے دور وچ پنڈاں تے شہراں وچ نہ نے اوہ فاصلے رسی رہ
 گئے نیں تے نہ ای کوئی فرق اے۔ بندے لئی جیکر لکھنا ایڈا ای ضروری اے تاں اوہ پنڈاں تھواں
 دی زبان دا گوہ نال مطالعہ کرے یاں پھیر گھر بیٹھے ای اپنے کلاسیک نوں کھنگھالے۔ پنجابی
 کلاسیک وچ ڈب جاوے تے ترنا آپے آجاوے گا۔

کئی لوک تے خاص کر ساڈے پنجابی لکھاری پنجابی تے اردو وچ کوئی لما چوڑا فرق نہیں جان دے۔ کیوں جے پنجابی اُردو دی ماں اے تے ماواں دھیاں دیاں شکلاں ملدیاں جلدیاں ای ہوندیاں نیں پر تشخص تے شناخت دونوں دی دکھو دکھ ہوندی اے تے ہونی وی چاہیدی اے۔ ایہہ ٹھیک اے پئی اردو تے پنجابی وچ اک سانجھ اے پر ایہہ سانجھ اکھ حد تک اے تے ایس حد توں پرانہ نہیں جانا چاہیدا۔ پیر فضل ہوراں توں بعد اک اجیے پنجابی شاعر نے غزل گوئی کیتی جیہڑا نہ صرف پنجابی دا ای جانوسی سگوں اوہ اکو ویلے انگریزی ، فارسی تے اردو وچ وی شاعری کردار ہیا۔ اوہ سی غلام یعقوب انور۔ اوہ شہر وچ ای جے پلے تے ودھے:

میری جھگی دے دیوے نالوں کوئی بجلی ودھ ٹیار نہیں
 پر میں اک مہاتر کی آں کسے پنڈ دا لمبڑار نہیں
 سوچاں دے پٹھے دتھے لئی داتر رنبا لئی پھرنا واں
 میرے ہتھ وچ کوئی ڈانگ ڈنگوری سوٹا یا تلوار نہیں
 ہتھ رکھ کے فکر دی جھنگی تے جدوں تیتا کرنا واں
 اوہ کیہڑی جوڑی اے مصرعیاں دی جیہڑی اڈن لئی تیار نہیں
 میں کچھلی رات دلایاں دی گاہدی تے ہونٹے لیندا جے
 میرے اتھرواں توں ودھ کوئی ایہناں ٹنڈاں دا عنخوار نہیں
 میریاں ہمتاں دے جگراتے نیں راتاں دیاں مُشکاں کڑھ لئیاں
 کیہڑی کھتی ہتھوں بھلی اے کیہڑا ترنگڑ میرا یار نہیں
 میں نکتے بچھے وہماں دے میں ستیاں لائیاں سوچ دیاں
 اج کیہڑیاں اوہ ورجیالاں نیں جیہناں نال میرا پیار نہیں
 میں اکھراں تے مضموناں دیاں ٹلیاں دے ہاسے سُنناں واں

اے میرے ویہڑے وچ انور کسے چوڑے دی چھنکار نہیں (34)

ہے ناں پنجابی غزل؟ کدھرے کوئی کلا دو کلا لفظ وی مانگواں (دوجی زبان دا) نہیں آیا۔
 کلا دو کلا لفظ آ وی جاوے تاں کیہڑی آخری آن لگی اے۔ کم از کم جیہڑی وی لکھت (غزل
 ہووے یا نظم) پنجابی تاں جاپے؟ اوہدے اُتے پنجابی دی بھتے تاں پووے۔ کدھرے پنجابیت وی

نظریں آوے؟

اگلی غزل اک اجیے مشہور شاعر دی اے جیہڑا شہر وچ ای جمیا پلپاتاے اوس اپنی حیاتی دا بہت ویلا لاہور شہر وچ ای گزاریا، یعنی بابائے پنجابی ڈاکٹر فقیر محمد فقیر ہوراں دی اک غزل جیہدے وچ پوری پنجابیت نظر آؤندی اے:

مجبور ہو کے چل نہ مجبوریاں نوں دیکھ
 راہیا توں منزلاں دیاں نہ دوریاں نوں دیکھ
 رکھ عقل بھال ٹوہ دے جنوناں دے نال نال
 آساں نہ ادھیاں تے نہ پوریاں نوں دیکھ
 اصلا توں دیکھ فقر دا ہے شبیریؑ کہ نہیں؟
 دو شالیاں نوں دیکھ تے نہ بھوریاں نوں دیکھ
 بن سکدے بلالؑ نین حبشی وی مورکھا
 قوماں سفید گوریاں نہ بوریوں نوں دیکھ
 کنک دے توں پروٹھیاں نہ چوریاں نوں دیکھ
 دل نوں جگا کے شوق دے بوہے تے لیکے چل
 دربار دیکھ تے نہ جی حضوریاں نوں دیکھ
 تختے سمران دھڑاں دے نہ مُرد مُرد کے دیکھ توں
 مولا دیاں فقر توں منظوریاں نوں دیکھ⁽³⁵⁾

ہُن اک اجیے پنجابی غزل گو شاعر دی غزل جیہڑا جمیا تے پنڈ وچ تے رہندا وی پنڈ وچ ای اے۔ شہراں دے نال وی اوہدا گوڑھا سا نگا اے۔ اوہ اے تنویر بخاری:

بھلایاں یاریاں یاراں نے یاراں نوں نہ نیند آئی
 نجانے کیوں اے قولوں قراراں نوں نہ نیند آئی
 کتے پینڈے دی دُوری سی، کتے منزل دا جھاکا سا
 گزاری رات اے پر رہ گزاراں نوں نہ نیند آئی
 تسلی دیندا سی کوئی، کوئی چو بھال لگاندا سی

اسیں نہ سُتے راتیں تے ہزاراں نوں نہ نیند آئی
 تیرے ڈیرے وی آکے وکھ لاں گے بھلک نوں ساقی
 جے اج دی رات وی سوچاں وچاراں نوں نہ نیند آئی
 بخاری کیوں گلہ کرناںیں اے کجھ لوک باقی نیں
 اے وی تیرے درگے بے شماراں نوں نہ نیند آئی⁽³⁶⁾

اسیں ویکھنے آں کہ مڈھلی پنجابی غزل دا مزاج مشرقی ادباء تے مقامی روہ ریت نال
 جڑیا ہو یا اے۔ غزل گو شاعراں نے فارسی تے اردو مزاج نوں پنجابی وچ شامل کر کے اس دا اک
 نواں مہاندر اُسا رن دی کوشش کیتی کہ جذبے تے احساس دا رنگ دُنیا دے ہر کونے اُتے اک
 ہوندا اے صرف اوہدے اظہار دا ڈھنگ نو بیکلا ہوندا اے۔ جیہڑا اوہنوں نرویا کردا اے، وکھرا
 کردا اے۔ مڈھلے پنجابی گو شاعراں نے اردو، فارسی دی خوبصورتی لفظالی نال نہ صرف غزل دی
 صنف نوں پنجابی صنفاں وچ رلایا فیر ہولی ہولی پنجابی لفظالی تے محاورے نوں ایس وچ شامل
 کر کے اس دا پورا روپ رنگ پنجابی کردتا۔

حوالے

- 1- غلام مصطفیٰ بسمل: پنجابی غزل دا ارتقاء؛ انسٹیٹیوٹ آف پنجابی لینگویج اینڈ کلچر، لاہور 1996ء ص 23
- 2- عابد علی عابد، سید: انتقاد شعر؛ سنگ میل پبلشرز، لاہور 1989ء ص 61
- 3- مرزا اسد اللہ خاں بیگ: دیوان غالب؛ آئینہ ادب انارکلی، لاہور 1971ء ص 11
- 4- وزیر آغا ڈاکٹر: اردو شاعری کا مزاج؛ مکتبہ عالیہ ایک روڈ، لاہور 1978ء ص 234
- 5- اسلم رانا، ڈاکٹر: پرکھ پریت؛ پاکستان پنجابی ادبی پریس، لاہور 1988ء ص 5
- 6- سعد اللہ کلیم، ڈاکٹر: اردو غزل کی تہذیبی و فکری بنیادیں؛ الو قاری پبلی کیشنز، لاہور 2005ء ص 165
- 7- فقیر محمد فقیر، ڈاکٹر: پنجابی زبان و ادب کی تاریخ؛ سنگ میل پبلی کیشنز، لاہور 2002ء ص 61
- 8- حافظ محمود شیرانی: پنجاب میں اردو؛ مکتبہ معین الادب، لاہور 1949ء ص 60
- 9- شاہ مراد: کلام شاہ مراد؛ (مرتبین۔ ریاضی چشتی، جمیل ہاشمی، باغ حسین کمال) اردو مجلس، چکوال 1966ء ص 13
- 10- ایضاً ص 36
- 11- عبدالغفور قریشی: پنجابی ادب کی کہانی؛ عزیز بک ڈپو، لاہور 1972ء ص 264
- 12- میاں محمد بخش: سیف الملوک؛ نظامت اوقاف مظفر آباد آزاد کشمیر، 1994ء ص 488
- 13- سعید بھٹا: سانجھ و چار؛ اے-ایچ پبلشرز، لاہور 1997ء ص 255
- 14- عبدالحمید سرشار، حافظ: غزل تے پنجابی غزل؛ بزم فقیر پاکستان، لاہور 2000ء ص 93
- 15- فقیر محمد فقیر، ڈاکٹر: مہکدے پھل؛ تاج بک ڈپو، لاہور 1959ء ص 198 - 199
- 16- مولانا بخش کشتہ: دیوان کشتہ؛ مکتبہ پنجدریا، لاہور 1964ء ص 35
- 17- ایضاً ص 35
- 18- اقبال صلاح الدین: لعلای دی پنڈ؛ عزیز بک ڈپو، لاہور 1984ء ص 136
- 19- قدر آفاقی: پنج رنگ؛ عزیز بک ڈپو، لاہور 1972ء ص 96
- 20- پیر فضل گجراتی: ڈونگھے پنڈے؛ اشاعت کدہ، گجرات 1963ء ص 17
- 21- ایضاً ص 20
- 22- ایضاً ص 103

- 23 پیر فضل گجراتی: ڈونگھے پینڈے؛ ص 130
- 24 ایضاً ص 50
- 25 ایضاً ص 88
- 26 نبیلہ عمر، ڈاکٹر: حسن جمال غزل دا؛ فاضل پیپر پروڈکس، لاہور 1998ء ص 94
- 27 ماہنامہ ”لہراں“ لاہور، پیر فضل نمبر، نومبر دسمبر 1998ء ص 24
- 28 غلام مصطفیٰ بسمل: پنجابی غزل دا ارتقاء؛ ص 31
- 29 سرفراز حسین قاضی: نویں نظم؛ فکر جدید پبلیکیشنز، شیخوپورہ 1976ء ص 175
- 30 نبیلہ عمر، ڈاکٹر: حسن جمال غزل دا؛ ص 95
- 31 پیر فضل گجراتی: ڈونگھے پینڈے؛ ص 23
- 32 ماہنامہ ”لہراں“ لاہور، پیر فضل نمبر، نومبر دسمبر 1998ء ص 46
- 33 حسین شاہد: پورنے؛ زریں پبلیکیشنز، سیالکوٹ 1972ء ص 31 - 32
- 34 غلام یعقوب انور: چن دی کھاری؛ بزم وفا گوجرانوالہ، 1973ء ص
- 35 فقیر محمد فقیر، ڈاکٹر: مہکدے پھل؛ ص
- 36 تنویر بخاری: شیشہ؛ پنجابی کلچر سنٹر، کڑیال کلاں، شیخوپورہ (سن) ص 33

Khoj
 Research Journal Deptt. of Punjabi
 Language & Literature
 Punjab University Lahore (Pakistan)
 Vol:71, July.-Dece. 2013, pp 99-108

کھوج
 تحقیقی مجلہ شعبہ پنجابی زبان و ادب
 پنجاب یونیورسٹی لاہور (پاکستان)
 جولائی - دسمبر 2013ء، مسلسل شمارہ 71

دوہڑاتے خصوصی لکھاری ☆

افتخار احمد

ایس ایس ٹی،

گورنمنٹ نیو ماڈل ہائی سکول، غلام محمد آباد، فیصل آباد

Abstract

Dohrra is the most authentic form in Punjabi poetry. Punjabi classic poets used this form in various way and conveyed their point of view after that many other modern poets also used this form. Mystism is main and prominent theme for its form. Especial special poets of Punjabi language contributed in this form of poetry with full zeal and zest. They also used new techniques, similar, metaphase and philosophy in various ways.

.....

”دوہڑہ دالفظ ’دو‘ توں نکلیا اے۔ اصطلاح وچ ایہدے توں مراد اجیہا شعر لیا جاندا اے جہڑا اپنی ذات وچ مکمل ہووے۔ دوہڑے نوں دوہاتے شلوک وی آکھیا جاندا اے۔ تیکنیک دے لحاظ نال دوہڑا شعر وانگوں ای ہوندا اے۔

Special Persions (Writers)

☆

ایہدے دو مصرعے ہوندے نیں جیہناں وچ ردیف قافیے تے بحر دی پاندی
 کییتی جاندی اے۔ اک دوہڑے وچ اک مکمل خیال پیش کیتا جاندا اے۔
 دوہڑے واسطے موضوع دی کوئی قید نہیں ہوندی۔ ایہہ کسے وی سوچ دا اظہار کر
 سکدا اے۔ انج ساڈے کلاسیکی شاعراں نے دنیا دی بے ثباتی، تصوف دے
 مسئلے، سوز و گداز، عشق و عاشقی، لالچ تے بغض توں بچاء ورگے موضوعاں
 بارے دوہڑے زیادہ لکھے نیں۔ پنجابی زبان وچ دوہڑے دی روایت سبھ توں
 قدیم اے۔ حضرت بابا فرید دے دوہڑے بڑے اعلیٰ معیار دے نیں۔“ (1)
 ”دوہڑا اک چومصرعہ ہوندا اے جس وچ غیر فانی خیالات پائے جاندے نیں۔“ (2)
 ”لوک گیتاں دی ایہہ صنف قریباً سارے پنجاب تے پنجابوں باہروی
 ملدی اے۔ ایہہ اک بے حد پرانی صنف اے۔ ایس وچ مضمون نوں دو
 بیتاں وچ صیقل کر کے دہرایا جاندا اے۔ عام طور تے دو ای مصرعے
 ہندے نیں۔ سرائیکی وچ دوہڑے نوں بولی آکھیا گیا اے۔“ (3)
 ”دوہڑا ہندی سنسکرت دا بحر اے۔ ایس وچ دو یا چار مصرعے ہندے نیں۔
 دوہے دے پہلے مصرعے دا خیال دوجی سطر وچ سمویا ہندا اے ایس
 طراں مضمون نوں دوہرا کے صیقل کیتا گنیا ہندا اے۔ دوہے دیاں بے شمار
 بحراں نیں۔ جیہناں وچوں 23 ودھیرے مشہور نیں۔ عام طور تے ایس وچ
 اُچے خیال دا اظہار کیتا جاندا اے۔“ (4)
 ”پنجابی وچ دوہڑیاں دی صنف وچ ان گنت مرثیے لکھے گئے۔ دوہڑے
 وچ عام طور تے دو مصرعے ہوندے نیں۔ پرکئی دوہڑے چار مصرعیاں وچ
 وی لکھے گئے نیں تے چوہاں مصرعیاں دا قافیہ تے ردیف اکوای ہوندی
 اے۔ دوہڑے وچ تفصیل بیان کرن دی گنجائش نہیں ہوندی۔ صرف حزن
 تاثر نوں اگھڑیا جاندا اے۔“ (5)

ربی صفتاں دا بیان شاعری دے پرانے سرنانویاں وچوں اک سرناداں اے۔ پرانے
 سسے توں پنجابی ادب اندر ایہہ ریت کہ ہر شاعر اپنی کسے وی رچنا دا آغاز کرن توں پہلاں ربی
 صفتاں نوں بیان کرنا اپنا فرض سمجھدا سی۔ ایہہ ریت پنجابی ادب دی ہر صنف وچ موجود اے تے

ایس دی پالناج دا ہر شاعر کردا دکھالی دیندا اے۔ غلام فرید عصمت ایس دوہڑے وچ آکھدے
نیں کہ اوہ ہستی جس نے مینوں اکھ، ہتھ، پیرتے نک دتا، جس دا ذکر ہر زبان اتے اے جو شہ رگ
توں وی نیڑے اے۔ میں اوس دا ذکر کیوں نہ کراں۔ ایس دوہڑے اندر اوہناں اک اسلامی
تاریخ دے اہم ول وی اشارہ کیتا اے۔ جیویں:

جئیں اکھ تک ہتھ تے پیر دے، اوہدا کیوں نہ چن مشکور ہووواں
ہٹے نام زبان توں نہ اوہدا، بھاویں جتننا وی ججور ہووواں
شہ رگ تو نیڑے وسدا ہے، انجے کیوں میں اُس توں دور ہووواں
ملاقات کرن لئی دل آہندائے، دینہ چانی کوہ طور ہووواں (6)

پنجابی ادب دی ایہہ روایت اے کہ ہر شاعر حمدیہ شعراں توں بعد حضور پاک نال محبت دا
اظہار اپنا فرض سمجھدا اے۔ ایس دوہڑے وچ شاعر اکھدا اے کہ آپ دے چاروں یار آپ دے
شہر وانگ بہت خوبصورت نیں۔ اک لکھ چوی ہزار نییاں وچ آپ دا مقام سب توں اچا اے۔
جس بندے نیں آپ دا پلہ پھڑیا اوس دا بھیڑا پار ہو گنیا۔ خواجہ حکیم غلام محمد دا ایہہ دوہڑا دیکھو:

اوہ آپ سوہنا اوہدا شہر سوہنا کیڈا سوہنا ہے دربار
ہے عمر، عثمان، علی سوہنا نالے سوہنا یار غار
پک لکھ تے چوی ہزار وچوں گل نییاں دا سردار
جئیں اپس دا دامن پھڑیا حکیم ہو یا اسے دا بیڑا پار (7)

نصیحت نگاری کسے وی ادب دا اوہ پہلو اے جس وچ کوئی وی شاعر اپنے تجربے نوں
انج بیان کردا اے کہ لوکی اوس توں فائدہ چکن۔ اوہناں دے رستیاں دیاں اوکڑاں مکن۔ اوہ
کامیاب زندگی بسر کر سکن۔ ملک غلام فرید ٹوانہ دے ایس دوہڑے وچ سانوں ایہہ نصیحت ملدی
اے کہ کسے وی محفل وچ با ادب ہو کے بیٹھیا جاوے۔ عزت صرف محنت کرن نال حاصل ہوندی
اے۔ وقت ضائع نہیں کرنا چاہیدا تے ہمیشہ اپنے توں نیویاں نال سنگ کرنا چاہیدا اے۔

بیٹھا کر با ادب محافل وچ بے ادباں اچ نال لکھوائیں نہیں
جے چاہنئیں عزت تاں محنت کر کدی وقت فضول گنوائیں نہیں
رکھیں نیویاں نال سلام دعا سنگ اچیاں نال بنائیں نہیں
بک وار فرید آزمائے ہوئے نوں دو جی وار کدی آزمائیں نہیں (8)

آکھیا جاندا اے کہ رب اپنی مخلوق نال ستر ماواں نالوں ودھ پیار کردا اے۔ رب دی ناراضگی اوس ویلے ظاہر ہوندی اے جد کوئی بندہ اپنی اوقات توں ودھ کے کم کردا اے۔ کسے دے دکھ تے ہسنا یا ماڑے نوں طنز دا نشانہ بناون نال جتھے مخلوق دا دل دکھدا اے او تھے خالق وی ناراض ہوندا اے۔ حکیم شفیق احمد قادری نے ایس مضمون نوں ایس دوہڑے وچ انج بیان کیتا اے:

میں پچھیا ہک دانا کولوں کداں بخت انسان دا ہر دئے
اُس آکھیا جدن اوقات نالوں کوئی ڈھیر الیل چا کردائے
میں پچھیا بندے دے کس فعل توں خالق ٹھردائے
اُس آکھیا جدن شفیق کوئی مجبور دے دکھ تے مردائے⁽⁹⁾

حکیم علی اصغر رسول پوری اپنے ایس دوہڑے وچ عام انسان نوں نصیحت کردے ہوياں آکھدے نیں کہ ایہہ انسان رب نوں اکڑ پسند نہیں، ایہہ گل کدے نہ بھلیں۔ تیری جو بن عارضی اے، ایس لئی کسے وی پیار کرن والے دا دل نہ توڑیں۔ ہر اک دے نال پیار تے اخلاق نال پیش آویں۔ ایس لئی کہ رب ماڑے بندیاں دی فریاد بڑی چھیتی۔ جیویں:

ہوندا فخر خدا نوں قطعاً پسند نہوں میری ایہہ گل ذہن توں لاہیں نہیں
فانی حسن دیاں مغروریاں توں دل کسے مسکین دا ڈھائیں نہیں
مڑ پیار اخلاقی مزاج دے در تے نفرت دربان بہائیں نہیں
رب جھب سن لیدائی کیریاں دی کسے بشر نوں اصغر ڈکھائیں نہیں⁽¹⁰⁾

ساڈے صوفی شاعراں نیں موکھ وکھ علامتاں راہیں نیک عمل کرن تے وقت ضائع نہ کرن دا سبق دتا اے۔ فقیر حسین نے اپنے ایس دوہڑے وچ جتھے سسی پنوں دی داستان نوں بیان کیتا اے او تھے عام انسان نوں ایہہ دسیا اے کہ اے انسان وقت ضائع نہ کر، والدین دی گل من کے آون ولی زندگی سوارن لئی کجھ نیک عمل کر۔ ایس لئی کہ مڑ ماپیاں دے گھر آونا نصیب نہیں ہونا:

کڑیاں سسی نوں تھل وچ آن ملیاں آکھن مگر بلوچ دے جاناہیں
چار دن تے کھیڈ لے نال ساڈے اسماں ساریاں دا لتھا چاناہیں
من گل ساڈی مڑ آگھر نوں ماں باپ دا دل دکھا ناہیں
مشکل ملے گا خان فقیر تینوں ایویں مفت توں جان گنوا ناہیں⁽¹¹⁾

اوکڑ سسے رب نوں اوہدے پیاریاں دا واسطہ دے کے نظرے کرم طلب کرنا پنجابی ادب

دی اک پرانی روایت اے۔ نذیر احمد معذور ہو رہی اپنے رب کولوں اپنے اتے نظرے کرم طلب کردیاں ہوئیاں اوس مہمان ہستی اگے شہدائے کربلا وچوں اکبر، غازی عباس تے قاسم دا واسطہ دیندے نیں۔ ایس دے نال نال امام موسیٰ کاظم دا وی واسطہ دے کے رب اگے ترلا کر دے نیں کہ میری اجڑی جھوک وسادے:

یا قادر مطلق رب اکبر سُن دُکھیاں دی فریاد اے
غازی عباس تے موسیٰ کاظم کرو بے کس دی امداد اے
ہتھ جگر توں چیندا منزل نہیں کیتا درداں انج برباد اے
صدقہ قاسم دیاں سگنا نندا ہووے اجڑی جھوک اباد اے⁽¹²⁾

مہر سنتا خاں ایسے دوہڑے اندراک اٹل سچائی نوں اکھاں دے رخ وچ بیان کیتا اے۔ آکھدے نیں کہ جہان دیاں رونقاں نوں وکھ لئی اکھ دا ہونا بہت ضروری اے۔ ایس لئی وی کہ کسے وی منظر / شے اندر خوبصورتی دا اندازہ انسانی اکھ ای کر سگدی اے۔ تے جس بندے کول اے ربی نعمت نہیں اوس نوں پورا جگ ہیر ای نظر آندا اے۔ وگی دے طور تے مہر سنتا خاں دا اے دوہڑہ دیکھو:

ہے ٹھیک اکھان سیانیا دا ہوندا اکھ دے نال جہان ایں
میری اکھ دے نال کدی آویکھیں تینوں دے جگ ویران ایں
تینوں کے علم اے پچھ مہر کولوں تینوں بخت اپنے تے مان ایں
بھانویں کول کھلوتائے قسم خدا دی نموں سگدائے بجن سیان ایں⁽¹³⁾

ایس دوہڑے وچ ماسٹر محمد اشرف ساغر ہوراں لفظ ”ساغر“ نوں انج استعمال کیتا اے کہ اک تاں لفظاں دی تکر ہوئی وکھالی دیندی تے فیہر ایس دوہڑے اندراک معنوی طور تے گہرائی وی پیدا ہوئی اے۔ کسے اک لفظ نوں انج استعمال کرنا کوئی معمولی خوبی نہیں۔ وگی دے طور تے اوہناں دا ایہہ دوہڑا انج اے۔

آج ساگر نہیں اگلا ساغر رہیا آج ساغر دی اوہ اوقات نہیں رہی
آج بجن دے لاڈ پیار نہیں رہے آج بجن دی اوہ گل بات نہیں وہی
تارے چھانویں جیہڑی ہوندی ہا اوہ روح پرور ملاقات نہیں رہی
خالی کشتکول حسرت دے حاتم طائی دی اوہ خیرات نہیں رہی⁽¹⁴⁾

پنجاب دی ایہہ روایت رہی اے کہ اتھے بہت سارے کم کرن توں پہلاں یاں کم نہ

ہوون دی وجہ معلوم کرن لئی نجومیاں یاں رملیاں ول رجوع کیتا جاندا سی۔ ایس لئی کہ علم دا چانن نہ ہوون پاروں پرانے پنجاب وچ ضعیف الاعتقاد دی عام سی۔ ایسے حالت نوں رب نواز عاصم ہوراں نے اپنے ایس دوہڑے وچ انج بیان کیتا اے:

ہتھ وکھ نجومیا دس مینوں کائی وس دا چارا بن سکدائے
 اکھیاں چوں لڑھیاں چھلاں دا کوئی شخص کنارا بن سکدائے
 میرا رُل گیا منظر نختیاں دا کیا یار دُبارا بن سکدائے
 دس عاصم نوں سڑگیاں بختاں دا، کوئی نیک ستارا بن سکدائے (15)

پنجاب دا اک لوک عقیدہ اے کہ جدوں بنیرے اتے کاں بولدا اے تے ایس توں ایہہ اندازہ لایا جاندا اے کہ کوئی پروہنا آون والا اے۔ پروہ بندے جیہناں دے یار رُس گئے ہوون اوہ اپنی اجڑی جھوک نوں وکھ کے کاں دے مڑ مڑ بولن تے اکھدے نیں کہ وسدیاں گھراں وچ پروہنے آوندے نیں، اجڑی تھان تے کوئی پھیرا نہیں پاوندا۔ وگی دے طور تے شہزاد حسین الفت دا ایہہ دوہڑا انج اے:

استھوؤں اڈ جا وے کاواں پئی مڑ مڑ آکھاں کاں نوں
 ادے کوئی بندہ نہیں منہ کردا میری اجڑی رکھ کے تھان نوں
 تُوں کدن دا بولن لگا ایں دے دھوکے ہور کہنہاں نوں
 بوٹے آس اُمید دے سُک گئے نی پیا الفت سکدائے چھاں نوں (16)

شہباز خان بلوچ ہوراں محبوب نوں مخاطب کردیاں ہویاں آکھیا اے کہ اے میرے محبوب اپنے رب کولوں ڈر، کسے نوں گھٹیا نہ سمجھ۔ ایس لئی کہ ساری مخلوق رب دی پیدا کیتی ہوئی اے۔ عاجزی تے انکساری نال زندگی گزار۔ ایہہ نہ ہوئے کہ غرور تے تکبر پاروں رب تیری پکڑ کرے۔ ایس گل نوں شہباز بلوچ ہوراں نے اک دوہڑا وچ انج بیان کیتا اے:

ہر کہیں دے دلک رب وسدائے نہ کہیں نوں گھٹ سمجھوئے
 مخلوق دا والی ڈاڈھا ہے اوہدی پکڑ تُوں ڈھیر ڈریوئے
 چہڑ پادب تُوں کر لئے سرنیواں اوہنوں تھان نہ مار گھنتوئے
 او تھے شہباز لڑن ناجائز ہوندائے حق ہوندائے بخش چھڑیوئے (17)

پیار تے جدائی عاشق دی زندگی وچ نالوں نال چلدے نیں تے جدوں جدائی عاشق دا

مقدر بن دی اے، تاں اوہ محبوب نوں گزرے ہوئے ویلے دی یاد کرواندا اے تے ایہہ وی دسدا اے کہ محبوب نوں پاؤن واسطے جدوں اوہدا ذکر دشمنان دے منہ سندا ساں، تاں میں اپنی زندگی تیرے ناں توں قربان کرن لئی تیار ہو جاندا ساں۔ جدوں محبوب درشن نہیں ہوندے سن تاں راہواں وچ بیٹھ کے ہو کے بھر دا ساں۔ آج قیس وانگول لیلی لیلی پکاردا پھر داواں۔ ایس تخیل نوں عبد الغفار ماجداک دوہڑے وچ انج بیان کر دے میں:

چن کلیاں بہ کے سوچیں ہا، گلاں شروع اچ چہڑیاں کر داسیں
 سُن ذکر پیار دے دشمنان دا جھب جان تلی تے دھر داسیں
 کدی میں مجبور جے نہ ملنا وچ راہواں ہو کے بھر داسیں
 آج وانگ بلوچ نہ کر ماجد کدی قیس دی ریس وی کر داسیں (18)
 وگی دے طور تے شا کر شجاع آبادی دا ایہہ دوہڑہ دیکھو:

تیڈی ہاں وے میں، تیڈی نہ میں، اقرار وی میں، انکار وی میں
 تیڈا پیار محبت نال میڈے، تیڈی نفرت دا اظہار وی میں
 تیڈیاں نعمتاں دا حق دار میں تیڈے غضب دا کردار وی میں
 ہے شا کر گالھ عجیب جہیں تیڈا غیر وی میں، تیڈا یار وی میں (19)

شاعری راہیں نفسیات دا بیان ایس گل دی دلیل اے کہ شاعر سماج دا اوہ بندا اے جو عام لوکاں دے وطرے نوں بڑے خورنال دیکھدا اے۔ ایس دوہڑے اندر قیصر عباس رئیس نے انسانی نفسیات نوں بڑے خوبصورت ڈھنگ وچ بیان کیتا اے۔ آکھدے نیں۔ سجن اوہ چنگا ہوندا اے جیہڑا کسے دوست دا بھرم رکھے، اوہدے نال دوستی بھناوے، حالات چنگے ہوون یاں ماڑے اوہ چھڈ کے نہ جاوے۔ ایہہ اوس دے خاندانی ہوون دی دلیل اے:

وس لگدیاں سجن ونجائیے نہ چنگے سجن بھرم دی پگ ہوندا
 انج لچ پالاں دی سنگت ہوندا جیویں اصلی ہیرے نگ ہوندا
 جیڈے پئے حالات اچ فرق آون نہ خون اصیل الگ ہوندا
 رئیس توں آپ سیانائیں بھلہ سارے سجن نہ ٹھگ ہوندا (20)

عشق شاعری دا اوہ سرناواں اے جس اتے لگ بھگ ہر شاعر نے کھل کے دل دی ہواڑ کڈھی اے۔ یاسر عباس ملنگی اپنے ایس دوہڑے وچ آکھدے نیں کہ عشق کیتا نہیں جاندا ہو

جاندا اے۔ جدوں عشق سر چڑھ کے بولے تے فیر سمجھو کہ عشق نے عاشق نوں اپنے کلاوے وچ لے لیا اے۔ عاشق نوں اوس منزل اتے پہنچا دتا اے، جتھے کھل لہا کے وی یار دی خیر منگی جانندی اے۔ عاشق انا الحق کہہ کے موت قبول کر لیندا اے پر یار نوں دلوں وساردا نہیں۔

عشق کون کردا، عشق ہو جاندا، عشق اپنے رنگ اچ رنگدا اے
ویری ہو جاوے بھائیں جگ سارا، انا الحق نہ کہن توں سنگدا اے
چٹھی کھل لہا کے شمس ونگوں، خیر فیر وی یار دی منگدا اے
ایس عشق توں موت ملنگی سنگے پر عشق نہ موت توں سنگدا اے (21)

جدائی وچ عاشق دا وقت بہت اکھا لنگھدا اے۔ انسان بھائیں جنناں وی ٹھاٹھ بھاٹھ نال وقت لنگھاوے پر اکلاپے سے اوس دی حالت بہت بھیڑی ہوندی اے تے ایہہ سمہ بڑی مشکل لنگھدا اے۔ کسے وی عاشق واسطے ایہہ اطمینان دی گل ہوندی اے کہ اوس نے کجھ سماں اپنے محبوب دے نگری وچ گزاریا ہوندا اے۔ اوہ ایسے نشے وچ جدائی دا وقت گزار دے نیں۔ جیویں محمد بخش میر اکھدے نیں۔

نہیں لہندا میر حیاتی ساری، سروں دین اوندی چنگیائی دا
کے ہو یا اچ اوہ ٹھاٹھ نہ رہے، نہ وقت ویسی اوکھیائی دا
اودے لگدے دسدن بھل ویناں ہر لحاظ تنہائی دا
وڈا شکر اے ڈھول دی نگری وچ، پیا بھدائے جھٹ سکھیائی دا (22)

جدوں انسان دے سجن کسے پاروں وی اوس دا ساتھ چھڈ دیندے نیں تاں انسان نوں دکھ بڑا لگدا اے۔ خاص کر جدوں کوئی سجن کسے انسان نوں غربت پاروں چھڈ دے۔ چھڈے گئے انسان دا دل خون دے آتھر وروندا اے۔ اوس انسان مونہوں آپ موہارے ایہہ گل نکلدی اے کہ جے اچ میرا سجن میرے نال ہوندا تاں سر عام میری بے عزتی نہ ہوندی۔ جیویں جاوید احمد آکاش ایس گل نوں اچ بیان کر دے نیں۔

جے سجن ہوندے اس غربت وچ مینوں کائی تکلیف نہ ہوندی
وس وس کے وانگوں ساون دے اکھ اتھروں خون نہ روندی
نہ چوکھٹ تے آدرداں دی اسرار بارات کھلوندی
ہوندا آسرا کجھ جے لگدیاں دا سر عام نہ قسمت کو ہندی (23)

طالش حمید ہوری ادہ دوہڑا لکھن والے شاعر نہیں، جیہناں اپنے کلام اندر تاریخی واقعات
 نوں وی بیان کیتا اے۔ جیویں ایس دوہڑے وچ اوہناں حضرت یوسف علیہ سلام دے قصے نوں
 بہت سوہنے ڈھنگ وچ چار مصرعیاں وچ بیان کیتا اے۔ ایہہ لکھن ڈھنگ ایہناں نگہراے کہ
 پڑھدیاں ہو یاں پورا قصہ اکھاں سامنے آجاندا اے آکھدے نیں۔

سد غیب جے ہوندا بندیاں نوں، یعقوب نہ روند لوہ وچ
 سن بگھیاڑ دا کھاون یوسف نوں، دکھ تعطن نہ بندا روح وچ
 چر نہ لاوندا یعقوب پیغمبر، ٹر جاندا او سے جوہ وچ
 جا پتر نوں کڈھ لیاندا طالش، کیوں رہندا یوسف کھوہ وچ (24)

فقیر قادر بخش بیدل ہوری اپنے ایس دوہڑے وچ ہیرتے رانجھے نوں علامت بنا کے
 ایہہ دسدے نیں کہ جدوں نین نیناں نال لڑ دے نیں تاں ہوش گواچ جاندی اے تے فیر ایس
 حالت وچ رنگ پور چھڈنا ای پیندا اے، ایس لئی کہ سوچ دا محور تخت ہزارہ اے۔ جدوں ہیرتے
 رانجھا آپس وچ مل جاوے تاں آپ مہارے رب دا شکر ادا کرن نوں من کردا اے۔ جیویں

رانجھو نال پریت لگایم، چھوڑ کے مٹا چاری
 رنگپور دے وچ مول نہ رہساں، ویساں تخت ہزاری
 نیناں دے وچ نین لگا کے، سرت گنوایم ساری
 میں، تا رانجھو کھو ہولیس، کریندن شکر گزاری (25)

مہر مستان علی جاوید نے اپنے ایس دوہڑے اندر بھاویں سسی دی جدائی دا حال بیان
 کیتا اے پر ایس حال راہیں اوہناں تھل دی منظر نگاری ڈھیر کیتی اے۔ آکھدے نیں تھل ویران
 تھلاں داناں اے جتھے پیون نوں پانی نہیں ملدا۔ تتی ریت اتے چلنا اوکھا اے۔ جنڈتے
 کریر دیاں لگراں وچ جدوں کسے رولن والے عاشق دا کپڑا اڑا دا اے تاں سارا بھید کھل جاندا اے
 تے فیر اوہ عاشق سسی وانگ ماہی ماہی کردا ایہہ جگ چھڈ دینا اے۔

سنج ویران تھلاں دے بٹے جتھے نازک سسی رل گئی
 بے آب تھلاں دی ریت تتی اتوں برہوں ہنیری گل گئی
 اڑ کے جنڈ کریر وناں وچ زلف سسی دی کھل گئی
 ارمان مستان کوں ایہو اے سسی ملکہ مر بے مل گئی (26)

حوالے

- 1- پنجابی زبان و ادب؛ بھٹی سنز پبلیشرز لاہور، س۔ن۔ن، ص 888
- 2- حمید اللہ ہاشمی: پنجابی ادب دی مختصر تاریخ؛ اکادمی ادبیات، اسلام آباد، ص 57
- 3- عبدالغفور قریشی: پنجابی ادب دی کہانی؛ پاکستان پنجابی ادبی بورڈ، لاہور، 1987ء ص 60
- 4- ایضاً ص 78
- 5- قلمی نسخہ، مملوکہ غلام فرید عصمت
- 6- خواجہ حکیم غلام محمد: گلزار شہباز؛ فیصل آباد، س۔ن۔ن، ص 182
- 7- ملک غلام فرید ٹوانہ: دیوان فرید؛ سرگودھا، 2013ء ص 123
- 8- حکیم شفیق احمد قادری: اکھاں داروگ؛ فیصل آباد، 1999ء ص 142
- 9- سویرا نیشنل، لاہور 2008ء ص 54
- 10- اعظم توقیر: چناب کنڈھے دا ادب؛ لاہور، 2013ء ص 214
- 11- قلمی نسخہ، نذیر احمد معذور
- 12- حکیم علی اصغر: دوہڑے دی چون؛ جڑانوالہ، 1999ء ص 94
- 13- اشرف ساغر: قلمی نسخہ
- 14- رب نواز سپرا: قلمی نسخہ
- 15- شہزاد الفت: عشق الہی مہر؛ لاہور، 2014ء ص 28
- 16- شہباز خان بلوچ: قلمی نسخہ
- 17- عبدالغفار ماجد: قلمی نسخہ
- 18- شاکر شجاع آبادی: دوہڑے شاکر دے؛ ملتان، 2012ء ص 12
- 19- قیصر عباس رئیس: قلمی نسخہ
- 20- یاسر عباس ملنگی: قلمی نسخہ
- 21- حکیم علی اصغر: دوہڑے دی چون؛ ص 110
- 22- جاوید احمد آکاش: قلمی نسخہ
- 23- طالش حمید: قلمی نسخہ
- 24- نبیلہ رحمن، ڈاکٹر: رمز وجود و نجاون دی؛ پنجاب انسٹی ٹیوٹ آف لینگویج آرٹ اینڈ کلچر، لاہور، 2010ء ص 378
- 25- مہرستان علی جاوید: چڑیاں بول پیاں؛ چکوال، 2007ء ص 203

Khoj
Research Journal Deptt. of Punjabi
Language & Literature
Punjab University Lahore (Pakistan)
Vol:71, July.-Dece. 2013, pp 109-120

کھوج
تحقیقی مجلہ شعبہ پنجابی زبان و ادب
پنجاب یونیورسٹی لاہور (پاکستان)
جولائی - دسمبر 2013ء، مسلسل شمارہ 71

جدید پنجابی شاعری وچ ڈر، خوف تے اکلاپے دا عنصر

ثناء مدرٹربٹ

ریسرچ سکالر، لاہور کالج برائے خواتین یونیورسٹی، لاہور

Abstract

There are many trends and themes of Punjabi modern poetry. Punjabi poets are also writing with the theme of modern and materialism tendency which is prevailing in our society. There is fear, terror and hollowness in the modern society that is creating loneliness emerge in human being. Modern Punjabi poetry is full of such themes and modern poets are going to write about the psyche of innate by of modern era.

.....

لفظ نفسیات روزہ مرہ زبان دا حصہ بن چکیا اے اکثر ایس قسم دے فقرے سنن نوں
ملدے نیں کہ ماپیاں تے استادان نوں بال دی نفسیات سمجھنی چاہیدی اے جس طرح اک پیر

☆ ایہہ مقالہ ڈاکٹر مجاہدہ (اسٹنٹ پروفیسر، لاہور کالج برائے خواتین یونیورسٹی، لاہور) تے
ڈاکٹر سارا شاہد (صدر شعبہ جینڈرسٹڈیز، لاہور کالج برائے خواتین یونیورسٹی، لاہور) دی نگرانی
وچ مکمل کیتا۔

اپنے مرید دی نفسیات توں بخوبی واقف ہوندا اے۔ اک چنگا سیاست دان عوام دی نفسیات سمجھدا اے جدکہ ماہر نفسیات، نفسیاتی بیماریاں دا بہتر طور تے علاج کرسکدا اے۔ بظاہر نفسیات دا جہڑا تصور اُبھر دا اے اوہ غیب دا علم اے تے اکثر لوکاں دا خیال ایہہ اے کہ ماہر نفسیات کسے نجومی وانگ لوکاں دے ہتھ تے منہ یاں اشارے ویکھ کے بندے دی نفسیات یعنی اوہدی شخصیت تے دل دا حال جان جاندا اے۔

ہر بندے دی نفسیات وکھری اے۔ ہر بال جوان یاں بڈھا وکھو وکھ نفسیات دے مالک ہوندے نیں اوہناں دی سوچ وکھری تے حرکتاں وی وکھریاں ہوندیاں نیں۔ بہت سارے نفسیاتی نظریے علم نفسیات دا حصہ نیں ایس لئی سمجھ توں پہلاں نفسیات بارے جاننا ضروری اے کہ نفسیات کیہ اے؟ ایہہ مادہ تے ماخذ کیہ اے؟

نفسیات دماغ تے سوچ دا علم اے، لفظ نفسیات Psychology دا ترجمہ اے جیہڑا یونانی زبان دے دو اکھراں Psyche تے Logos دا مرکب اے۔ لفظ psyche اک یونانی لفظ psukhe توں نکلیا اے جیہدا مطلب ساہ یا روح دے نیں۔ Logos دا مطلب لفظ یا منطق اے۔ پرانے زمانے وچ سارے علماں نوں منطق قرار دتا جاندا سی۔ ایس طرح Psychology توں مراد روح دا علم اے۔ اعجاز لغات وچ درج اے:

(ترجمہ) نفسیات: علم النفس۔ ”ذہن انسانی دے رجحانات تے شعور و لاشعور توں بحث کرن والا علم“، (1)

نفسیات نوں اک قدیم علم یا سائنس تصور کیتا جاندا اے جدوں بندے نے شعور دی وادی وچ پیر پایا تے اوس ویلے علم دا مڈھ بدھا۔ نفسیات اک جدید علم اے ایہہ دائرہ کار بوہت موکلا اے۔ ایہہ مقصد بوہت اچا اے حیاتی دا کوئی شعبہ اجیہا نہیں جیہدے وچ نفسیات دا عمل دخل نہ ہوئے۔ ہر شے یاں بندے نوں سمجھن پرکھن لئی اوہدی نفسیات دا سمجھنا ضروری اے۔

”قومی انگریزی اردو لغت“ وچ درج اے:

”نفسیات علم کی وہ شاخ جو ذہن انسانی سے تعلق رکھتی ہے علم النفس۔ وہ ذہنی علم شعور اور طرز عمل کے واقعات کے بغور مطالعے سے اخذ کرتے ہیں۔ ذہن یا کردار کی وہ مجموعی کیفیتیں جو کسی گروہ یا اس کے کسی رکن کے ساتھ

مخصوص ہوتی ہیں“۔ (2)

اپنی ذات نوں سمجھناات ضروری اے۔ ہر بندے تے لازم اے کہ اوہ اپنی ذات نوں سمجھے، پہچانے تے سجانے کہ اوہ کیہ اے تاں جے اپنی ذات دا پورا علم حاصل کر سکے۔
رسول اکرمؐ نے فرمایا:

”جس نے اپنے آپ کو پہچانا، اس نے اپنے رب کو پہچان لیا۔ چنانچہ اس طرح نفسیات کی بدولت انسان ذات خداوندی تک رسائی حاصل کر لیتا ہے“۔ (3)

نفسیات دا علم ذہن دیاں شعوری کوششاں دا ہی مطالعہ نہیں کردا سگوں تحت الشعور تے لاشعور وچ موجود ذہنی عملاں نوں جانچن دی صلاحیت رکھدا اے۔ ایہہ علم انسانی شعور دے مطالعے دے نال نال انسانی کردار دا مطالعہ وی کردا اے۔ علم نفسیات اک نارمل یا طبعی فرد دے ذہن دا ای مطالعہ نہیں کردا سگوں غیر معمولی یا غیر طبعی بندیاں دے ذہناں اتے وی بحث کردا اے۔ ادب وچ نفسیات شاعر تے مصنف دے دماغ، جذبات تے محسوسات دا گویڑ لاکے اوہناں دے دماغ تے شخصیت دا مطالعہ کردی اے۔ ایہدے نال ای ویلے تے حالات دے اوہناں دی شخصیت اتے اثرات مرتب کردی اے۔ ایس دے نال ای شاعری یاں لکھت اتے شخصیت دی ذاتی وارتا تے حالات دے اثرات دا جائزہ وی لیندی اے۔

نفسیات دے اثرات علم تے ادب دی ہر شاخ تے نیں ایہہ حیاتی دے ہر مرحلے وچ رچی مچی ہوئی اے روزمرہ حیاتی وچ ایہدا ڈھیر عمل دخل اے نفسیات نے جتھے بندے دی حیاتی اتے ڈھیر اثرات چھڈے نیں اوتھے ای اوہدے ذہن نوں ڈھیر متاثر کیتا اے ایہدا گویڑ شاعری دے مطالعے توں ہوندا اے کیوں جے شاعر بہت حساس ہوندا اے اوہ ڈونگھیا ئی وچ جا کے سوچدا اے ہر شے نوں نیڑے ہو کے دیکھدا اے تے محسوس کردا اے ایہدی وجہ اے کہ شاعر دی شاعری کچھ کوئی نہ کوئی خاص واقعہ یا حادثہ لکھیا ہوندا اے جیہڑا اوہنوں متاثر کردا اے۔ شاعر دے دکھ درد دا احساس لفظاں راہیں ہوندا اے اوہنوں ایہہ خاص مہارت ہوندی اے کہ اوہ اپنے دکھ نوں کس طریقے نال بیان کرے شاعر اک ات حساس بندہ ہوندا اے احساس دی ایہہ دولت شاعر نوں جذبیاں دی ہڈورتی توں لبھدی اے۔ ہر شاعر دی شاعری کچھ کوئی نہ کوئی خاص گل یاں

اودے زمانے دے حالات دا گوڑھا اثر ہوندا اے شاعراں دی شاعری تے اوس ویلے دے حالات دا جائزہ ہی دسدا اے کہ جیہڑے ویلے اوہناں شاعری کیتی ایس ویلے اوہناں دے ذاتی، سماجی، ملکی تے بین الاقوامی حالات کیہ سن۔

جدید شاعری دا ویروا کردیاں جیہڑے عنصر نمایاں نظریں آؤندے نیں اوہناں وچ ڈر، خوف تے اکلاپے دا عنصر نمایاں دکھائی دیندا اے۔ جیہناں توں بخوبی اوس ویلے دے حالات دا گوڑھا لایا جاسکدا اے۔ پہلی عالمی جنگ نے پوری دنیا نوں عام طور تے برصغیر دے خطے نوں جس دکھ تے کرب دا شکار کیتا اوسدا تذکرہ اسی صدی گزرن توں بعد وی سوچاں وچ اک بھونچال جیہا برپا کر دیندا اے۔ تاریخ دا مطالعہ دسدا اے کہ پہلی عالمی جنگ دے سبب لگن والے روحاں دے پھٹ تے جساماں دے زخم اے ٹھیک نہیں ہوئے کہ دوجی عالمی جنگ دے حالات پیدا ہو گئے۔ اوہ لوک جیہناں پہلی وڈی جنگ دا سارا منظر کھلیاں اکھاں نال تکیا سی دوجی عالمی جنگ دے آثار پیدا ہونداں ای اوہناں دیاں اکھاں دی ویرانی ودھ گئی تے سارے اوسے دکھ تے کرب وچ مبتلا ہو گئے۔ ایہو وجہ اے کہ جدید شاعری دی وچ ڈر خوف تے اکلاپے دا عنصر نمایاں اے۔ 1947ء دے بعد دے دور نوں جدید دور مٹھیا جاندا اے ایس دور وچ بہت سارے شاعر سامنے آئے ایہناں ساریاں دی شاعری وچ ڈر خوف تے اکلاپا نمایاں اے۔ قیام پاکستان نوں پہلاں تے بعد دے حالات دا اثر اگھڑ واں دکھائی دیندا اے۔ اجیہا خوف اوہناں دی سوچ تے دماغ تے چھایا ہویا اے کہ اوہ چاہ کے وی ایہدے کولوں پچھانیں چھڈا سکدے۔ 1947ء توں بعد دے دور نوں تن حصیاں وچ ونڈیا جاسکدا اے یعنی:

- 1- مڈھلا دور 1947-1965
- 2- وچکارا دور 1966-1985
- 3- اجوکا دور 1986-2013

مڈھلے دور وچ جیہڑا ناں سب توں پہلے سامنے آؤندا اے اوہ شریف کنجاہی دا اے۔ شریف کنجاہی نوں جدید نظم دا موڈھی منیا جاندا اے ایہناں دیاں نظماں وچ وی دوجی جنگ عظیم دی جھلک نمایاں دکھائی دیندی اے۔ اوہناں دی نظم ”مولا خیر گزارے“ وچ داخلی طور تے دوسری جنگ عظیم توں پہلاں دے زمانے دی دس پاؤندی اے اوتھے ای ایہدے وچ عام لوکاں ولوں

خوف تے تشویش دا اظہار وی ملدا اے۔

جنگاں مڑ چھڑیاں کہ چھڑیاں

قوماں مڑ بھڑیاں کہ بھڑیاں

کیہ کراں دے

کدھر جاں دے

مولا خیر گزارے (4)

شریف کنجاہی ہواں دی شاعری وچ ایہہ خوف ذاتی حوالے نال نہیں سگوں اجتماعی تے انسانی حوالے نال اے ”قوماں مڑ بھڑیاں کہ بھڑیاں“ توں صاف پتہ لگدا اے کہ اوہناں دے ذہن تے خوف دا بوہت زیادہ اثر اے۔ اوہناں دی ساری شاعری وچ ایس خوف دا عنصر گوڑھا دکھالی دیندا اے اوہ ایسے خوف دے تحت شاعری کردے لگے جانداں نیں کیوں جے اوہناں کول اظہار دا طریقہ صرف شاعری ای اے۔ نفسیاتی لحاظ نال ایہوں ہجیان داناں دتا جاندا اے۔ جیہڑا بہت زیادہ خوف تے ڈردی صورت وچ پیدا ہوندا اے۔ ایہہ ڈر خوف افراد نوں روزمرہ حیاتی وچ مختلف حالات تے تجربات توں حاصل ہوندا اے۔ ایہہ خوشگوار حالات تے ناخوشگوار حالات دے نال مطابقت رکھدا اے۔ ہجیانی کیفیت نہ صرف ذہنی سگوں ایہدے وچ جسمانی تے نفسیاتی عوامل وی موجود ہونداں نیں۔ ابن سینا ہجیان بارے لکھدے نیں:

”خیال بذات خود جسم پر اثر انداز نہیں ہوتا جب کہ خیال کے ساتھ کوئی جذبہ

(غصہ اور خوف) شامل نہ ہو۔ اس کی وجہ یہ ہے کہ جذبات جسمانی اعضاء پر

براہ راست اثر انداز ہوتے ہیں“۔ (5)

ایہو وجہ اے کہ قیام پاکستان توں بعد دے حالات بوہت خراب سن ہر پاسے قتل و غارت، بھکھ ننگ، غربت افلاس تے عصمت دری ورگا ماحول سی جیہنے شاعراں دے ذہن نوں ڈھیر متاثر کیتا۔ ایہہ ڈر تے خوف اوہناں دی شاعری دا حصہ بن گیا جے کر منیر نیازی دی شاعری نوں ویکھیا جائے تے اوہدے وچ خوف ڈر نمایاں دکھالی دیندا اے جیویں اوہ اپنی نظم ”اک کچی رات“ وچ لکھدے نیں۔

گھر دیاں کندھاں اتے دین چھٹاں لال پھوار دیاں

ادھی راتیں بوہے کھڑکن ڈیناں چیرکاں ماردیاں (6)

منیر نیازی دا ایہہ ڈرتے خوف ہندوستان دی تقسیم دے ویلے نال جڑیا اے جیہدے
وچوں منیر ہوراں نوں آپ لنگھنا پیا۔ اوہناں نے اجڑے شہر، لاشاں بھرے جنگ دے میدان،
پرانے محلاں اندر ہوندیاں لڑائیاں، لہو وچ ڈبیاں ہونیاں کندھاں تے عبرت دے ہور بہت
سارے منظر دیکھے نیں جہدا اظہار اوہناں دی شاعری وچ بھرواں دکھالی دیندا اے۔ اوہ نفسیاتی
طور تے بہت زیادہ پریشان تے خوفزدہ سن جیہنوں نفسیات دی رونال ڈپریشن دا شکار وی آکھیا
جاسکدا اے۔ لائف ٹس اپنی کتاب ”سائیکا لوجی“ وچ ڈپریشن بارے لکھدا اے:

"Depression is a dejected mood persisting for at
least two weeks , during which time it tends to
colour all thoughts and behaviour".

(ڈپریشن ایک افسردہ موڈ ہے جو کم از کم دو ہفتے تک برقرار رہتا ہے اور اس عرصے میں
اس کا اثر فرد کی سوچوں اور کرداروں پر نمایاں طور پر مشاہدے میں آتا ہے۔) (7)

ایس دور دے سارے شاعر ایس ہیجانی کیفیت تے ڈپریشن وچ مبتلا نیں ساریاں دی
شاعری وچ ایہہ ڈر نمایاں دسدا اے سلیم الرحمن دی شاعری وچ اوہناں دا ڈھنگ منیر نیازی نال
رداملد اے ایہدے وچ وی خوف تے وہم دی فضا ٹھاٹھاں ماردی دسدی اے۔ خوف قدم قدم
تے احساس دا ہلونا دے کے ان سوچے تے ان ڈٹھے خوف نال دوچار کر دیندا اے۔ جیویں نظم
”سفر دی رات“ وچ لکھدے نیں:

مینوں شام آوازاں دے اوس جنگل وچ بلاندی اے
روشنیاں توں اوہلے ہوکے جیہنوں اک راہ جاندی اے
سڑدیاں ہڈیاں دی بوسنگھ کے کیوں میرا دل نسدا اے
اُچیاں اُچیاں چیرکاں اتے سارا جنگل ہسدا اے (8)

ایس دور وچ اجیہی شاعری کرن والے ہور وی بوہت مشہور شاعر نیں جیہناں دی
شاعری اتے ڈرتے خوف دا عنصر دکھالی دیندا اے۔ جیہناں وچوں احمد راہی، سائیں فیروز تے
سلیم کاشور گے شاعر نمایاں نیں۔

وچکارلا دور جیہڑا کہ 1966ء توں لے کے 1985ء تیکر دا اے ایہدے وچ وی ودھیرے شاعراں نے حصہ پایا اے ایس دور وچ وی جنگ دے اثرات باقی سن تے ہر پاسے افراتفری تے نفسانسی دا عالم سی کسے نوں کسے دی کوئی پرواہ نہیں سی ایس دور وچ ”جیہدے ہتھ جہدی بانہہ آئی“ والا حساب سی۔

ایس دور دے اک مشہور شاعر الطاف قریشی جیہناں دا مجموعہ ”اکھیاں دے پرچھانویں“ 1967ء وچ چھاپے چڑھیا۔ ایہدے وچ اوہناں نے زیادہ تر اکلاپے نوں بیان کیتا اوہ اک حساس شاعر نیں اوہناں انسان دے ڈھلے جذبیاں نوں اپنی شاعری دی نینہہ بنایا اے۔ اوہناں نے بندے دے اکلاپے نوں بڑے سوہنے ڈھنگ نال بیان کیتا اے تے لوکاں دی بے حسی ول توجہ کرائی اے۔ اوہ آکھدے نیں بندے کول اج اپنی ویہل نہیں کہ اوہ کسے دوسرے کول تھوڑا چر بہہ کے کوئی گل بات کر سکے۔ ہر کسے نوں اپنی اپنی فکر پئی ہوئی اے ایس لئی اوہناں اپنی نظم ”دھریک دی فریاد“ ایکی جیہدے وچ اوہناں دھریک دے مونہوں اجیہے لفظ کڈھائے جہڑے کہ اج دے بندے دے دل دی آواز اے:

لم سلمی، سَکَم سَکِی، اک دھریک
تنگیاں تنگیاں بانہواں اڈ کے
چچھدی میریا سوہنیا ربا
کیوں اگی ساں میں ایس ویہڑے
میرے لہو دیاں ساریاں بونداں
پی گئی میرے مڈھ دی مٹی (9)

الطاف قریشی اک اجیہا معاشرہ تے ماحول دیکھن دے چاہی وان سن جیہدے وچ ہر ویلے خوشیاں ہون تے ہر کوئی گھل مل کے اک دوجے دے نال رہوے۔ اوہ کشمیر دے رہن والے سن تے کشمیر وچ ہون والے ظلم تے فساداں توں ڈاڈے پریشان سن جس پاروں اوہ نفسیاتی طور تے وی ڈھیر متاثر سن نفسیاتی حوالے نال اوہ ”خپت“ ورگی بیماری دا شکار وکھالی دیندے نیں کیوں جے ایہہ بیماری انسانی ماحول توں ای پیدا ہوندی اے بندے نوں جدوں احساس ناکامی یا محرومی ہوئے تے بندہ نفسیاتی طور تے ایس بیماری وچ مبتلا ہو جاندا اے، الطاف ہوری چونکہ اک

انجیے ماحول تے معاشرے وچ رہندے سن جیہدے وچ ہر ویلے پریشانی، ڈرتے خوف سی کہ کس ویلے کیہ ہو جائے کجھ پتہ نہیں تے اوہ چاہ کے وی ایس ماحول نوں ٹھیک نہیں سن کر سکدے جس پاروں اوہناں وچ احساس محرومی وی سی کہ اوہ اپنی طاقت نہیں رکھدے کہ اپنے ماحول تے معاشرے نوں ٹھیک کر سکن۔ خبیث دی باقاعدہ تعریف ”رش“ نے کیتی اے لکھدے میں کہ:

”فرد کے مقاصد اور ضروریات کے درمیان حائل ایسی رکاوٹیں جو محرکات کے حصول کو تو یا سرے سے ٹھکرا دیں یا پھر ان کی راہ مسدود کر دیں فرد کی اس اضطرابی کیفیت کو خبیثیت یا احساس محرومی یا احساس ناکامی کہتے ہیں۔ اس حالت کے پیدا ہونے کی وجوہات ماحولی، ذاتی یا کٹنگش۔“ (10)

1972ء وچ اک اُبھر دا شاعر عارف عبدالمتمین اے۔ جیہناں دا مجموعہ ”اکلاپے دا مسافر“ چھپیا۔ ایہدے وچ اکلاپے دا ذکر کافی لبھداے، اوہناں دا تصور ٹھوس سماجی حوالیاں نال اے جیہدے وچ احساس رکھن والا شخص بندیاں دے جنگل وچ رہن دے باوجود کلا ہوندا جا رہیا اے۔ ایسے طرح اوہناں دیاں نظماں وچ پایاجان والا خوف وی حقیقت پسندی دا عکاس اے جیویں اوہ آکھدے میں کہ:

میں جنگل وچ کلم کلا

میرے چار چوہیرے رکھ (11)

ایڈی وڈی دنیا وچ رہن دے باوجود انسان اپنے آپ نوں کلا سمجھدا اے معاشرے دی بے حسی نے بندے نوں نفسیاتی مریض بنا کے رکھ چھڈیا اے۔ ایہدی وجہ اک مشینی دور وی اے جس نے انسان نوں اک دو بے کولوں وکھرا کر چھڈیا اے فیر نال ای اوہناں اتے خوف چھا جاندا اے تے آکھدے میں کہ:

دھرتی اتے شیر تے چیتے

لغراں اتے پھنیر سپ

پٹھاں چیرے جان دا سہنسا

ا پر ڈنگے جان دا ڈر (12)

جنگل وچ ہر بندہ جیہڑا طاقت رکھدا اے اوہ کسے غریب نوں سکھ داسا نہیں لین دیندا۔

اوہ غریب ہر ویلے ایسے ڈرتے خوف وچ بتلا رہندا اے کہ خورے ہن ساڈے نال کیہ بتین والی اے ایس خوف پاروں بند اک دو بے کولوں دامن بچاندا اے کسے نال کوئی وی مخلص نہیں ہوندا صرف اپنا مطلب کڈھن لئی اوہ دو بے بندے نوں ورتدے نیں جس پاروں انسانی ذہن ہر ویلے کشمکش دا شکار رہندا اے ایہہ انسانی نفسیات نوں بری طرح متاثر کردیاں نیں جہدا اثر شاعراں دی شاعری وچ وی ظاہر اے۔ نفسیاتی حوالے نال ایہوں ”عصبانیت“ دا ناں وی دتا جاندا اے۔ ایہہ نفسیاتی بیماری ڈرتے خوف پاروں اندر جمدی اے ڈیوی سن تے نیل ایہدی تعریف انج کردے نیں:

"Neuroses is a large group of disorders characterized by unrealstik anxiety (unpleasant feeling of fear and apprehension) and other associated problems".

”عصبانیت بہت سی بیماریوں کا ایک گروپ ہے جن کی بنیادی خصوصیت، غیر حقیقت پسندانہ تشویش (ناخوشگوار احساس، خوف اور اندیشے اور دیگر مسائل ہیں،“ (13)

ایس دور دے شاعر مختلف قسم دے خوف تے ناخوشگوار حالات دا شکار نیں جہدا اثر اوہناں دی شاعری وچ موجود اے۔ عارف عبدالمتین نے سوسائٹی وچ موجود درد ناک حالات تے بے حسی دا غلبہ تے بدی دیاں قوتاں انساناں دا لہو نچوڑ دیاں دکھایا اے ایہہ سبھ کجھ اک حساس دل رکھن والا ہی محسوس کرسکدا اے تے اوس ویلے دے حالات توں بخوبی جانکاری حاصل کرسکدا اے۔ ایس دور وچ ایس قسم دی شاعری کرن والے ہور وی بہت سارے شاعر موجود نیں جیہناں نوں بیان کرنا ممکن نہیں جیہناں وچ حکیم ناصر، مشتاق باسط، شریف صابر، شاہین نازلی، انور مسعود، رشید انور، غلام مصطفیٰ بسمل، اقبال زخمی، حسین شاہد، قیوم نظر، اسلام شاہ تے اقبال صلاح الدین ورگے مشہور شاعر موجود نیں، 1986ء توں لے کے 2013ء تکراجو کا دور اے۔ ایہہ دور چونکہ مکمل طور تے مشینی دور اے تے پاکستان اک ایٹمی طاقت وی بن چکیا اے۔ ایہدے نال نال ایس دور وچ دہشت گردی نے جنم لیا اے۔ جس پاروں معاشرے وچ ہر ویلے خوف دی فضا رہندی اے انسان دی حیاتی بالکل بے وقعت ہو کے رہ گئی اے بندے نوں کوئی پتہ نہیں کہ اوہ باہر

جا کے واپس وی آسکے گا کہ نہیں ایس دور وچ ابھرن والے شاعراں نے ایس چیز دا ودھیرا اثر قبولیا
اے ایہدا اظہار اوہناں دی شاعری وچ دکھالی دیندا اے جیویں ڈاکٹر اختر شمار ہوری اپنی نظم وچ
لکھدے نیں کہ:

ہر تھاں روز دھماکے ہون
سرتے اڈدے روز ڈرون
ساڈی جتیاں ساڈے سر
وچ بکھن آئی دھون (14)

ایس نظم وچ ڈرتے خوف واضح دکھالی دیندا اے کہ بندہ بے وساجیہا ہو کے رہ گیا اے
اوہ ہر پاسیوں ڈرتے سہمیہ ہو یا اے۔ جہدی وجہ توں اوہ نفسیاتی بیماریاں وچ مبتلا اے اوہ ہر
ویلے ذہنی اذیت دا شکار اے ایہہ سارا خوف اوہدی لکھت وچ آجاندا اے۔ ایس خوف تے ڈر
پاروں انسان اپنے آپ نوں کلامحسوس کردا اے کیوں جے ایس دور وچ کسے کول اینا ویلا نہیں کہ
اوہ کسے دوسرے دا دکھ وٹا سکے۔ جیویں پہلے زمانے وچ کڑیاں تے زنانیاں ”ترنجناں“ وچ
بہندیاں تے گلاں باتاں کردیاں سن اپنے دل دا بھار ہولا کردیاں سن پراج دے زمانے وچ اجیہا
کوئی رواج نہیں انسان سارا کجھ اپنے اندر دبائی رکھدا اے کیوں جے اوہدے دکھ سنن والا کوئی
نہیں ڈاکٹر شوکت علی قمر اپنی نظم ”اکلاپے دادکھ“ وچ لکھدے نیں:

جیون وی ہن ہوندا جاوے
حشر دا اک سیاپا
باہر بھاویں کنیاں بھیڑاں
اندر اے اکلاپا (15)

بندہ اک معاشرتی حیوان اے تے اوہ کلیاں حیاتی نہیں گزار سکدا۔ اوہنوں اپنی لوڑ تے
خواہشاں پوریاں کرن لئی دو جیاں دی ہمیشہ لوڑ ہوندی اے پر جدوں انسان نوں ایہہ سب چیزاں
میسر نہیں آوندیاں تے اوہ پریشان حال ہو جاندا اے تے نفسیاتی امراض وچ مبتلا ہو جاندا اے
جہنوں نفسیاتی حوالے نال خبیثت دا شکار آکھیا جاندا اے۔ جیویں اختر شمار دی شاعری وچ بم دھماکے
دا ڈرتے خوف موجود اے نال ای ڈاکٹر شوکت دی شاعری وچ اکلاپے دا عنصر اگھڑاواں اے۔

ایہہ سب کچھ نفسیاتی حوالے نال خبیث دے زمرے وچ آوندا اے۔ ایہدی باقاعدہ تعریف پروفیسر مارگن کردے نیں:

"Mere lack of satisfaction of a need is deprivation but thwarting behaviour directed to wards a good is frustration"

”کسی ضرورت کی تسکین نہ ہونے کو محرومیت کہا جاتا ہے لیکن اگر کسی مقصد کو حاصل کرتے وقت کردار کے راستے میں مزاحمت پیدا کر دی جائے تو اس طرح جو ذہنی کیفیت پیدا ہوتی ہے اسے خبیثت کہا جاتا ہے“ (16)

ایس سارے نفسیات تجزیے توں نتیجہ نکلا اے کہ نفسیات ہر بندے تے گوڑھا اثر چھڈدی اے تے انسان چاہ کے وی ایہدے توں پچھان نہیں چھڈاسکدا۔ ایہہ نفسیاتی اثر ہر شاعر دی شاعری وچ موجود اے کسے وی شاعر نے ایہوں خاص کر کے بیان نہیں کیتا سگوں اوس ویلے حالات دا اثر اے کہ ساریاں سوچاں تے خیال شاعری وچ اٹڈ آئے نیں کیوں جے جس قسم دے حالات ہون بندہ اوس طرح سوچنا شروع کردیندا اے ایس لئی موجودہ حالات انسانی نفسیات تے بہت زیادہ اثر انداز ہوندے نیں جیہدا اندازہ شاعری پڑھ کے وی ہوندا اے۔

حوالے

- 1- ذوالفقار احمد تابش: اعجاز الغات؛ سنگ میل پبلی کیشنز، لاہور، 2002ء ص 531
- 2- قومی انگریزی اردو لغت؛ مقتدرہ قومی زبان، پاکستان، 2002ء ص 1560
- 3- گلزار احمد صوفی: ابتدائی نفسیات؛ نذر سنز، لاہور، 1988ء، ص 8
- 4- عصمت اللہ زاہد: ادب سمندر؛ اے ون پبلشرز، لاہور، 2003ء ص 242
- 5- توقیر اکرام مسز: اعمال نفسیات؛ الاینڈ بک سنٹر، لاہور، 2003ء ص 230
- 6- منیر نیازی: اوکھیاں راہواں؛ دوست پبلی کیشنز، لاہور، 2008ء ص 15
- 7- یوسف ٹی ایم، جدید نفسیات، لاہور: علمی کتاب خانہ، 2003ء ص 141
- 8- سلیم الرحمن: آون والے؛ نئی مطبوعات، لاہور، 1965ء ص 49
- 9- الطاف قریشی: اکھیاں دے پر چھانویں؛ کشمیر کتاب گھر، لاہور، 1968ء ص 43
- 10- غلام محی الدین: نفسیات کا اطلاق؛ مکتبہ کاررواں، لاہور، 2002ء ص 3
- 11- عارف عبدالمتین: اکلاپے دامسافر؛ ٹیکنیکل پبلشرز، لاہور، 1976ء ص 59
- 12- ایضاً ص 59
- 13- جدید نفسیات؛ ص 56
- 14- اختر شمار، ڈاکٹر: میلہ چار دہاڑے؛ وجدان پبلی کیشنز، لاہور، 2010ء ص 87
- 15- شوکت علی قمر، ڈاکٹر: اٹھواں آسمان؛ پنجابی مرکز، لاہور، 2008ء ص 105
- 16- جدید نفسیات؛ ص 1